

**JACOBI FRIDERICI  
LUDOVICI,  
J. U. D. PP. & Fac. Jur. Adseff.  
USUS PRACTICUS  
DISTINCTIO-  
NUM JURIDI-  
CARVM**

**JUXTA  
ORDINEM DIGESTORUM ADORNATUS.  
PARS II.**

**Libros à XIV. usque ad XXIIIX.  
complectens.**

**EDITIO III.**

**Auctior & emendatior.**



**HALÆ MAGDEBURG.  
Sumptibus ORPHANOTROPHEI.**

---

**Typis JOANNIS GRVNERI, Acad. Typ.  
ANNO MDCCXVII.**





Uſus Practici Diſtinctionum  
Juridicarum

P A R S II.

LIBRI XIV. Digefforum  
TIT. I. & III.

DE EXERCITORIA ET INSTI-  
TORIA ACTIONE.

DISTINCTIO I.

Inter actionem *exercitoriam* & *insti-  
toriam*.



Uod objecto differant, quoniam  
ſcilicet exercitoria ad maritimam,  
iſtitoria autem ad terreſtrem ne-  
gotiationem pertinet, illud adeo  
magnam utilitatem non habet.

Verum in eo uſus ſeſe exerit non contemnen-  
dus, quod *exercitoria* locum habeat contra  
exercitorem ex facto magiſtri ſubſtituti, quam-  
vis exercitor ſubſtitutionem hanc expreſſe  
prohibuiſſet, l. 1. §. 5. ff. de exerc. act. ubi illud  
de iſtitoria negatur, ob utilitatem, ut dicitur,

navigantium ita introductum. Sed quaeritur: *Si ejusmodi prohibitio a principali non fuerit facta, an tunc principalis ex facto substituti actione institoria teneatur?* de exercitoria enim nullum est dubium. Affirmant quaestionem Lauterbach, *h. r.* item Schilterus & Brunemannus apud Schoepfferum in *Synops. jur. priv. h. r. n. 3.* sed mihi contrarium verius videtur. Textus enim a Lauterbachio in hanc rem allegati, nihil minus probant, quam quod ex ipsius intentione probare debebant. Videamus. Textus primus est in *l. 1. §. 5. de exerc. act.* ubi Ulpianus ita: *Magistrum autem accipimus, non solum, quem exercitor praposuit: sed & eum, quem magister, & hoc consultus Julianus in ignorante exercitore respondit. Ceterum si scit & passus est, eum in nave magisterio fungi, ipse eum imposuisse videtur, quae sententia mihi videtur probabilis: omnia enim facta magistri debet praestare, qui eum praposuit: alioquin contrahentes decipientur, & facilius hoc in magistro, quam institore, admittendum propter utilitatem. Quid tamen, si sic magistrum praposuit, ne alium ei liceret praponere? an adhuc Juliani sententiam admittimus, videndum est. Finge enim, & nominatim eum prohibuisse, ne Titio magistro utaris; dicendum tamen erit, eoque producendam utilitatem navigantium. Ego hic nec verba, nec rationem deprehendo, quae dissentientibus patrocinium praebere possit, & quamvis etiam verba, adessent dubia inter-*

pre-

## DE EXERCITOR. ET INSTIT. &c. §

etationis ; ego tamen in tali ambiguitate potius regulæ inherendum esse putarem, i cuius illi substituendi facultas non permittitur, cuius personæ industria electa fuit.

Porro adducitur *l. 5. §. 17. ff. de instit. act.* in qua lege dicitur, quod heres, qui eodem institore utitur, quem defunctus praposerat, actione etiam institoria teneatur, licet quis ante aditam hereditatem cum illo institore contraxisset. Bene, Sed quid hoc ad questionem propositam ?

Denique provocatur ad *arg. l. 8. §. 3. Mandat.* ubi procuratori extrajudiciali alium substituere permittitur ; sed huic legi obstat *l. 15. §. 2. ff. de divers. temp. præscript.* quæ expressis verbis contrarium disponit. Si antinomia concedenda esset, tunc *l. 8. §. 3. Mand.* tanquam a regula ante suppeditata recedens rejici deberet ; sed ne alios vocabulo *antinomie* irriteremus, retinebimus communem conciliationem, quod *d. l. de eo casu* saltem intelligenda sit, ubi res est *minimi præjudicii*, vid. Dion. Gothofr. ad *d. l. Tholosan. Syntagm. jur. univ. l. 49. c. 4. num. 6. Salycetus ad d. l. 8. §. 3. ff. Mandati*, qui hanc materiam fusius persequitur. Sed hac ratione iterum parum accedet opinioni contrariæ. Nam res mercatorum ut plurimum maximi sunt momenti.

Quid ergo manet ? hoc scilicet, Magister indistincte substituit, sive hoc ipsi permissum, sive prohibitum fuerit ; institor autem nunquam substituit, nisi hoc ipsi expresse permissum, aut res minimum præjudicium involvat.

## DISTINCTIO II.

Inter *verum* & *quasi* institorem.

**H**ic nullam deprehendo utilitatem, præterquam, ut terminos intelligamus. *Verus* institor vocatur, cui omnia; *quasi* institor, cui unum saltem negotium ad mercaturam pertinens est commissum, *v. l. 13. §. 25. ff. de act. emt.* Institorum varias species vid. in *l. 5. §. 1. seqq. ff. de instit. act.* In effectu autem eodem modo præponens tam ex veri, quam ex quasi institoris contractibus tenetur. Dixi: ex *contractibus*. Nam ut verus, siue quasi institor *delinqueret*, hoc præponens voluisse non censetur. Graviter quidem ob stare videtur *l. 5. §. 6. ff. de instit. act.* ubi dicitur, quod *libitinar ius*, id est, mortuorum sepulturæ præpositus, (vid. Gothofred. *ad cit. l.*) etiam tunc obligetur, si *pollinctor* mortuos spoliaverit. Sed ibi expresse Ictus de *servo* pollinctore loquitur, propter cujus delicta convenitur quidem præponens, sed ex speciali ratione dominii, quæ actio propterea magis est species actionis noxalis, quam institoria, vid. Illustr. Dn. Stryk *in not. ad Lauterbach. tit. de instit. act. verb. obstar. lib. 5.*

## De actione tributoria.

## DISTINCTIO. I.

Inter actionem tributariam ex *contractu*  
 & ex *dolo* domini, vel patris  
 orientem.

**H**anc distinctionem apud paucissimos  
 deprehendere licuit, plurimi enim, imo  
 omnes fere, unam saltem, eamque a-  
 ctionem tributariam simplicem agnoscunt, nisi  
 quod B. Brunnemannus in *Comm. ad l. 7. §. 2.*  
*ff. h. t.* quorundam mentionem injiciat, qui  
 actionem tributariam de dolo actioni simplici  
 (quam *in factum* quoque appellare posses) con-  
 tradistinguunt. Interim liquido apparet hæc  
 distinctio ex textibus iuris. Primo provo-  
 co ad §. 3. *J. quod cum eo*, ubi ita dicitur: *Namque*  
*si servus in peculiari merce sciente domino*  
*negotietur, & quid cum eo ejus rei causa con-*  
*tractum erit: ita prator jus dicit, ut quidquid*  
*in his mercibus erit, quodque inde receptum*  
*erit, id inter dominum, si quid ei debetur, &*  
*ceteros creditores prorata portione distribu-*  
*tur: ideo tributaria vocatur.* Haftenus de a-  
 ctione tributaria ad *suscipiendam* distributio-  
 nem mercis peculiaris, quæ est ex contractu. Per-  
 git porro Imperator: *Nam si quis ex creditori-*

*bus queratur, quasi in ei tributum sit, quam oportuerit, hanc ei actionem ad commodat, quæ tributoria appellatur.* Habes actionem tributoriam ex delicto, quæ ad *corrigenam* iniquam distributionem mercis peculiaris competit. Deinde addi quoque possunt *l. 1. §. 3. & l. 7. §. 2. & 3. ff. h. t.* quarum prior de actione ex contractu, posterior de ea, quæ ex delicto oritur, itidem non obscure loqui videtur.

Ufus in eo se exerit, quod actio tributoria *ad corrigenam* distributionem non detur adversus heredes, nisi quatenus ad eos pervenit, quia est ex delicto, *l. 7. §. 5. ff. h. t. l. 9. §. 2. eod.* at vero ea, quæ divisionem *susciendam* urget, contra heredes etiam competit, quia ex contractu nascitur, quod ex vulgaribus principiis facile patet.

His notatis, facile patet confusa doctrina eorum, qui actionem tributoriam simpliciter ex contractu nasci asserunt, vid. Lauterbach. *h. t. Struv. Ex. 20. th. 43.* & quare Lauterbach, statuere coactus fuerit, *quod hac actio exorbitantem naturam a pratore acceperit*, quia scilicet ille supposuerat, fundamentum eius, ut nunc in contractu servi vel filii familias querendum esse, unde comprehendere non poterat, quare hæc actio saltem detur *de eo, quod pervenit*, cum tamen alias actiones ex contractibus sine respectu, utrum quid pervenerit, annon, adversus heredes extendantur. Textus, quos adducit Struvius, scilicet *l. 7. pr. §. 2. l. 8. h. §. 3. §. 7. quod cum*



## DE ACTIONE TRIBVTORIA. 9

*o l. f. h.* pro nobis faciunt, prout paulo antelo-  
tendimus. Provocat quidem ad Bachovium  
*in tr. de action. disp. 8. th. 13.* sed hic autor no-  
stram potius sententiam confirmat. Statuit e-  
nim, actionem tributariam ex dolo oriri, & si-  
mul ad *l. 8. h. t.* quæ ob stare videbatur, respon-  
det. Verba eius hæc sunt: *ad qua scilicet* (id  
est, ad distribuendas merces peculiares) *tenetur*  
*ex edicto, & si neutrum fecerit.* (id est, nec  
distribuierit, nec mercibus cesserit per *l. 7. §. 1.*  
*h. t.*) *tum demum hac actione tributaria, qua*  
*coercendo dolo comparata est, convenitur per*  
*l. 7. §. 2. h. t.* Nam quod dicitur in *l. 8. eod.* non  
esse hanc actionem de dolo, non eo pertinet,  
quasi hac actione non coerceatur dolo, sed  
quod non sit actio famosa, qua in specie appel-  
latur actio doli, ut ex *l. prac. 7. §. ult.* perspi-  
cuum esse potest; at tamen hoc notetur, in *d.*  
*l. 8. rei periectionem* continere, in specie usur-  
pari, ut opponatur actioni famosa de dolo,  
qua alias *Cipsarei persecutoria* dici potest,  
quatenus hac opponitur actioni poenali in du-  
plum, triplum vel quadruplum, &c.

Sed posset quis objicere: ergo actio tribu-  
toria, quam tu ex contractu esse dicis, coinci-  
dit cum actione de peculio; imo non coinci-  
dit. Differunt illæ duæ actiones & *objecto* &  
*effectu.* Actio de peculio intuitu *totius peculii*;  
tributoria *mercis alicuius peculiaris* respectu  
datur, *l. 11. ff. h. t.* Dominus item, vel pater acti-  
one de peculio conventus, *omne* deducit, quod  
sibi debetur, antequam reliquis creditoribus

satisfiat; sed in actione tributaria, velut extraneus creditor, *pro rata* saltem in distributione concurrat, quia eo ipso, dum passus est, servum vel filium in merce peculiari negotiari, privilegio suo renunciassé censetur, *v. l. 1. pr. §. 2. l. 5. §. 7. h. t.*

Hæc quoad usum theoreticum propter confusionem communiter receptam moneri debuerunt. Quæritur autem, quid de usu practico dicendum sit? Hic diversæ assertiones separandæ. Quidam ex DD. statuunt, quod actioni tributariæ propterea hodie non sit locus, quia filii, negotiationem exercentes, eo ipso pro tacite emancipatis habentur, vid. Schultz. *Synops. instit. tit. quod cum eo &c. lit. C. Beyer. Posit. ff. h. t. Hahn ad Wesenbec. h. t. in fin.* quam sequitur Lauterbach. *h. t. in fin.* Verum hæc opinio non placet. Tacita enim emancipatio non nisi ex separata demum œconomia colligitur, Brunnem. *ad l. 31. ff. de adopt. Dav. Mevius ad ins Lubec. l. 1. tit. 3 num. 24. conf. omnino Illustr. Stryk. ad Lauterb. h. t. verb. habeantur.* Sed talis separata œconomia in filiosam, peculium administrante nonprehenditur.

Quod addit Dn. Beyer *loc. cit.* quod hodie *exorto creditorum concursu non pater bonis obgratis dividendis præsint, sed iudex, & quod per consequens ex hoc etiam capite actio tributaria cesset; in eo iterum fallitur.* Non enim de eo est quæstio, quid pater post concursum

coram

oram iudice motum fecerit; sed de distributione, quam suscepit, antequam causa ad iudicem devolveretur. Nec enim & hodie creditores statim iudicem adeunt, sed prius tentare solent, annon extrajudicialiter suum a debitore consequi possint. Interim, quod rarior hodie sit actio tributoria, quam olim quidem, facile largior, cum rariora sint filiorumfam. peculia, servos autem non habeamus.

Disputant hic quoque, annon beneficium *quasi separationis* ex hoc titulo deduci possit? Quod si enim servus apud Romanos plures exercebat negotiationes, vel ejusdem negotiationis plures habebat tabernas, tunc quilibet creditor intuitu ejus negotiationis, vel tabernæ; cujus intuitu specialiter contraxerat, reliquis præferebatur. Exinde DD. colligunt: si hodie mercator aliquis plures habuit negotiationes, aut tabernas, & alter hujus tabernæ intuitu speciatim contraxit, quod tunc quoad bona in illa taberna reperta reliquis præferendus sit. Hic quidem quoad theoriam placet opinio eorum, qui dicunt, a negotiatione servi ad liberi hominis negotiationem non procedere consequentiam. Cum enim servi pro nullis habiti, *merci* magis, quam personæ creditum videbatur, & inde oriebatur separatio. At liberorum hominum *persona* obligatur, æque alienum, quod contrahunt, totum ipsorum patrimonium imminuit, non certi loci facultates respicit, Grönw. *ad l. 5. §. 15. §. 1.*

§ l. 16. ff. h. t. quem sequitur Dn. Beyer *loc. prox. cit. ad h. t. in f.* Sed si de praxi quæritur, prout hoc ad scopum nostrum primario spectat, illa iterum in contrarium est, & pro observantia beneficii quasi separationis communiter pronuntiatur, vid. Illustr. Dn. Stryk. *in not. ad Brunnem. Proc. conc. Cred. C. 5. §. 13.* & quos ibi citat. Ceterum de jure separationis & quasi separationis pluribus actum in *der Einleitung zum Concurs. Process. cap. XI.*

## LIB. XV. TIT. I.

## De Peculio.

## DISTINCTIO I.

*Inter peculium castrense, quasi castrense, profectitium & adventitium, idque ordinarium & extraordinarium.*

**C**ommuniter hæ distinctiones, tanquam inutiles obiter saltem tractantur, quasi non sint dignæ, ut ullum temporis spatium iis recte intelligendis infumatur. Verum ea, quæ mox dicentur, ostendent, fallere non solum DD. qui talia pro autoritate affirmant, sed simul & eos falli, qui eadem cæco impetu sequuntur.

Usum scilicet habet ea distinctio *in actionibus judicialibus*. Intuitu peculii castrensis vel quasi

quasi castrensis, filius adversus ipsum patrem, & adversus extraneum solus incio & invito patre agere potest, *l. 4. ff. de judic. l. 4. §. 1. ff. de castrens. pecul.* Propter profectitium nec adversus patrem agit, ob *d. l. 4. de judic.* nec contra extraneum, patri enim & proprietas & usufructus, id est, omne omnino jus competit, vid. Struv. *Exerc. 9. th. 6.* nisi forsitan pater absens sit, tunc enim ex præsumpto mandato admittitur, *v. l. 18. §. 1. ff. de judic.* Ratione adventitii regularis pater, tanquam usufructuarius & legitimus administrator, actionem instituit, consentiente tamen filio, si eius ætatis est, ut consentire queat, *l. ult. §. 3. C. de bonis qualib.* quod si pater abest, vel furore impeditur, filius non minus, ut antea admittitur, cum cautione tamen de rato, vid. Struv. *loc. cit.* Denique quoad adventitium irregulare distinguit quidem Lauterbach, *ad tit. de judic.* utrum illud consentiente, an vero dissentiente patre, filius acquisiverit, sed ea distinctio effectu hic destitui videtur, cum *l. f. in f. pr. C. de bon. qualib.* filio agendi potestatem concedat cum consensu tamen patris, quamvis filius peculium eo dissentiente acquisivisset. Quidni ergo & eo casu, ubi pater in acquisitionem consensit, ejus quoque consensus in institutione actionis requireretur? Ergo ita dicendum: in adventitio irregulari filius semper agit, consentiente tamen patre, qui ad consensum illum præstandum juxta *cit. l. f.* compelli potest per judicem.

Sed

Sed anne quoad peculium adventitium inter filium & patrem lis esse potest? Negatur ob vinculum unitatis, unde quamdiu patria potestas & per consequens ipsa illud peculium durat, omnes lites suspenduntur, quæ rem ipsam concernunt, de illis enim sermo est. Quod si de modo administrandi controversia oriatur, v. g. si pater bona adventitia dissipare incipit, tunc quidem patrem convenire potest filius, juxta Buium & Brunne-  
mannum *ad l. 4. ff. de judic.* sed tunc non adest actio proprie sic dicta, sed nuda & summaria officii judicis imploratio, vel potius denunciatio aliqua. Quis vero exinde assereret, quod *de re ipsa* etiam inter patrem & filium actio institui possit? quod tamen facere videtur Dn. Beyer *inposit. ff. de judic. pos. 19. § 20.*

II. Usus distinctionis sese exerit in materia contractuum & SC. Macedoniani. In peculio contracti & quasi filius ex omnibus contractibus obligatur, etiam ex mutuo, *l. 1. §. ult. § l. 2. ff. de SC. Macedon.* & sic ibi cessat SCt Macedonian i exceptio; secus in reliquis, & quoties quis pro filiosam. habetur, quod ad adventitium i regulare minus recte extendit Lauterbach. *ad tit. de SCt. Macedon.* cum hic filiosam. mortem patris expectare non habeat necesse. Posset & hoc addere: Intuitu peculii militaris filius cum patre contrahit, non autem intuitu reliquorum.

III. *In materia testamentorum.* De peculio castrensi & quasi castrensi testatur pro lubitu filius, *pr. 7. quib. non est permiss. fac. testam. l. 2. C. de cast. pecul. l. 50. C. de Episc. & Cler.* non autem de reliquis, cujuscunque generis ea sint, hoc unico excepto, quod de peculio adventitio ordinario, patre permittente, de extraordinario autem, patre etiam invito, *donationem mortis causa* celebrare possit: ad hanc enim præfise non requiritur, ut quis sit paterfamilias, quod tamen in testamenti factione necessum est, vid. Struv. *Ex. 40. th. 33.*

IV. *In materia computationis legitima.* castrense & quasi castrense peculium non computatur in legitimam, neque etiam adventitium, *v. l. 36. pr. ibi: repletionem autem fieri ex ipsa substantia patris, non si quid ex aliis causis filius lucratus est. C. de inoff. testam.* bene tamen profectitium, hoc enim ex ipsa patris substantia proficiscitur, & privilegio aliquo munitum non est.

V. *In materia relinquenda legitima.* Quando quis post emancipationem de iis bonis testatur, quæ ante ex peculio adventitio ad ipsum pertinebant, tunc parentibus vel liberis ex iisdem legitimam portionem relinquere tenetur, *v. Nov. 115. c. 3.* sed quando quis testamentum de castrensi peculio condit, tunc ad legitimam relinquendam non tenetur, *l. 9. § 24 C. de inoff. testam.* idem in quasi castrensi, *l. fin. pr. & §. 1. eod.* quod tamen intelligendum *quam*.

*quamdiu illa vera vel quasi militia durat*, ea enim cessante, ipsum quoque privilegium cessat, *l. 8. §. 2. ff. de inoff. test. l. f. §. 2. C. eod.* Disputant vero, annon illud privilegium militum per *Nov. 115. c. 3. verb. a rebus propriis, in quibus habent testandi licentiam*, sublatum sit? ita videtur Covarruv. *in c. quia nos. 9. num. 9. X. de testam.* Salyceto *in l. f. C. de inoff. test. num. 4.* Wessenb. *Conf. 17. num. 30.* aliisque, vid. Brunnem. *ad d. l. 9. C. de inoff. testam.* Mihi tamen se adprobat sententia Donelli *comm. l. 19. c. 5. & Reusneri de testam. p. 2. c. 25. n. 7.* quæstionem negantium, quia specialia privilegia generali correctioni subjacere non solent, jus testandi autem in peculio castrensi vel quasi castrensi ex speciali privilegio sine dubio dependet. Et ergo adlata verba *Nov. 115. c. 3.* quod liberi legitimam relinquere debeant a rebus propriis, *in quibus habent testandi licentiam*, intelligenda sunt, scilicet *de jur. com.*

VI. In materia *collationis bonorum*. Peculium castrense & quasi castrense nunquam conferitur, *l. 1. §. 15. ff. de collat. l. 1. C. de castrens. pecul.* nec adventitium, *l. f. C. de collat.* bene tamen profectitium, *v. l. 17. C. d. s.*

VII. Quoad *beneficium competentia*. Filius enim intuitu rerum castrensium conventus condemnatur in id solummodo, quod facere potest, *l. 6. §. 18. ff. de re iudic.* quod ad quasi castrensia ex DD. opinione eodem modo pertinet. Secus in aliis, v. g. adventitiis, præcipue irregularibus.



IX. Intuitu *ipsius patris*. In castrensi & tali castrensi & proprietas & usufructus pertinent ad solum filium, pater *nihil* habet, ne idem administrationem, nisi filius nondum ajuorennis sit, ubi tamen pater non percipit ictus, vid. Carpzov. *lib. 5. Resp. 84. num. 7.* In culio profectio contra pater *omne* habet, us nihil: in adventitio ordinario *aliquid*, mpe usufructus ad patrem, aliquid, id est oprietas, ad filium spectat. In adventitio traordinario Pater iterum nihil habet, præquam nudam administrationem, si filius imfectæ est ætatis, ubi tamen ad inventarium ncien dum & rationes reddendas æque est strictus, ut alius curator, non enim tunc v triæ potestatis, sed ut curator administrat, Illustr, Stryk. *ad Lauterb. h. t. voc. admi- strare potest.*

## LIB. XVI. TIT. II.

## De compensationibus.

## DISTINCTIO I.

Inter compensationem *perpetuam* & *temporalem*.

**D** Rior mutuum debitum in perpetuum pro re nata vel tollit, vel minuit, sitque ipso jure, ita ut ab illo momento, quo alter  
 P. II. B. vicis.

vicissim debere coepit, ego ad usuras ulterius solvendas non sum obligatus, *v. l. 4. C. h. t. ibique Gothofr. in not. Posterior* eo usque saltem effectum suum exerit, donec debitor meus pecuniam mihi debitam persolverit, & quamvis ego jure hoc meo, quod *retentionis* alias vocatur, utar, usurae tamen interim nihilominus currunt. Deinde *prior* obtinet saltem, si quantitates debeantur; aut species quidem, v. g. duo equi, sed in genere solum sine certa determinatione promissae, in has etiam non cadit pretium affectionis; secus in rebus determinate promissis; unde certa species cum specie; aut species cum quantitate compensari nequit, quod fuse persequitur Laüterbach, *ad h. t. sub. lit. O. In posteriori* autem species quoque propter debitam quantitatem, aut aliam speciem juxta refinetur, donec solutio facta fuerit. Hic enim rem alteri in perpetuum non aufero, sed ad tempus saltem, & sic non obstat, licet ille maximum affectum erga eam rem foveat. Ceterum & hoc notandum, quod retentio in hac distinctione a Laüterbachio abusive compensatio vocetur, cum proprie talis non sit, prout observarunt Zangerus, Mæstertius, aliique a dicto Laüterbachio *h. t. allegati*, qui eorum opiniones immerito *scrupulosas limitationes* appellat.

## DISTINCTIO. II.

Inter compensationem *propriam* & *impropriam*.

Hæc

[Æc cum priore coincidit, vocabulis solummodo mutatis. Per impropriam enim temporalis, sive jus retentionis; per propriam em perpetua compensatio indigitatur; vid. ntzk. *lib. 1. resol. 13. num. 26.* Ergo hic canon repetenda, quæ ad præcedentem distinctionem adlata fuerunt.]

## LIB. XVI. TIT. III.

## Depositi vel contra.

## DISTINCTIO. I.

Inter depositum *regulare & irregulare.*

N regulari transfertur solum custodia, non jus utendi, qui enim re deposita utitur, futurum *usus* committere dicitur, *v. §. 6. 7. de g. qua ex delict. nasc.* secus in irregulari, idem hoc nomen accepit, quia a regula, sive ordinaria depositi natura plane recedit, *v. 4. ff. h. t.* In regulari casus fortuitus pertinet ad deponentem, tanquam ad dominum; is in irregulari, hoc enim, si res fungibilis odienda datur, reuera nihil aliud est, quam suum, ergo etiam dominium cum omni-  
suis effectibus in irregularem hunc depositum transfertur, vid. omnino *l. 9. §. f. §. 1.*

10. ff. de reb. credit. Imo hinc simul deponens  
 sua amittit, quibus alias in concursu cre-  
 ditorum fruitur, l. 7. §. pen. ff. de pos. l. 24. §. 2.  
 ff. de reb. aut. jud. possid.

## DISTINCTIO II.

Inter depositum *judiciale*, seu *seque-*  
*strum*, & *extrajudiciale*.

**H**Æc distinctio ita generatim proposita u-  
 sum saltem habet theoreticum, quod nem-  
 pe depositum *judiciale*, seu *sequestrum*, circa  
 res litigiosas solum, extrajudiciale autem circa  
 non litigiosas versetur, custodia autem utro-  
 bique eodem modo depositario conceditur.  
 Quod si vero deinde ad subspecies descendi-  
 mus, usus non contemnendus partim quoad  
 jus Romanum, partim quoad mores nostros  
 apparet, ut ex subsequentiis mox patebit.

## DISTINCTIO III.

Inter depositum extrajudiciale *volunta-*  
*rium* & *necessarium*, seu *miserabile*.

**U**Sus de jure Romano in eo consistebat,  
 quod actio depositi miserabilis contra infi-  
 ciantem in duplum dabatur. l. 1. §. 1. l. 18. ff. h.  
 t. major enim in eo depositario est malitiæ  
 gradus, qui afflicto afflictionem addit & mise-  
 ro novam miseriam, ergo etiam magis coer-  
 cebatur, quam quidem alius quispiam, qui in  
 depo-

posito voluntario restitutionem rei depositæ  
 o malo detrectabat. Hodie eiusmodi ne-  
 iam sine dubio etiam graviter est coercendus,  
 d non præcise in duplum, quia actiones pec-  
 ales illæ apud nos, teste, fori experientia, non  
 nt receptæ. Ipse B. Brunnem. *ad d. l. i. §. i.*  
*t. num. 3.* fatetur, actionem in duplum in  
 posito miserabili non frequentari in foro, sed  
 nul tamen negat, eam exolevisse. Nobis ve-  
 unum ex altero profluere videtur, quod  
 æcunque actio nunquam in foro fuit fre-  
 tentata, ea quoque non possit esse *recepta*, (i-  
 melius dicitur, quam *exolevisse*, hoc enim  
 ceptionem præcedentem supponit.) Melius  
 cisset notus ille Grœnvvgen, si tractatum suum  
 on de legibus *abrogatis*, sed potius de *non re-*  
*ptis* inscripisset.

## DISTINCTIO IV.

iter depositum *judiciale voluntarium &*  
*necessarium.*

*Voluntarium*, quoniam consensu utriusque  
 litigantium fieri solet, in omnibus causis  
 t permissum, sicut enim quilibet juri suo re-  
 nciare potest, ita ille quoque, qui hactenus  
 possessione fuit, ejusque favore uti potuis-  
 e. *Necessarium* autem, quod a judice decer-  
 tur invita etiam parte, regulariter est prohibi-  
 m, quia scilicet speciem executionis con-  
 tituit, a qua processus non est inchoandus,

10. ff. de reb. credit. Imo hinc simul deponens  
 sua amittit, quibus alias in concursu cre-  
 ditorum fruitur, l. 7. §. pen. ff. de pos. l. 24. §. 2.  
 ff. de reb. aut. jud. possid.

### DISTINCTIO II.

Inter depositum *judiciale*, seu *seque-*  
*strum*, & *extrajudiciale*.

**H**Æc distinctio ita generatim proposita u-  
 sum saltem habet theoreticum, quod nem-  
 pe depositum *judiciale*, seu *sequestrum*, circa  
 res litigiosas solum, extrajudiciale autem circa  
 non litigiosas versetur, custodia autem utro-  
 bique eodem modo depositario conceditur.  
 Quod si vero deinde ad subspecies descendi-  
 mus, usus non contemnendus partim quoad  
 jus Romanum, partim quoad mores nostros  
 apparet, ut ex subsequentibus mox patebit.

### DISTINCTIO III.

Inter depositum extrajudiciale *volunta-*  
*rium* & *necessarium*, seu *miserabile*.

**U**Sus de jure Romano in eo consistebat,  
 quod actio depositi miserabilis contra infi-  
 ciantem in duplum dabatur. l. 1. §. 1. l. 18. ff. h.  
 l. major enim in eo depositario est malitiæ  
 gradus, qui afflicto afflictionem addit & mis-  
 ero novam miseriam, ergo etiam magis coer-  
 cebatur, quam quidem alius quispiam, qui in  
 depo-

deposito voluntario restitutionem rei depositæ dolo malo detrectabat. Hodie eiusmodi nequam sine dubio etiam graviter est coercendus, sed non præcise in duplum, quia actiones pœnales illæ apud nos, teste fori experientia, non sunt receptæ. Ipse B. Brunnem. *ad d. l. i. §. i. h. t. num. 3.* fatetur, actionem in duplum in deposito miserabili non frequentari in foro, sed simul tamen negat, eam exolevisse. Nobis vero unum ex altero profluere videtur, quod quæcunque actio nunquam in foro fuit frequentata, ea quoque non possit esse *recepta*, (ita melius dicitur, quam *exolevisse*, hoc enim receptionem præcedentem supponit.) Melius fecisset notus ille Groenvvgen, si tractatum suum non de legibus *abrogatis*, sed potius de *non receptis* inscripisset.

## DISTINCTIO IV.

Inter depositum judiciale *voluntarium* & *necessarium*.

**V**oluntarium, quoniam consensu utriusque litigantium fieri solet, in omnibus causis est permissum, sicut enim quilibet juri suo renunciare potest, ita ille quoque, qui hactenus in possessione fuit, ejusque favore uti potuisset. *Necessarium* autem, quod a judice decernitur invita etiam parte, regulariter est prohibitum, quia scilicet speciem executionis constituit, a qua processus non est inchoandus,

& possessorem beneficio possessionis privat, *v. l. un. C. de prohib. sequestr. pecun. c. 1. X. de sequestr. possess.* Excipiunt tamen communiter sequentes casus, si nempe metus *armorum*, *dilapidationis*, aut *fuga* sublit, & sufficiens cautio præstari nequeat a persona suspecta, vid. *Gord. de sequestrat. c. 2. num. 10. seqq.* Trentacinq. *lib. 3. tit. de solut. resol. 12. num. 4. seq.* & quos magno numero allegat Brunnem. *ad d. l. un. C. de prohib. sequestr. pecun.* qui ibi quoque *in fine* recte monet, quod summarie tamen constare debeat de jure sequestrum petentis, & quod illud petat ad conservationem juris sui, *Mynsing. Cent. 2. obs. 1.*

## DISTINCTIO. V.

Inter depositum *juris* & *facti*,

**D**epositum *juris* vocatur, quando debitor ob creditoris moram in accipiendo, pecuniam debitam in judicio deponit, prævia legitima & reali oblatione, *v. l. 19. C. de usur. l. 9. C. de solut.* de quo in *speciali tractatu* egit Schultzius, *Witteb. 1632. 12mo*, quem excerptit Dn. Beyer *Pos. ff. tit. de acceptil. posit. 6. seqq.* Et hoc depositum tendit ad obligationem, quæ antea suberat, dissolvendam, ac per illud dominium in creditorem transfertur, unde postquam debitum semel rite depositum fuit, casus fortuitus superveniens non ad deponentem amplius, sed ad dictum creditorem pertinet,



net, qui sibi imputare debet, quod non statim receperit rem depositam, eandemque ipse melius custodiverit. Ast vero in illo deposito, de quo sub presenti titulo agitur, inducitur demum obligatio, quæ antea nondum suberat, & casus fortuitus ad deponentem adhuc spectat, neque enim hic depositi contractus ad transferendum dominium habilis reputatur.

---

## LIB. XVII. TIT. I.

## Mandati vel contra.

## DISTINCTIO I.

Inter mandatum *expressum* & *tacitum*.

**E**xpressum vocatur, quod per verba, *tacitum*, quod per facta contrahitur, v. gr. quando quis aliquid, me sciente & non contradicente, suscipit. Differunt ergo quoad conceptum illa duo mandata, sed in usu praxeos non differunt, Illa enim regula tam affirmati-  
ve, quam negative jamdudum communi DD. calculo probata est: *Quicumque expresse consentire potest, ille etiam tacite hoc facere valet: & contra: quicumque expresse consentire nequit, ille nec tacite hoc potest.* Item: quod *tacitis & expressi eadem sit vis & efficacia.*

Quod propterea semel hic generaliter monuisse sufficiat, nam ad reliquos cujuscunque generis contractus, qui intacitos & expressos dispeſcuntur, eodem modo pertinet, conf. Illustr. Thomafius in *Jurispr. divin. lib. 2. cap. 7. §. 24.*

## DISTINCTIO. II.

Inter *mandatum judiciale & extrajudiciale.*

**H**ic repeti debent, quæ de pactis judicialibus & extrajudicialibus in genere supra *circ. fin. tit. de pactis* monuimus, quibus adhuc addere posſes, actus judiciale facilius probari poſſe, quam extrajudiciales. Atque adeo regulas juſtitiz regulariter quidem non exigere, ut aliquid in iudicio fiat, bene tamen regulas prudentiz. Adde & hoc, quod mandata extrajudicialia ſint ſimplicia, & nihil niſi qualem qualem conſenſus declarationem exigant; aſt in judicialibus variz clauſulæ requiruntur, unde majori cautione etiam concipienda, ne exceptione inſufficientis & inidonei mandati procurator a iudicio repellatur, Illustr. Dn. Stryk. *Caut. Contr. Sect. 2. Cap. II. §. I.* Unde in multis provinciis, v. gr. in Ducatu Magdeburgico, Brunſuiceniſi, in Civitate Hamburgeniſi, &c. certa formularia tzipis expreſſa proſtant, quæ tollendarum litium & diſputationum

num causa a partibus subscribi & nomina procuratorum iisdem inferi solent.

## DISTINCTIO III.

Inter mandatum quod fit (1.) *mandantis tantum*, (2.) *mandantis & mandatarii conjunctim*, (3.) *mandantis & tertii*, (4.) *mandantis, mandatarii & tertii*, (5.) *tertii tantum*, (6.) *tertii, & mandatarii gratia*.

**S**EDES huius distinctionis est in §. 1. 2. 3. 4. & §. 7. de Mandat. & in l. 2. ff. eod. & sic eadem est textualis, non magisterialis; scio quidem, nonnullos impugnare pleraque huius distinctionis membra, quod impertinentia sint, & ad materiam mandanti referri nequeant; sed illis satisfieri posse puto ex iis, quae hic tradit Struv. S. I. C. Exerc. 22. th. 8. Sic e. g. si mandatum fit *tertii causa*, non adest quidem obligatio in omnibus casibus ad illud expediendum, quod si tamen ego gesserim haecenus negotia Caji, eaque nunc ulterius Sempronio gerenda demandem, hic Sempronius, postquam semel in se suscepit expeditionem mandati, ad illud exequendum quoque sine dubio obstringitur. Sic, ut verbis dicti Struvii utar, si mandavi tibi, ut Titio pecuniam crederes, licet mea non interesset credi, tamen si impletum est mandatum, tibi contra

me ob pecuniam mandatu meo creditam Titio, competit actio mandati contraria.

Quicquid interim sit de usu theoretico, usum practicum, qui in presenti ad nostrum scopum spectat, non adesse lubentes fatemur. Omnis enim ille, qui ex mandato agit, interesse aliquod docere debet, ut ipse innuit Ulpianus in §. 6. ff. h. t. alias enim agenti obiceretur exceptio: *Tua non interest*. Ex quo etiam dubitare liceret contra Struvium, an mandatum *tertium tantum* gratia fieri posset, cum in exemplo ab eodem adducto mandantis, qui negotia Caji haftenus gesserat, omnino interest, ut ea negotia continuentur, si scilicet connexa sint. Ergo omnes sex species mandatorum in eo conveniunt, quod agens semper ad proprium interesse provocare teneatur. Quamvis vero mea hac vice magis interlit, quam alia; hoc tamen non statim constituit peculiarem contractus speciem, quoad effectum talem, cum magis & minus rem nunquam variare soleant.

#### DISTINCTIO IV.

*Inter mandatum, commendationem  
& consilium.*

**I**N *mandato*, prout modo dictum, semper ejus vertitur interesse, qui alteri mandavit, & propterea a mandatario actione mandati contraria

traria ad indemnitatem mandati nomine præstandam conveniri potest, *l. 15. § 20. ff. h. t. l. 12. §. 9. eod.* Secus in *consilio*, hic enim, qui consilium dat, nullum plane interesse habet, sed ipsi perinde est, an perficiatur negotium, an non, unde non tenetur, quamvis res male cesserit, & quamvis ille, qui consilium est secutus, illud alias plane non fecisset, *v. l. 2. §. 6. ff. h. t.* ubi ratio additur, scilicet, *quia liberum est cuique, apud se explorare, an expediat sibi consilium, add. l. 1. §. 14. ff. depos.* Excipitur consilium fraudulentum, ex generali fundamento, quod fraus nullibi impunita esse debeat, *l. 47. de R. J.* In *commendatione* aliquo quidem modo commendantis interest, sed tamen nec hic principaliter, & sic indemnitatem non promittit alteri intuitu rei, aut personæ commendatæ, sed tantum suadet atque adhortatur. Unde Ulpianus in *l. 12. ff. Mandati*, cum quidam, inquit, talem epistolam scripsisset amico suo: *Rogo te, commendatum habeas Sextilium Crescentem amicum meum*: non obligabitur mandati, quia commendandi magis hominis, quam mandandi causa scripta est. Exceptio est inter mercatores. Et huc pertinet *lib. 3. tit. 10. Jur. Lubec.* Vom Befehlich/welcher rathswaise geschicht/ubi ita disponitur: Will jemand einem fremden sein Guth nicht verkaufen/und ein ander stehet dabey und sagt: Ihr möget es ihme woll vertrauen/die Bezahlung wird euch woll: wird der Verkäufer von dem

dem Käufer nicht bezahlt / so muß derjenige zahlen / welcher den fremden loben thut / dadurch der Verkäufer versichert worden / *quam materiam fufius prosequitur Finckelth. Observ. 16.*

---

## LIB. XVII. TIT. II.

## Pro socio.

## DISTINCTIO I.

Inter societatem universalem *omnium bonorum & bonorum in specie.*

**Q**uomodo quoad conceptum differant hæ duæ societates, satis explicat Lauterbach aliique DD. *ad h. t.* scilicet in societate *omnium bonorum* socius socius ad ea quoque communicanda tenetur, quæ titulo *lucrativo* obtinuit, v.g. hereditatis, legati, fideicommissi, donationis, &c. l. i. §. i. l. 3. §. i. ff. *h. t.* Mantica *de tacit. & ambig. convent. lib. 6. tit. 15.* at in societate *bonorum in specie* (quæ & *generalis* vocatur) ea solum sibi invicem communicant socii, quæ titulo *oneroso* acquirunt, seu per quæstum & negotiationem, ut communiter loqui sueverunt, l. 7. ff. *h. t.* Felic. *de societ. c. 13. num. 5. seqq.* Usus practicus præcipue circa quæstionem: *qualis in dubio societas*

tas

*tas præsumi debeat?* sese exserit: Putamus autem, in dubio societatem omnium bonorum non præsumi, sed pro societate bonorum in specie potius pronunciandum esse. Quoniam enim in priori illa socius filiam socii dotare ejusque filiis sumtus studiorum præbere tenetur, quamvis ipse filios aut filias non habeat, quorum intuitu alter socius idem vicissim præstare possit, *l. 73. §. 1. ibi: utrinque imputanda ff. h. t.* hinc aperte sequitur, quod dicta societas omnium bonorum involvat speciem alicujus donationis; ast vero hæc nunquam facta esse censetur, *v. l. 7. ff. h. t.* Et hoc ex iis quoque, quæ ante dicta sunt, confirmatur, quod nempe socius etiam ad lucrativa & sic etiam ad thesaurum inventum communicandum, ut vult Felic. *d. tr. c. 12. num. 24.* obstrictus sit, quod iterum donationem involvit.

Porro, in societate bonorum in specie requiritur proportio lucri percipiendi & damni sustinendi secundum quantitatem rerum illatarum, vel operarum, aut periculi etiam suscepti, *l. 6. & l. 80. ff. h. t.* ast in societate omnium bonorum lucrum & damnum æqualiter dividitur, quamvis res illatæ maxime inæquales sint, Felic. *c. 9. num. 23.* sibi enim imputare debet alter, quod cum eo, qui parum, aut nihil in bonis habebat, societatem contraxerit, & ergo de damno sibi obveniente conqueri non potest.

In

In societate omnium bonorum<sup>1</sup> traditione aliqua opus non est, sed res; quæ tempore societatis initæ jam præsentēs sunt, ipso jure traditæ esse censentur, *l. 1. §. 1. junct. l. 2. ff. h. t.* nisi quod juxta *l. 3. pr. eod.* nomina cedi debent pro rata, puto ex illa ratione; quoniam ex hypothēsi juris Romani nomina & actiones ossibus contrahentium adhærent, & ab illis sine cessione separari nequeunt. Sed in societate bonorum in specie actualis traditio requiritur, quippe cujus intuitu nulla in legibus exceptio deprehenditur, unde hic valet, quod alias dicitur; contractus consensuales *perfectionem* suam quidem ex solo habere consensu, sed ad *consummationem* eorum traditionem etiam requiri.

Ceterum etiam videri posset, in hoc latere differentiam, quod in *l. 16. ff. de re judic.* de sociis omnium bonorum solummodo dicitur; eos frui beneficio competentiae; non autem de sociis in societate bonorum; verum enim verò cum in *l. 63. ff. h. t.* (cujus idem est auctor, Ulpianus,) dictum competentiae beneficium etiam unius rei sociis tribuatur, hinc illud quoque sociis in societate bonorum generali haud denegandum esse videtur, præsertim cum *cir. l. 16. ff. de re judic.* non aperte socios bonorum excludat; vid. Berger. *resol. LL. obst. h. t. qu. 15.* Illustr. Dn. Stryk. *not. ad Lauterb. h. t. verb. obst. 16.*

Ex hisce simul constat, quid differentiae inter  
inter



inter societatem universalem & specialem intercedat. Inter societatem generalem & specialem autem nullam aliam reperio quoad effectum differentiam, quam quod specialis finitur, quamprimum negotium illud speciale, cuius intuitu contraxerunt socii, finitum est; societas universalis & generalis autem regulariter usque ad dies vite durare solet. Fateor denique, societatem universalem hodie admodum raram esse, nam licet coheredes saepe in comunione hereditatis, ipsis delatae, ad tempus permanant; eo tamen casu non adest societas *universalis*, sed *rei universalis*. *v. l. 39. §. 3. ff. fam. hercisc.* scilicet bona, quae heredes extra hereditatem jam possederunt, ad hanc communionem non pertinent.

## DISTINCTIO II.

Inter communicationem rerum illatarum quoad fructus tantum, vel quoad ipsum dominium.

**U**Sus hic deprehenditur maximus. Si enim communicatio quoad ipsum dominium fit, tunc casum fortuitum in rebus communicatis contingentem uterque sociorum ex aequa parte ferre tenetur, quod secus est in prior casu, ubi res saltem quoad fructus communicatae fuerunt, ibi enim damnum fatale ad unum socium solummodo pertinet. Sed quae

quæritur; *quidnam in dubio præsumendum sit*. Respondet Lauterbachius aliique, videri debere, quid inter partes actum fuerit, juxta *l. 34. ff. de R. J.* sed cum hoc non semper appareat, ad conjecturas quandoque recurrendum est, ex quo nova quæstio exoritur: in quam partem conjectura tunc tendere debeat? Mihi ita videtur. Societas initur aut *de rebus promercialibus*, quas non ad perpetuum usum servamus, sed mox iterum in alios quæstus causa transferimus, quod fit in societate bonorum in specie & particulari communiter; aut vero initur *de rebus non promercialibus*, quas nobis conservamus, quotannis exinde fructus percipientes, quod regulariter in societate omnium bonorum obtinere solet. Priori casu puto, quod in dubio præsumi debeat, res quoad ipsum dominium collatas esse, & sic casum fortuitum ad utrumque pertinere, modo actualiter illatæ sint, conf. *l. 58. §. 1. ff. h. t.* secus in casu posteriori. Non obstat *l. 58. pr. ff. h. t.* ubi dicitur, si equus tuus (qui cum meis ad venditionem destinatus erat) ante venditionem moriatur, quod tu hoc casu de reliquorum pretio nihil consequaris, & sic periculum ad te solum pertineat; causa enim hujus assertionis est, quia equus nondum actu aliter collatus erat, *cum non habenda quadriga, sed vendenda coita esset societas*, uti verba *d. l.* habent. Ceterum judicium suum hic cuilibet relinquo. Sane si unus pecuniam contulit,

tulit, alter solas operas præstitit, tunc DD. facile concedunt, & res ipsa loquitur, communicationem quoad fructus solum factam esse.

## DISTINCTIO III.

Inter socium nomine *proprio*, aut *societatis* nomine contrahentem.

**P***riori* casu sibi soli acquirit obligationem & exinde dependens jus agendi, contra ipsum solum quoque vicissim competit actio ei, cum quo contraxit, quia ejus fidem solum secutus est, non omnium sociorum, nisi res in utilitatem societatis versa probetur, Felic. *de societ. cap. 30. num. 13. § 41.* *Posteriori* casu subdistinguendum: *an prapositus fuerit negotiationi*, tunc enim locii indistincte obligantur, quamvis res in societatis utilitatem versa non fuerit, ipsi tamen agere nondum possunt, nisi in subsidium, aut nisi actio fuerit cessa, ex subtilitate juris Romani, quia jura quæ sita osibus contrahentium inhærent, a quibus absque cessione separari nequeunt. Quod *si non fuit prapositus*, socios plane non obligat, nisi versio probetur, aut secundum legem societatis contraxerit: sociis etiam hoc casu non competit ius agendi, vid. Felic. *d. cap. 30. passim*, & quos magno numero allegat Lauterbach. *h. t. add. illustr.* Stryk *de caut. contract. sect. 2. c. 10. § 10. seqq.*

## De contrahenda emtione.

## DISTINCTIO I.

Inter emtionem *naturalem* (s. *œconomica*) & *artificialem*, (sive *negotiatoriam*.)

**O** *Economica* vocatur, qua omnes patres-familias indigent, quando scilicet ea sibi comparant, quibus in re domestica opus habent: *artificialis* e contrario, per quam quæstus intenditur, qua occupantur mercatores. Usus se variis modis exserit, Scilicet ab emtione-venditione artificiali, sive negotiatoria, excluduntur *nobiles* & in dignitate constituti, v. l. 3. C. de *Commerc.* & *merc.* Clerici, c. 15. & 16. X. de *vit.* & *honest. Cleric.* vid. omnino *doctr. ff. h. t. §. IV.* & in aliquibus locis *forenses*, v. Mev. ad *jus Lubec. lib. 1. tit. 2. art. 5.* item apud Romanos *officiales*, qui officii causa in provincia agebant, l. 62. *pr. h. t. l. 46. §. 2. ff. de jur. fisc.* sed nemini *œconomica* est interdicta. Quamvis etiam apud protestantes clericis permittatur, quod jus commercii municipalis, *Bürgerliche Nahrung zu treiben/ c. g. Bier zu schencken* &c. acquirere possint, v. Schilter. *Instit. jur. Canon. l. 1. tit. 18. §. 12. ord. Eccles. Saxon. tit. de privil. & immun.*

*mun. Cleric. §. 3.* solennem tamen mercaturam nedum hodie exercere possunt. Recte enim monet Schilter *loc. cit.* quod cavere debeat minister, ne talis negotiatio in detrimentum sacri ministerii quoquo modo vergat, & quod abusu privilegium amittatur. Illud quoque extra dubium est, nobiles frumenta ex prædiis suis redacta non minus, quam alios, quæstus causa vendere posse.

In Saxonia porro usus hujus distinctionis circa mulieres contrahentes deprehenditur. Scilicet, emtionem œconomicam valide celebrant mulieres sine curatoris consensu, curator enim toties præsens esse nequit, quoties mulieres carnes, pisces & id genus alia levioris momenti cœmunt. At emtio negotiatoria sine curatoris consensu celebrari nequit, nisi forsan mulieres sint mercatrices, tunc enim aliud dicendum, quia hoc casu mulieres privilegia sua amittunt, cum inter mercatores juxta simplicitatem naturalem procedatur, v. Mevius *ad Jus Lubec. lib. I. tit. 10. Art. 1. num. 61. 62.*

Œconomicam quoque illi valide exercent, qui adhuc sub tutela, vel cura constituti, cum de admodum exiguo eorum præjudicio agatur, quod in concedenda restitutione in integrum prætor attendere non consuevit. Secus autem in negotiatoria, vel artificiali, ubi de majore periculo metus subest.

Posses denique & hoc addere, quod in

venditione & emtione œconomica plerumque locum habeat *pretium legitimum*, in artificiali autem *arbitrarium*; sed de usu hujus distinctionis mox in materia de pretio in specie agetur.

## DISTINCTIO II.

Inter emtionem-venditionem *sine scriptis* & *in scriptis* factam.

**T**Ermini quidem hujus distinctionis nulla indigent explicatione; sed usus exinde apparet, quando controvertunt: *utrum in dubio partes scripturam in emtione adhibentes eandem tanquam partem essentialem, vel melioris saltem probationis gratia adjece- rint?* seu, quod idem est: *Utrum emtio in dubio sine scriptis, an vero in scriptis facta esse censeatur?* Hæc controversia ventilata fuit inter illustr. Dn. Strykium & Consultiss. Dn. Wilhelmum Leiserum, Professore Wittebergen- sem, prout ex tractatu *de Cautel. Contract. Sect. 2. Cap. 8. §. 2. & 3.* nec non *ex additamento ad dict. tract. citati Viri Illustris* videri potest. Scilicet B. Brunnem. *in Comm. Cod. ad l. 17. C. de fid. instr.* (in qua lege sedes est hujus materiæ) expressum pactum desideraverat, atque adeo si illud non adsit, scripturam in dubio non ad essentialiam, sed ad meliorem solummodo probationem a partibus adhibitam esse affirmaverat, quod impu-

impugnandum sibi sumebat Leiferus, cui deinde in Cautelis Contractuum responsum fuit. Nostrum non est, ut omnia, quæ ab utraque parte adlata fuerunt argumenta, hic inferamus, quippe quæ in citato tractatu legi & videri possunt; hoc saltem dicimus, DD. in eo convenire omnes, quod in dubio partes ab ordinaria negotiorum humanorum natura recessisse non præsumantur, nisi aliud liquidissime doceatur, cum autem natura emtionis-venditionis hæc sit, ut *sola consensu* perficiatur; hinc applicatio sine dubio facile fieri poterit. Nondum ergo scriptura ad essentiam emtionis-venditionis pertinet, quamvis in actu contrahendi partes petierint, man solle Feder und Zinte herein geben / oder man solle einen Notarium hohlen / welcher den Rauff-Contract aufsetzen könne / quod volebat Leiferus, hæc enim verba ex substratæ materiæ natura explicari debent; sed requiritur, ut partes dixerint, *perfectum non prius esse debere contractum, nisi instrumento completo*; vel, *se non aliter, quam in scriptis contrahere velle*. item: Zu wissen / daß heute dazo ein schriftlicher Rauff geschlossen / vid. cit. additam. §. XVI. ubi aliz adhuc formulæ deprehenduntur.

Sed quisnam, dicis, est hujus controversiæ usus? Maximus sane. Si enim expresse conventum, quod emtio in scriptis celebrari debeat, partibus facultas poenitendi tamdiu salva manet, quamdiu scriptura & ei accedens sub-

scriptio & subsignatio nondum completa est. At vero, si scriptura probationis saltem gratia adhibetur, (quod in dubio præsumendum esse modo diximus,) neutri parti facultas poenitendi competit, quamvis ne verbulum quidem literis consignatum fuerit, quod in reliquis contractibus consensualibus pariter observandum.

## DISTINCTIO III.

Inter emtionem *spei* & *rei sperata*.

**D**upliciter explicant hanc distinctionem DD. *Primo* quidem ita: Emtio rei speratae dicitur, quando quis emit rem, quæ nondum existit, *naturaliter* tamen produci solet, v. gr. fructus futuri anni: *spei* autem emtio, quando quis illud emit, quod non naturali ordine, sed *per accidens* percipitur, v. g. jactus retis, de quo in l. 12. ff. de act. emt. juxta hanc explicationem usus distinctionis in oculos incurrit, scilicet emtio *spei* pura est, & inde, etiam si nihil captum, integrum tamen pretium exsolvendum, cum spes & alea loco rei venditæ sit, v. Molina de l. & l. tr. 2. Disp. 340. n. 14. Mantica de tac. & ambig. convent. lib. 4. tit. 18. Emtio autem rei speratae tacitam in se continet conditionem, *si fructus natifuerint*, unde si nihil natum, nihil etiam debetur, sed potius preti-



pretium, si jam in antecessum solutum, iterum repetitur; e contrario si aliquid, licet minimum natum fuerit, eintor ad integrum pretium obligatur, Illustr. Dn. Stryk. *Caut. Contr. Sect. 1. c. 3. §. 4. & Sect. 2. cap. 8. §. 9. & 10.*

Deinde nonnulli etiam ita explicant traditam distinctionem, ut quoad res, quæ per accidens percipiuntur, subdistinguant, an nempe aliquid v. g. *propiscibus extrahendis*: Was soll ich euch geben vor die Fische! so ihr in diesem Zuge fangen werdet; utrum vero *pro jacturetis*, was soll ich euch vor den Zug geben? promissum fuerit. Priori casu vocant *rei speratae*, posteriori autem *spei emtionem*, quo collimat Lauterbach, *Comp. jur. h. t.* ibique Illustr. Dn. Stryk, *verb. si nihil captum*. Mihi quidem illa explicatio non adeo absurda esse videtur; sed cum plerosque interpretes eandem rejicere videam, hinc usum ejus practicum lectori commendare non audeo.

## DISTINCTIO IV.

Inter emtionem rei *demonstrative*, *restrictive* & *modificative* factam.

**D***emonstrative* emtio facta esse dicitur, quando corporis primo sit mentio & deinde etiam quantitatis secundario, v. gr. Es verkauft Cajus dem Sempronio allen in seinem Keller voriege befindlichen Wein/ welcher etwa

12. Eimer austragen wird. Dicitur etiam emptio *per aversionem* facta, überhaupt/im Pausch und Bogen.

E contrario, si emptio *restrictive* fit, primario ad certam quantitatem respexerunt contrahentes, v. gr. Es verkauft Mevius dem Ulpiano 12. Eimer Weins/ welche ihm aus seinem/ des Mevii Keller/ sollen geliefert werden.

*Modificative* autem contrahitur, quando quidem corporis primo fit mentio, quantitas tamen ut modus adjicitur, sine quo quis contracturus non fuisset, v. g. Es verkauft Titius dem Javoleno allen in seinem Keller befindlichen Wein/ jedoch will Titius zum wenigsten 12. Eimer gewahren.

Ufus distinctionis in eo consistit. Si venditio *demonstrative* celebratur, tunc contractus mox est perfectus & periculum emptoris, nec diminuitur, vel augetur pretium, si plus vel minus deinde facta mensuratione deprehendatur, quam quidem ab initio putarunt contrahentes, Mantica *de tac. & ambig. convent. lib. 4. tit. 17. num. 2.* Carpov. *lib. 5. Resp. 25. n. 6.* Illustr. Dn. Stryk. *Caut. Contract. sect. 2. cap. 8. §. 30.*

Secus, si *restrictive* quid venditum. Tunc enim periculum ante mensurationem ad venditorem spectat, cum antequam illa facta, contractus ratione periculi perfectus non sit, *l. 2. C. de peric. & commod. rei vend.* quantitatis etiam

iam defectus & excessus pertinet vel ad damnum, vel ad emolumentum venditoris, Carpz. *loc. cit.* n. 16.

Denique si *modificative* contractus initus est, periculum statim emtoris est, cum contractus sit purus, modusque adiectus ejus validitatem non suspendat. Si tamen minus reperitur, quam in adjecto modo expressum fuit, hoc damno venditoris cedit; si plus, hoc emtor tanquam lucrum retinet. Modus enim in favorem emtoris, non venditoris, adiectus fuit, conf. B. Brunnem. *in pecul. Disp. de vendit. ad corpus & quantit. passim.* Molina de J. & J. Tr. Disp. 367. num. 9.

## DISTINCTIO V.

Inter venditionem *uno nummo* & pro *justo pretio* factam.

**P**Rior revera non est emtio, sed donatio, *arg.* l. 10. §. 2. ff. de acqu. vel amitt. possess. neque in l. 66. ff. de jur. dot. contrarium asseritur, sed illa ipsa lex in verbis: *remedii loco* &c. indicat, sermonem ibi esse de venditione imaginaria, vid. Gothofred. *in not. ad d. l.* Dicitur autem venditio uno nummo facta, quoties pretium pro re vendita oblatum, ne minimam quidem proportionem cum eadem re habet, unde si e. g. prædium, cujus verum pretium est 2000. thal, pro 50. thal. venditur, tunc etiam 50. thal. hoc respectu & in sensu juridico

unus nummus dicuntur, quamvis juxta sensum grammaticum aliud dicendum foret.

Ufus distinctionis in eo consistit: Veram venditionem omnes celebrare possunt, qui alias ad celebrandos contractus idonei sunt, aut simulatam non omnes. Sic e. g. si conjux conjugi aliquid pro uno nummo vendidit, negotium non subsistit, quia conjuges sibi donare prohibentur. vid. l. 38. ff. h. r. sic quoque venditio uno nummo facta in sinuationem judicalem requirit, si res, imaginarie vendita, pretium quingentorum solidorum excedit, nec non ob ingratitudinem emtoris iterum revocari potest a venditore, quæ omnia in vera venditione secus se habent.

## DISTINCTIO VI.

*Inter emtionem & pactum de emendo.*

**E***mtio* dicitur, quando non solum *de re vendenda*, sed etiam *de certo pretio* constat, hæc duo enim ad essentiam hujus contractus pertinent. Ast in *pacto de emendo*, *de re* saltem constat, non autem *de certo pretio*, ergo alterum requisitum deficit, & sic nec actio ad tradendum, nec ad pretium solvendum exinde proficiscitur. Hunc tamen effectum ejusmodi pacto tribuunt, ut si res in eodem statu per-

permanferit, venditor huic potius, quam alteri cuidam rem suam vendere teneatur, supposito scilicet, quod hic paciscens idem pretium, quod alter forsan obtulit, cum iisdem conditionibus solvere paratus sit, vid. Illustr. Dn. Stryk, *in not. ad Lauterbach. h. t. verb. Differat.*

## DISTINCTIO. VII.

Inter pretium *legitimum* s. *legale*, & *arbitrarium*.

**L**egale imponitur a legislatore regulariter illis rebus, quibus quotidie indigemus, v. gr. pani, cerevisiæ, carnibus, &c. *arbitrarium* autem quilibet privatus pro ratione circumstantiarum determinat in rebus reliquis, v. g. ædibus, fundis, &c.

Quoad usum hæc cape. Legale pretium accurate est observandum, eoque non observato, contrahentes statim de læsione queri possunt, quamvis læsio sit minima, *arg. l. 5. C. de LL. conf. text. 2. F. 27. §. 4.* sed in pretio arbitrario nemo de læsione querens auditur, nisi læsio dimidium iusti pretii excedat, vid. *l. 2. C. de resc. vend.* illustr. Thomasius *jurisprud. divin. l. 2. cap. II. §. 54. seqq.* ubi in specie §. 57. notat, quod intuitu pretii legitimi interdum nec minus accipere liceat, si e. g. determinatio ejusdem pretii ad prohibitionem monopo-

nopoliorum respexerit. Curiosum exemplum ad hanc materiam pertinens refert Pufendorff. *de J. N. & G. lib. 5. cap. 1. §. 8. in fin.* in civitatibus Græciæ receptum fuisse, ut venditores piscium non sedere deberent, sed stare, ut standi tædio lassitudineque confecti quam recentissimos & pretio æquo venderent.

### DISTINCTIO IIX.

Inter *substantialia*, *naturalia* & *accidentalialia* contractuum.

**P**ertinet quidem hæc distinctio ad materiam de contractibus in genere; sub præsentī tamen titulo a Lauterbachio tractatur, cujus vestigia sequi volumus. Scilicet *substantialia* vocantur, quæ ad constitutionem alicujus contractus necessario requiruntur, & propterea per pacta adjecta mutari nequeunt, quemadmodum homo esse nequit, cui vel anima rationalis, vel corpus humanum deest, vid. l. 36. ff. h. t. ubi dicitur, *quod non videatur vendere, qui in venditione rei pretium ponit, donationis causa illud non exacturus.* Talia substantialia sunt in *mutuo*, ut rei fungibilis dominium transferatur: in *commodato*, ut rei non fungibilis usus certus concedatur, (hinc si dominium in commodatarium transferatur, fit commodatum irregulare, Mantica *de tac. & ambig. conv. lib. 9. tit. 3. num. 10.*) in *deposito*,  
ut

ut custodia alteri demandetur, si enim jus utendi consequitur depositarius, fit iterum irregulare depositum, id est, plane definit esse depositum, & fit mutuum: in *pignore*, ut nudum jus detinendi consequatur creditor: in *emtione*, ut res pro certo pretio tradatur: in *locatione*, ut usus rei vel opera pro certa mercede præstetur; in *feudo*, ut dominium utile sub lege fidelitatis concedatur, & ita in reliquis.

*Naturalia* dicunt, quæ regulariter contractum jam constitutum consequuntur, non minus, quam ut in homine, postquam ex anima & corpore constitutus est, partes integrales, manus, brachia, pedes, &c. regulariter adesse solent. Sed quemadmodum defectus ejusmodi partium integralium essentiam humanam non tollit: ita quoque licet naturalia contractus absint, contractus ipse tamen propterea novum nomen neutiquam consequitur. Sic in *mutuo* ad naturalia refertur, quod gratis fiat: in *commodato*, quod culpa levissima: in *emtione*, quod culpa levis & evictio præstetur, idem in *locatione*: in *feudo*, quod servitia præstentur: quod soli masculi succedant; quod feudum gratis concedatur, &c. quæ omnia ipsis tyronibus nota sunt, & sic probatione aliqua non indigent.

*Accidentalialia* denique sunt, quæ a partibus adjiciuntur, nec regulariter adsunt, prout interdum homines deprehenduntur, qui sex digitos

gitos habent, vel quibus etiam una ex partibus integralibus deest. Sic in *mutuo* interdum præstantur usuræ, cum tamen mutuum sua natura sit gratuitum: in *commodato* interdum commodatarius ad levem saltem culpam obstringitur: in *pignore* vero & in *emtionem* aliisque similibus contractibus non raro ad levissimam. Ita in emtionem sæpe remittitur necessitas evictionis: fides habetur de pretio: adjicitur pactum additionis in diem, legis commissoria, de retrovendendo, & similia: in *locatione* merces per anticipationem solvitur, aut conductor casus fortuitos in se recipit: in *feudo* interdum foeminæ succedunt: servitia remittuntur, unde feudum francum: feudum emitur, & quæ sunt sexcenta in reliquis contractibus alia.

Ex adductis quoad usum sequentes profluunt assertiones:

*Essentialia* non solum adesse præsumuntur, sed nec pacto contrahentium salvo contractu mutari possunt.

*Naturalia* adesse quidem præsumuntur; sed pacto tamen mutari possunt, quamvis ille, qui hoc factum esse dicit, ad ejus probationem obstringatur, cum scilicet partes in dubio a dispositione juris communis recessisse non videantur.

*Accidentalibus* adesse non præsumuntur, adjici tamen possunt, & tunc illi, qui hoc asserit, itidem necessitas probandi incumbit.

Con-



Confueverunt nonnulli adlata hæcce frequentibus terminis succincte exprimere: quod essentialia *debeant*: naturalia *soleant*: & denique accidentalia adesse *possint*.

## DISTINCTIO IX.

Inter naturalia *interna* & *externa*.

**H**Anc distinctionem tanquam a se primitus inventam tradit atque multis commendat Udalr. Zasius *in intellectu. juris singular. rubr. de substant. & natural. contract. p. m. 38.* Naturalia *interna* vocat, quæ per naturam coherent, & ex visceribus contractuum sumta, quasi intrinseca qualitate insunt, tanquam virtus a propria contractus specie producta. Logici, addit, propriam passionem rerum nominant, velut ab essentialibus principiis enatam. Tale est, ut in contractu emtionis dominium per traditionem in emtorem transeat, nec non, ut in locatione conductor facultatem utendi re locata consequatur. Lauterbach. *ad h. t.* huc quoque doli præstationem retulit.

*Externa* describit idem Zasius, quæ contractibus ex consuetudine adsunt, & non alia ratione naturalia dicuntur, nisi quod frequentiori & assidua consuetudine, quæ in nomen naturæ transiit, ad contractus accesserunt. Huc refert evictionis, & culpæ præstationem, & reliqua, quæ nos antea ad naturalia in genere retulimus.

Usum

Usum distinctionis esse dicit Zasius, quod naturalia quidem externa pactis contrahentium mutari possint, non autem interna, v.g. ne dolus præstetur, ne dominium in emtione transferatur &c. quo ipso, subjungit, commode responderi posset ad l. 80. §. fin. ff. de contrah. emt. & ad l. 24. ff. de pos. juxta quos textus alias ex mente Zassii naturalia mutari nequeunt, unde maximam in explicando difficultatem orituram esse putat, nisi quis illas duas naturalium species admittere vellet.

Quamvis vero illa subtiliter disputari possint, (ipse enim Zasius fatetur, rem eam ege-  
re ingenio & quidem instructo, ne substantialia cum naturalibus inseparatis misceantur) quantum tamen ad usum practicum attinet, inter illa duo, *substantialia* contractuum eorumque *naturalia interna*, nulla differentia adesse, & sic entia præter necessitatem multiplicari videntur. Omnia enim, quæ de substantialibus prædicantur, etiam de memoratis naturalibus internis prædicari possunt, & vice versa. At vero duas res, de quibus eadem in universum & affirmantur & negantur, nihilominus diversas species esse posse, ex regulis logicorum non recordor. Consensus est sine dubio primum omnium contractuum substantiale, ergo & ad eorum substantiam pertinet, ut dolus consensui oppositus exulet. Ita quoque sine dubio ad essentiam emtionis pertinet, ut dominium per traditionem transferatur,

ratur, alias enim non esset emptio, id est, titulus domini acquirendi habilis. Et sine causa Zasius *cit. leges* tanquam obstantes & difficilis interpretationis sibi imaginatus est; cum in illis, quantum ego quidem legere potui, hoc non dicatur, quod ea, quæ adduxit Zasius, ad naturalia pertineant. Et quid si hoc etiam in iisdem vel in aliis juris textibus diceretur? Abusive hoc fieret, ut sæpe in aliis casibus, sed eo ipso nova distinctio non introduceretur.

Reliquæ distinctiones de pactis mutantibus vel adjicientibus aliquid: de pactis ex intervallo & in continenti adpositis, &c. jam ex iis, quæ ad tit. *de pactis* in genere diximus, dijudicari possunt.

## DISTINCTIO X.

Inter ius προτιμήσεως & retractus.

**P**ROfluunt hæc duo ex uno eodemque fonte, & cuicunque competit ius protimiseos sive ex speciali pacto, sive immediate ex legis dispositione, ille etiam jure retractus gaudet, & vice versa. Differunt ergo solummodo quoad diversum conceptum. Jus *protimiseos* est facultas, venditionem adhuc perficiendam oblato eodem pretio, quod tertius solvere paratus erat, *impediendi*; ius *retractus* e contrario, venditionem jam perfectam (scilicet, quæ me non consentiente nec juri meo renunciante celebrata) iterum *rescindendi*.

P. II.

D.

Plura

Plura ad hanc materiam pertinentia collegit ex Tiraquello aliisque Gothofr. Anton. *Disp. feudal. 10. thes. 1.*

### DISTINCTIO XI.

*Inter jus retractus & pactum de retrovendendo.*

**S**Æpe quidem jus retractus tam late a DD. accipitur, ut quoque pactum de retrovendendo sub se comprehendat; interim tamen accurate loquendo alterum ab altero longe est diversum. Scilicet propter præcedens pactum de retrovendendo venditori intra, vel post præfinitum tempus rem venditam *simpliciter & absque ullo respectu* recemere permittitur; ast jus retractus locum non habet, nisi eo casu, *quando emptor rem emptam in tertium extraneum alterius transferre intendit*, unde si liberi succedant patri mortuo, vel pater etiam vivus liberis suis eam rem cedat, jus retractus nondum locum inuenit, quia hic non subest alienatio in tertium aliquem, vid Faber *in Codic. lib. 8. tit. 38. D. 21.* Illustr. Dn. Stryk. *in not. ad Lauterbach. h. t. verb. iterum vendita.*

### DISTINCTIO XII.

*Inter jus retractus ex lege, & ex conventionione competens.*

**H**ujus distinctionis mentionem paulo antea injecimus sub *Dist. X. h. t.* quæ adeo  
nunc

nunc aliquanto accuratius excutienda erit. Scilicet, si ex ipsa lege competit jus retractus, tunc res, contra legis dispositionem tertio vendita, a quocunque possessore iterum repeti potest, modo hoc intra annum a die adeptæ scientiæ, rem venditam esse, suscipiatur, *v. 2. Feud. 26. §. Titius. Carpzov. P. 2. C. 32. Def. 2.* unde hæc actio communiter etiam illis, quæ in rem scriptæ dicuntur, accenseri solet, *Gail. 2. Obs. 19. num. 6. vid. Struv. Jurispr. Rom. Germ. l. 3. tit. 11. aph. 33.* Idem est, si jus retractus ex testamento mihi competat, quamvis hic nonnulli, ut *Carpzovius P. 2. C. 32. D. 9.* dissentiant, *vid. Struv. l. c. aph. 21. inf.* Verum enim vero quotiescunque quis dicto jure ex conventionione fruitur, tunc cautus esse debet, ut interveniat, antequam res vendita novo emptori tradita fuerit. Post traditionem enim jus retractus adhuc quidem effectum suum habet, non tamen talem, ut tertium possessorem convenire possim, sed contra illum solummodo, qui vendendo leges pacti violavit, actio ad interesse datur, idque intra 30. annos. Exceptio esset, nisi quis hypothecam sibi constitui curasset, vel pactum etiam commissorium adjecisset, tunc enim actione hypothecaria, vel ipsa rei vindicatione aduersus quemcunque possessorem intra tempus hæc actionibus præfinitum experiri liceret. *conf. Illustr. Stryk. de invest. action. sect. 1. membr. 6. §. 24. 25. 26. Thom. Maul. de emt. vendit. tit. 7. num.*

81. Carpzov. *loc. cit. Def. 8. 9.* Struv. *alleg. loc. aph. 21.*

Deinde hoc quoque tanquam notabilis differentia observandum, quod jus retrahendi, ex pacto competens, cuilibet cedi possit, nisi ad personam paciscentis restrictum sit, Mod. Pistor. *p. 3. qu. 169.* Maul. *d. l. tit. 7. num. 46.* quod secus in eo, quod ex legis dispositione competit, Boër. *decis. 159.* Struv. *d. l. aph. 23. & 32.* qui etiam omnes casus, quibus ex ipsa lege jus retractus competit, accurate recenset *aphor. 25. seqq.*

## LIB. XLIX. TIT. II.

### De in diem additione.

#### DISTINCTIO I.

Inter pacta, quæ *ex tunc* & quæ *ex nunc* venditionem factam resolvunt.

**T**Ermini hujus distinctionis paululum obscuri sunt, non tamen utilitate sua destituuntur, si quis rite eos intelligit, & intelligi quoque debent, quoniam DD. iis communiter utuntur. Scilicet, si pacta venditionem resolvunt *ex tunc*, tunc retrahuntur ad tempus initi contractus, & perinde habetur, ac si contractus nunquam celebratus fuisset, unde etiam ille, qui hæcenus rem em-

tam

tam possedit, omnes fructus & accessiones una cum ipsa re principali restituere tenetur. Exemplum est in pacto additionis in diem & L. commissoria, vid. l. 4. §. 4. l. 6. pr. l. 16. ff. h. t. l. 5. l. 6. §. 1. ff. de L. commissor.

Quoties vero venditio *ex nunc* resolvitur, v. g. in pacto de retrovendendo, toties emtor omnes ac singulos fructus, durante tempore retrovenditionis perceptos, irrevocabiliter retinet, nec venditori, qui postea rem vi hujus pacti recipit, ad eos consequendos ulla suppetit actio, conf. l. 2. C. de pact. inter emt. & vendit. compos. ibi: *habita ratione eorum, que post oblatam ex pacto quantitatem.*

## DISTINCTIO. II.

inter additionem in diem *tacitam*  
& *expressam.*

**T**Aciti quidem & expressi eandem esse vim & efficaciam alibi diximus, & sic hoc intuitu nullus adlatæ distinctionis usus deprehenditur; exierit se tamen ille intuitu quæstionis: *annon interdum additio in emtione subintelligitur, quamvis expressa non fuerit?* Hic distinguendum est, utrum vendita sit res a *privato* aliquo, an vero ab *ipso fisco*. Priori casu additio in diem tacita nunquam subintelligitur, sed indistincte & necessario adiicienda est, si quis ejusdem effectibus perfrui velit; ast posteriori casu ejusmodi adiectio expressa non

requiritur, sed addictio in diem venditionibus fiscalibus ex legis dispositione jam inest, *l. 2. §. 7. ff. ad municipal. l. 4. C. de fid. & jur. hast. fisc.* ibique Gothofredus *in not.* Cujac. *l. 2. obs. 24.* modo tamen adjectio ab alio licitatore intra tempora subhastationi præfinita fiat, quæ tempora pro diversitate provinciarum admodum variant, v. *Einleit. zum Civil-Proc. c. 35. §. 14. sq.*

### DISTINCTIO III.

Inter additionem in diem sub conditione *suspensiva & resolutive* factam.

**E**xplicatur hæc distinctio in *l. 2. pr. ff. h. t.* Quod si enim partes dixerunt: *ut meliore conditione adlata* (ab emtione) *discedatur*, *resolutiva*; si ita: *ut perficiatur emtio, nisi melior conditio offeratur*, *suspensiva* conditio adest.

Ufus practicus maxime in quæstione de sustinendis casibus fortuitis, rei venditæ accidentibus deprehenditur. Quod si enim per modum conditionis suspensivæ addictio in diem adjicitur venditioni, casus fortuitus, ea pendente accidens, ad venditorem pertinet, quia ipse adhuc fuit dominus; contra, si res sub conditione resolutive alicui addicitur, dominium statim ad emtorem transit, & per consequens hic etiam ex natura dominii damnum fatale pati tenetur, *l. 2. §. 1. l. 3. & l. 4. ff. h. t.* Dion. Gothofred. *ad d. l. 2. §. 1. h. t.*

Porro in priori casu emtor nec usucapit, nec



nec fructus percipit; bene tamen in posteriori, *ad. text.*, modo scilicet melior non adferatur conditio, tunc enim omnia restituenda sunt. Quod & tunc obtinet, licet primus emtor ad idem solvendum paratus sit, quod tertius aliquis obtulit. Ad *idem*, inquam, solvendum. Quamvis enim Dn. Beyer. *in posit. h. t. posit.* 17. in ea opinione sit, *quasi in venditionibus privatis prior posteriorem in pretio superare debeat, & quod textus communiter afferri soliti aliud non probent*; nescio tamen, quid sibi velint verba Pauli *in l. 8. ff. h. t.* quando dicit, venditorem, meliore conditione adlata, priorem emptorem certiores facere debere, *ut si quid* (non plus quam) *alius adjicit, ipse quoque adjicere possit.* Neque refragantur verba ejusdem Pauli *in l. prac. 7. h. t.* ibi: *nisi prior paratus sit plus adjicere*; hic enim *plus* non refertur ad illud, *quod secundus emptor obtulit*, sed ad pretium ab ipso priori emptore oblatum, cui nostræ opinionis præterea etiam praxis suffragatur.

## DISTINCTIO IV.

Inter pactum additionis verbis *directis & obliquis* conceptum.

**P**Rius fit per verba resolutionem prioris contractus directo & ipso iure atque sine ullo emptoris facto intercedente inferentia, v. g. *res esto inempta, contractus esto nullus, liceat venditori rem suam vindicare, recipere, &c.* &

tunc, quamvis emtor rem sub hoc pacto em-  
tam de facto interim alienaverit, venditor ta-  
men eandem a quocunque possessore vi domi-  
nii sibi competentis vindicare poterit. Se-  
cus est, si verba ita concipiantur, *quod emtor,  
meliore conditione adlata, rem restituere te-  
neatur, &c.* tunc enim venditori nuda persona-  
lis actio aduersus emtorem ad illam restitutio-  
nem faciendam competit. Unde est, quod sua-  
det Illustr. Stryk. in *Caut. contract. sect. 2.  
Cap. 8. §. 27.* venditorem, si caute procedere ve-  
lit, directis potius, quam obliquis verbis uti de-  
bere. Idem in reliquis pactis resolutivis obser-  
vandum.

## LIB. XVIII. TIT. III.

## De lege commissoria.

## DISTINCTIO I.

Inter L. commissoriam *cum die &  
sine die.*

**U**Sus in eo consistit, quod *priori* casu  
mora sine ulla interpellatione contra-  
hatur, cum & hic dies pro homine in-  
terpellet, quam tamen moram emtor tandū  
purgare potest, quamdiu venditor nondum  
declaravit, utrum jure suo uti velit, an minus.  
*Posteriori* casu ad id, ut emtor in mora consti-  
tua.

## DE HEREDIT. ET ACT. VEND. 57

tuatur, interpellatione sine dubio opus est, v. g. si dixerit emtor. Er wolle das Kauffgeld in kurgem bezahlen/hoc enim in puncto non consistit. Verum enim vero licet ita mora ex interpellatione oriatur, eam tamen usque ad litis contestationem purgari posse, asserunt DD. conf. Lauterbach. *ad h. t.*

---

### LIB. XVIII. Tit. IV.

#### De hereditate & actione vendita,

##### DISTINCTIO I.

Inter hereditatem *delatam* & *futuram*, & hanc vel *tertii certi*, vel *incerti*.

**H**ereditas jam delata non minus dispositioni nostræ subjacet, quam aliæ res, & ergo eandem quoque vendere sine dubio permissum. Ast in hereditate futura non item. Hic enim subdistinguendum, an vendatur hereditas *tertii certi*, utrum vero aliqujus *incerti*. *Priori* casu venditio non est permissa, ob votum captandæ mortis, nisi tertius ille consentiat, & in eodem consensu persistat, vid. *l. ult. C. de pact.* Secus autem est *posteriori* casu, ubi eiusmodi præsumtum votum captandæ mortis cessat, & sic quoque ratio *all.*

*l. ult.* deficit, in qua lege dicitur, pacta de hereditate tertii certi odiosa esse, & tristissimi & periculosi eventus plenissima, atque adeo contra bonos mores ea impingere, vid. Hartman. *Pistor. p. 4. qu. 1. n. 5. § 29.*

## DISTINCTIO II.

Inter pacta de hereditate *conservativa, acquisitiva, restitutiva & renunciativa.*

**P**acta *conservativa* vocantur, quæ inter cognatos, jure successionis ab intestato jam alias gaudentes, interponuntur, eo fine, ne forsitan a sperata successione per testamentum cognati excludantur. Talia sunt, quando e. g. filius metuit, ne a patre propter delictum, ex *Nov. 115.* admissum, exheres fiat, & propterea cum eodem paciscitur. Item, quando frater cum fratre pactum init, ne facto testamento extraneum instituat, vid. Struv. *S. J. C. Exerc. 10. th. 11. in fin.* Hæc ipso iure Romano (& sic multo magis moribus nostris) permilla esse ostendit Illustr. Stryk. *in tr. de success. ab intest. Diff. 8. Cap. 12. §. 16. § 17.*

*Acquisitiva* sunt, quibus novum plane jus successionis nobis obvenit, quod alias nec ex jure civili, nec ex prætorio habebamus. Hæc jure Romano militibus quidem permittuntur, *l. 19. C. de pact.* neutiquam vero paganis, idque, si simplicia sint, si reciproca, prout contra

tra Gailium, Musculum aliosque ostendit Id. d. l. §. 19. *segg.* Sed quid moribus nostris? inter personas illustres, status scilicet imperii, aliosque imperio immediate subiectos, ea licita esse, unanimis DD. est assertio, unde pacta *confraternitatis & ganerbinatus* originem habent, vid. Hahn. *de jur. rer. conclus.* 74. num. 34. Myler. ab Ehrenbach *de Princ. & Stat. Imper.* P. 1. c. 25. §. 33. Strauch. *Dissert. Acad.* 3. aph. 7. de nobilibus mediatis idem asserit Nic. Betf. *de pact. famil. cap.* 5. verum reclamant reliquorum cohors, & sic illis quoque, qui civici ordinis sunt, hoc jus ineundi pacta denegat. Rationem differentiae adducunt, quia principes imperii legibus civilibus sunt soluti, & sic quoad successionem proprias leges sibi ipsis concedere possunt, Betf. *loc. cit. cap.* 4. Klock. *Tom.* 3. *Cons.* 150. num. 6. Illustr. Dn. Stryk. *cit. tr. Diss.* 8. c. 7. §. 19. quod aliter sese habet intuitu subditorum, quippe quos jus civile adhuc stringit. Concedunt tamen privatis pacta *inter coniuges & unionis prolium*, de quibus prolixè agitur in d. *Diss.* 8. c. 5. & 6.

*Restitutiva* pacta involvunt fideicommissum aliquod, dum de unius ex paciscentibus propria hereditate alteri paciscentium, aut illi, cui is vult, restituenda ineuntur. Hæc jure Romano jam licita fuisse probatur *cit. loc. cap.* 9. §. 4. & *cap.* 12. §. 37. hodie inter familias illustres præcipue frequentantur, unde bona *Majoratus*, seu *Senioratus*, d. *Cap.* 9. §. 7.

Denique *renunciativa* vocantur, quando quis hereditatem, alias ad se pertinentem, sponte omittit, v. g. si filius propter acceptas studiorum impensas, vel filia propter acceptam dotem, reliquæ hereditati paternæ renunciât. De hac quidam disputant, utrum de jure Romano valuerit, annon, &c. non pauci negativam defendunt; verum enim vero ut rationes ab utraque parte adferri solitas prolixo hic recenseamus, instituti nostri non est, vide sis Illustr. Dn. Stryk. *d. diss. 8. cap. 12. §. 38. seq.* qui affirmativam propugnat. Nobis sufficere potest, quod juxta mores hodiernos validitas ejusmodi pactis non denegetur, idque siue a privatis, siue ab illustribus personis celebrentur, vid. Carpzov. *p. 2. c. 35. def. 8.* Exempla habes in *cit. tr. de success. ab intest. diss. 8. c. 10. §. 4. seqq.* vid. Guttierrez in *c. quamvis 2. de pact. in 6. verb. filia num. 4.* Struv. *Exerc. 35. thes. 50.* Id probe hic observandum, quod non nuda sufficiat renunciatio, sed quod ea juramento confirmari debeat, *c. 2. de pact. in 6.* Coler. *decis. 38.* adeo, ut assertionem ben Sürstlichen/Gräfflichen/ Adelichen Ehren/ item an Eydesstatt/ non sufficere statuant, Kellenbentz *de renunciat. success. quest. 3.* secus de jure Saxonico communi, ubi tale juramentum non exigitur, sed sola renunciatio sufficit, Land. Recht *lib. 1. art. 13.* Richter *decis. 69. n. 7. seqq.* Struv. *cit. Exerc. 38. th. 50.*

## DISTINCTIO III.

Inter venditum nomen *verum* &  
*bonum*.

**D**uplex in nominibus cessis moveri solet  
quæstio : (1.) *an revera debeatur?* & (2.)  
*an etiam debitor solvendo sit?* Ex affirmatio-  
ne prioris, *veri*; ex posterioris autem, *boni* no-  
minis prædicatum oritur. Non sunt hæc nu-  
da saltem vocabula, ab otiosis metaphysicis  
inventà, sed effectum quoque post se trahunt.  
Quæritur enim : *an cedens ad utrumque, ve-  
rum scilicet & bonum nomen, an vero ad al-  
terutrum solummodo præstandum obligetur?*  
Respondet Ulpianus in l. 4. ff. h. t. si no-  
men sit distractum, locupletem esse debitorem,  
non debere præstare : *debitorem autem esse de-  
bere præstare, nisi aliud convenit.* Quod variis  
modis ampliant D D. scilicet, quamvis jam peri-  
culum tempore venditionis adfuerit, & venditor  
evictionem expresse promiserit, aut denique  
emtor ignoraverit, debitorem non esse sol-  
vendo, Frantz. *ad tit. de evict. num.* 25. 27.  
*segg.* Lenz. *de nom. cess.* c. 37. *Membr.* 7. 14. 15.  
*segg.* Lauterbach. *ad h. t.* Exceptio est, nisi in  
dolo fuerit cedens, aut expresse promiserit, quod  
non solum *verum*, sed etiam *bonum* nomen  
emtori præstare velit, vid. Aut. *alleg.*

## DISTINCTIO IV.

Inter actionem *utilem & directam*  
a cessionario institutam.

**U***tilem* actionem illam vocant, quando cessionarius *sibi* obligatum esse dicit debitorem, *seque* creditorem appellat, & *venditionem, vel donationem* tanquam *titulum cessionis* allegat; e contrario autem *directam*, quando cessionarius *in personam cedentis* concludit, & *in ipsa* cessione sese fundat, Franc. Caldas *de emt. vendit. c. 24. num. 28.* B. Brunne-  
neman. *de cess. act. c. 5. num. 19.* Subtiliter satis! unde videri poterat, hic idem applicandum esse, quod alias de distinctione inter actiones directas & utiles diximus, eam mere theoreticam esse, & nullum omnino in praxi usum præstare; sed nescio, quo fato evenerit, quod communiter D D. hac parte adhuc utilitatem aliquam adesse asserant.

Scilicet: usus juxta eos conspicitur (1.) *intuitu reconventionis a debitore cesso instituta.* Quod si enim directa egerit actione cessionarius, ad eandem respondere tenetur; secus, si utili, vid. Brunne-  
neman. *d. c. 5. num. 10. & 11.* ubi tamen prius in eo casu limitatur, si cessio necessaria fuerit, aut voluntaria quidem, sed tamen ex causa onerosa profecta, modo absit dolus, & læsio debitoris cessi hic non expresse inten-



intendatur, quæ & similes limitationes totam ferre regulam absorbent.

(2.) *Intuitu exceptionum, quæ cessionario opponi possunt.* Exceptio enim, quæ cedenti obstabat, indistincte etiam cessionario opponitur, si actionem directam insituit. Verum, si actione utili experitur, actiones, ipsam rem concernentes, solummodo admittere tenetur, v. g. solutionis, compensationis, (quas fuisse recenset Brunneman. *d. tr. cap. 6. num. 29.*) non autem eas, quæ qualitatem personæ cedentis respiciunt, v. g. competentix. Hinc si v. g. socius contra locum ipse ageret, frueretur reus condemnatus hoc competentix beneficio; verum si actionem eam extraneo cedit, & hic actione utili experitur, reus beneficio suo excidit. Dura sane assertio, quam propterea recte perstringit Id. *d. c. 6. num. 21. 22.* Limitant illam, si actio titulo lucrativo sit translata, vid. Joh. a Sande *de cess. act. cap. 13.* Franc. de Caldas *de emr. & vend. cap. 24. num. 56.*

Reliqua, v. g. quod actio directa sit *nativa*, & ex cessione seu mandato oriatur: utilis autem *dativa*, quæ ab imperatore, (antiquam subtilitatem tollere volente, vid. *l. 5. C. de hered. vel act. vendit. l. 1. inf. C. de O. & A.*) data est iis, qui iustum titulum absque actuali cessione habent: item: quod directa expiret morte cedentis, non utilis: nec non, quod cessionarius ipsum cedentem intuitu cessionis  
utili

utili quidem, non vero directa actione convenire possit, vid. Brunneman. *d. c. 5. num. 6. seqq.* leviora esse videntur.

Vides ergo B. L. eam esse interpretum sententiam, quod melius faciat cessionarius, si actione utili, quam si directa experiatur. Ergo illa quoque semper eligenda erit, id quod in dubio etiam factum esse præsumitur, præcipue si herba betonica, famosa illa clausula salutaris, libello adjecta est.

## LIB. XII. TIT. V.

De rescindenda venditione & quando licet ab emtione discedere.

## DISTINCTIO. I.

Inter læsionem *modicam, enormem & enormissimam.*

**M***odica* vocatur, quæ est infra dimidium: *enormis*, quæ est ultra dimidium, id est, quando vel emtor plus quam duplum solvit, vel venditor ne dimidiam quidem justii pretii partem accepit: *enormissimam* appellant, quando læsio ultra triplum, quadruplum, &c. adest.

Ob *modicam* minores quidem restituuntur, modo non plane sit minima, non autem majores, prout ex *tit. de minor. 25. ann.*

con.

constat; verum ob enormem & enormissimam majorenibus etiam succurrunt leges. Hac parte ergo inter enormem & enormissimam nulla adest differentia. Nec illud alicujus momenti videtur, quod dicit Carpz. *p. 2. const. 34. def. 7. princ.* læsionem enormissimam contractum *ipso iure nullum* reddere; propter enormem autem *restitutione civili ex l. 2. C. de resc. vend.* opus esse; hoc enim legum autoritate destituitur, quæ ob *presumptum* dolum contractum pro nullo nunquam declarant, sed solum ob dolum verum. Ergo hoc unicum remanet, quod nempe, si quis beneficio rescindendi contractum ob læsionem renunciat, ea renunciatio in dubio saltem de enormi intelligenda sit, non autem de enormissima, quippe de qua probabiliter non cogitavit renunciatus, ad non cogitata autem renunciatio extendi nequit. Idem est, si majorennis iuravit, se contractum servaturum esse; tunc enim iuramentum infert quidem renunciationem læsionis enormis, neutiquam vero enormissimæ, vid. Barbof. *ad l. 2. C. h. t. num. 130.* Frantzk. *l. 1. resol. 4. num. 25. § 31.*

Equidem nonnulli putant, quod ob læsionem enormissimam etiam tertius possessor conveniri possit, non vero ob enormem, vid. Berlichium, Barbosam & quos prætereat citat Lauterbach. *ad h. t.* verum hæc differentia iterum autoritate iuris destituitur, nec leges a

Lauterbachio tanquam obstantes allegatæ, l. 94. §. 1. ff. de leg. 1. l. 13. §. 1. ff. de minor. §. 1. ff. de contrah. emt. ad hanc quæstionem in specie pertinent, sed ad eam in genere: annon ob læsionem tam enormem, quam enormissimam in subsidium tertius conveniri possit? quod quamvis generaliter ex dictis textibus probari nequeat, a DD. tamen in praxi conceditur, Struv. S. I. C. Ex. 23. thes. 92.

---

## LIB. XLIX. Tit. VI.

### De periculo & commodo rei venditæ.

#### DISTINCTIO I.

Inter venditionem *perfectam* & *consummatam*.

**P***erfectio* venditionis ex declaratione consensus reciproce facta, *consummatio* autem ex subsequente traditione dependet. Quoad facultatem poenitendi, commodorum perceptionem & onerum præstationem inter utramque nihil interest, hæc omnia enim semper ad emptorem pertinent, sive perfecta fuerit venditio, sive consummata. Unica saltem adest differentia, scilicet *intuitu actionis realis* instituendæ. Hinc si ante traditionem

tionem res vendita ad tertium possessorem pervenit, emtor contra eundem non potest instituere actionem realem, sed venditor, quia jus vindicandi demum ex traditione consequitur emtor. Et hinc non absolute, sed hoc saltem respectu venditor ante traditionem adhuc dicitur dominus in §. 3. *J. de emt. vend. ibi: utique tamen rei conditionem exhibere debet emtori: quia sane, qui nondum rem emtori tradidit, adhuc ipse dominus est, ex quo §. nec non ex l. 20. C. de pact. & ex arg. l. 3. pr. ff. de O. & A.* Lauterbach. proinde ad *tit. ff. de acquir. rer. dom.* male infert, quod thesaurus, ante traditionem infundo vendito repertus ad venditorem pertineat, hic enim respectu emolumentorum non est dominus, *v. d. §. 3. J. de emt. vend.* Fluit vero ex adductis, quod si venditor ante traditionem rem venditam tertio alicui denuo vendat, primus emtor contra hunc secundum actionem etiam non habeat, sed saltem contra venditorem ad interesse.

Ergo, ut binis verbis summam rei exhibeamus: venditio *perfecta* actionem personalem contra solum venditorem: *consummata* autem realem adversus quemcunque possessorem rei venditæ producit.

LIB. XIX. TIT. II.

Locati conducti.

## DISTINCTIO · I.

Inter locationem rerum & operarum.

**I**N locatione rerum locator ad usum rei concedendum *præcise* obligatur, vid. Zœsius *h. t. num. 5. inf.* at vero in locatione operarum liberatur, modo interesse præstet. Porro: locatio operarum non transit ad heredes, quia ut plurimum industria personæ est electa; secus in locatione rerum, quæ ad heredes utriusque transit, tam locatoris, quam conductoris, ob defectum modo adductæ rationis. In locatione operarum interdum præstatur culpa levisissima, si quis tanquam artifex aliquid expedire obstrictus est, *l. 25. §. 7. ff. h. t.* sed in locatione rerum præter levem culpam nihil exigitur. In locatione operarum interdum aliquis ad operas alteri præstandas invitatus cogi potest, sic v. g. rustici (licet non sint homines proprii) operas, quas locandas destinarunt, nondum tamen alicui in specie promiserunt, tenentur easdem dominis suis præ aliis locare, modo dominus eodem tempore illas exigit, eandemque mercedem offerat, vid. Carpzov. *P. 2. Const. 51. def. 9.* verum ad locationem rerum nemo unquam compellitur, &c.

## DISTINCTIO II.

Inter locationem *operarum* & *operis*.

**L**ocationem *operarum* vocant, quando operæ nudæ & indeterminatæ, v. g. a famulis nostris & ancillis promittuntur; *Operis* vero, quando operæ ad certum aliquod opus perficiendum sunt destinatæ, v. g. ut faber lignarius, vel murarius, integrum ædificium, aut partem aliquam extruat. Jam ulterius ita pergunt D D. in locatione *operarum* is dicitur locator, qui usum rei, vel operas præstat, & mercedem accipit, conductor vero, qui pro usu rei vel opera mercedem solvit. Sed in locatione *operis*, qui est locator operæ suæ, *Der seine Arbeit verdinget* / ille dicitur conductor respectu operis faciendi, v. g. ædium; qui vero est conductor operæ, *Der etwas machen läßt* / ille dicitur locator respectu operis, *Des Dinges/das Er machen läßt* / & hic mercedem solvit, ita hoc explicat Rebhan. *Hodeg. jur. chart. 2. clim. 4. §. 10.* & ex eo Hopp. *Exam. 7. h. 1. qu. 3.* aliique.

Subtilia inventa, fateor, sed ita subtilia, ut propter subtilitatem suam omnem in foro utilitatem amiserint. An enim exinde, quod locator operæ intuitu operis, ad quod operas suas locat, conductor vocatur, novum jus, aut nova obligatio, aut alius aliquis novus atque peculiaris effectus profluit? Ego sane hætenus non vidi ullum, qui hoc demonstrasset.

set. Hinc sufficere potest, modo quis sciat: *locatorem* vocari illum, qui mercedem accipit, & hoc sine distinctione, utrum locatio operam, aut rerum adsit.

## DISTINCTIO III.

Inter locationem *regularem* & *irregularem*.

**I***rregularis in l. 31. ff. b. t.* appellatur, quando res aliqua locatur, non ut eadem, sed ut similis, vel ejusdem generis redderetur, veluti cum argentum pusillatum sabro daretur, ut vasa fierent, aut aurum, ut annuli. Et hoc casu dominium transfertur, quod secus in regulari. Posses etiam ad irregularem locationem referre, quando *non nummo, sed partibus locavit* aliquis, dicente Plinio *lib. 9. Epist. 37.* id est, quando colonus non certam mercedem, in pecuniâ numerata consistentem, nec certam fructuum quantitatem, sed incertam, seu partem *quotam*, v. g. semissem, trientem &c. ejus, quod natum fuerit, locatori suo præstat, qui in *l. 25. §. 6. ff. b. t. colonus partiarus* dicitur. Hic enim revera adest societas. Unde conductor culpam leyem in concreto solummodo præstat, non in abstracto, ut alias. Quod si etiam maximum lucrum consequeretur colonus, locatori ejus partem præstare tenetur, & e contrario locator etiam minimum da-



damnum pro rata ferre obstrictus, quod in societate regulari utrobique secus se habet, *v. d. l. 25. §. 6. ff. h. t.* Posses etiam hoc addere, quod hæc conductio irregularis non transeat ad heredes, vid. Gothofred. *ad d. l. 25. conf. de colono partiario Mantica de tac. & ambig. convent. l. 5. tit. 2. num. 26.*

## DISTINCTIO IV.

*Inter colonum & inquilinum.*

**Q**ui agrum conduxit, vel aliud prædium rusticum, *colonus*; qui ædes, *inquilinus* dicitur. Ita theoretice differunt, sed adest etiam usus practicus, scilicet *in relocatione tacita*. Intuitu inquilini enim relocatio saltem fit ad illud tempus, quo conductor ultra tempus ab initio determinatum in re conducta mansit, unde si prima locatio ad annum inita fuit, relocatio non statim quoque ad annum inita censetur, sed ad sex, vel plures septimanas, quousque scilicet inquilinus permanfit, *l. 13. §. fin. ff. h. t.* sed in colono aliud observatur. Quia enim in prædiis rusticis fructus non quotidie percipiuntur, ut in urbanis, sed integro demum anno elapso, hinc locatio quoque ad annum renovata esse præsumitur, *d. l. 13. §. fin. h. t.* Interdum quoque ad triennium, vel quinquennium, quando fructus in omnibus campis non possunt perfecte, nisi exacto demum triennio, percipi, vid. Frantzk.

*ad h. t. num. 18.* Brunneman, *ad d. l. 13. ff. h. num. 16.* qui quaestiones huc pertinentes fule pertractat.

De jure Romano etiam non levis effectus huius distinctionis in eo deprehendebatur, quod res *inquilini* locatori tacite obligatae erant, in securitatem mercedis ab inquilino solvendae, *l. 4. ff. in quib. caus. pign. vel hyp. tac. contr.* non vero res *coloni*, *d. l. 4.* Hodie autem DD. hanc differentiam cessare, & res *coloni* non minus, quam *inquilini*, locatori tacito pignoris vinculo obstrictas esse asserunt, vid. Mev. *P. 4. decis. 127.* qui etiam adlatam differentiam ne quidem legibus Romanorum convenire dicit, quamvis de hisce assertionibus ego adhuc dubitem.

## DISTINCTIO V.

Inter conductorem rerum *privatarum* & *fiscalium* s. publicarum.

**C**onductores rerum privatarum finito contractu & tempore in eodem determinato non obligantur, ut ulterius inviti conductionem continuent. Pacta enim & hic dant legem contractui. Verum, si conductor vectigalium maximos fructus consecutus sit, & vectigalia tanta mercede postea locari non possint, tunc invitus ad conductionem continuandam cogitur per *l. II. §. fin. ff. de publican.*

Pere-

Peregrin. *de jur. fisc. l. 6. tit. 5, n. 9.* Boër. *decif. 249. num. 2.*

Qui bona civitatum (quo pertinent etiam fiscalia) durante conductionis tempore fructuofiora reddidit, ipsi deinde prærogativa præ aliis competit, si conductionem continuare velit, H. Pistor. *obs. 162. num. 8. obl. congruit. 4. C. de locat. prædior. civil. Brunnem. ad l. 1. ff. de Publican.* quod secus in conductoribus rerum privatarum.

Tutores & curatores vectigalia conducere nequeunt, donec rationes reddiderunt, & si forte dissimulato munere conduxerint, poena falsi coercentur. *l. un. C. ne tutor. vel curat. vectig. cond. l. 49. ff. locati.* sed a conductione rerum privatarum nemo, & sic neque tutores & curatores arcentur, vid. Struv. *Exerc. 39. thes. 37.*

Qui vectigalia conduxit, eo ipso pro patrefamilias habetur, & sic in eo cessat SCtum Macedonianum, per *l. 3. §. 1. ff. ad SC. Maced.* aliud, si filiusfam. privata prædia conduxit, Struv. *loc. cit.*

## DISTINCTIO VI.

Inter locationem ad tempus *longum*  
& *modicum* factam.

**U**Sum in eo constituunt, quod locatio ad tempus *longum* facta, in conductorem speciem dominii cuiusdam utilis transferat,

vid. Carpzov. *l. 5. Resp. 17. num. 10.* Garf. *de Expens. c. 14. num. 1. seqq.* aliosque plures; quod secus est in ea locationis specie, quæ ad brevis tempus initur. Quamvis vero hæc D.D. opinio principiis juris aperte contrarietur, cum scilicet locatio ab initio non sit titulus ad transferendum dominium habilis, & sic quoque ex postfacto eam habilitatem consequi non possit, conf. *l. 39. ff. h. t.* nihilominus tamen ad evitandas lites tanquam cautelam commendat Illustr. Stryk. *de Caut. contr. sect. 2. c. 9. §. 6. ne locatio ultra novem annos fiat, vel si in longius tempus eadem placuerit, ut addatur pactum, de locatione quovis novennio renovando.*

## LIB. XIX. TIT. III.

## De æstimatoria.

## DISTINCTIO I.

Inter contractus innominatos *regulares & irregulares.*

**A**D priores referunt contractum *do ut des: facio ut des: do ut facias: facio ut facias:* ad posteriores autem contractum *permutationis & æstimatorium.* Irregulares autem ideo hi duo vocantur, quoniam aut contractus nominatos quam proxime accedunt, simulque nomen aliquod habent, vid. Lauterbach.

bach, *Comp. jur. tit. de contr. innomin.* Paulo aliter Struv. *Exerc. 25. th. 2.* Quemadmodum vero supra *ad tit. de pactis* differentiam inter contractus nominatos & innominatos in genere rejecimus, quia facultas pœnitendi nec in his nec in illis locum amplius invenit, pro-ut contra dissentientem sibi que ipsi contradicentem Carpzovium *P. 2. C. 33. Def 23.* & contra alios jamdum ostendit Illustr. Dn. Stryk. *de investig. act. membr. 7. §. 3.* ita quoque præsentis distinctionis nullam omnino in foro hodie utilitatem esse, intrepide asserimus. Ex irregularibus non minus, quam regularibus, oritur actio præscriptis verbis, & in neutra classe pœnitere amplius licet; conf. *Id. loc. cit. §. 8.* Præterea inter contractum permutationis & do ut des nullam revera intercedere differentiam, jam alii monstrarunt, unde unus saltem irregularis manet contractus innominatus, æstimatorius scilicet.

Cum DD. sub hoc titulo de materia æstimationis in genere agere soleant; hinc subjungenda quoque fuit

## DISTINCTIO II.

*Inter æstimationem venditionis & taxationis causa factam.*

**P**Rior dominium rei æstimatæ in accipientem transfert, & per consequens omnes ejusdem effectus, commodum scilicet & incom-

commodum, ipsumque casum fortuitum. Neque etiam danti, licet restituto, pretio rem æstimatam iterum recipere, sed accipiens illam invito dante retinere potest. *Posterior* huncce saltem scopum habet, ut si forsan accipiens rem æstimatam deterioraverit atque corruperit, dans eo melius interesse, quod hoc nomine prætendit, probare possit. Sic v. g. res alteri concessa a peritis 100. thal. æstimatur: accipiens istam admodum deterioratam restituit, unde facta restitutione ab iisdem peritis 60. thal. solummodo æstimatur; patet hinc statim, dantem 40. thal. interesse nomine petere posse.

Sed quæritur hic, quid *in dubio* præsumendum sit: *utrum scilicet æstimatio venditionis, an saltem taxationis causa contractui adjecta fuerit?* Puto, hanc quæstionem ex vulgata regula: quod accessorium naturam sui principalis sequatur, facile decidi posse. Scilicet contractus, quibus adjicitur rei æstimatio, vel *est habilis ad transferendum dominium*, vel *non est*. *Priori* casu, æstimatio venditionis causa facta esse præsumitur, & huc præcipue refertur contractus dotis, l. 15. ff. de jur. dot. l. 10. §. 4. ff. eod. quia maritus dominus rerum dotalium per hunc contractum efficitur. Ex quo patet, quod si in pactis dotalibus hæc clausula deprehendatur: *Es bringe die Caja dem Sempronio ein Haus nomine dotis zu* / welches hienit auf 2000. Rthl. angeschlagen werde; quod,

in-

inquam, hoc casu, si illæ ædes per incendium aliumque casum fortuitum pereant, damnum ad maritum pertineat, & hic nihilominus ad restituendos istos 2000. thal. sit obligatus. E contrario autem hoc commodum, v. g. in Saxonia ad ipsum pertineret, quod mortua uxore totam summam tanquam heres mobilioris lucretur, cui lucro absque facta æstimatione locus non fuisset, vid. Carpzov. P. 3. C. 23. def. 26. Potest etiam tunc maritus libere de fundo dotali disponere.

*Posteriori casu, si scilicet æstimatio adjicitur contractui ad transferendum dominium inhabili, v. g. locationi, commodato, deposito, pignori, &c. tunc taxationis gratia hoc factum esse censetur. Non leviter quidem ob stare videntur verba l. 5. §. 3. ff. commod. & si forte res æstimata data sit, omne periculum præstandum; verum enim vero verba immediate subsequencia: ab eo, qui æstimationem se præstaturum recipit, liquido ostendunt, dictam legem de eo casu loqui, quando accipiens per expressum pactum periculum adjecta æstimatione rei traditæ in se recepit; at nos in præsentī de eo disquirimus, quid in dubio præsumendum sit. Idem responderi potest ad l. 3. & ad l. 54. §. f. ff. Locati. Quo pertinet, quod addit Lauterb. h. t. si tamen hisce in casibus fuerit conventum, ut res incorrupta, vel ejus æstimatio restituatur, tum omne periculum pertinet ad accipientem. Plurima scitu necessaria-*

cessaria de æstimatione dotis v. apud Mevium *ad jus Lubec. lib. 1. Tit. 5. art. 8. n. 21. seqq.* ubi in specie & hoc tradit dotem æstimatam venditionis gratia datam censerī, si æstimatio, vel pretii determinatio, arbitrio boni viri committitur. Ceterum supponitur, maritum solvendo esse, *ib. n. 31.* unde in casu inopiæ, uxor rem dotalem æstimato datam nihilominus vindicat. Add. Rauchbar. *p. 2. qu. 29.* Gometz *var. resolut. l. 2. c. 7. num. 1.* Panormit. *in c. un. X. de commod. n. 23.* & præ aliis Brunnem, *ad d. l. 5. §. 3. ff. commodatum. 5. seqq.* Mascard. *de probationib. conclus. 1664.* Burgund. *de peric. & culp. cap. 12.*

---

## LIB. XX. TIT. I.

de pignoribus & hypothecis, &  
qualiter ea contrahantur, & de pactis  
eorum.

## DISTINCTIO I.

Inter pignus *legale* (tacitum) & *conventionale* (expressum.)

**P**ignus *legale* certæ tantum personæ habent, v. g. liberi in bonis parentum ratione adventitiorum: pupilli in bonis tutorum, & universitates in bonis administratorum: locator in rebus ab inquilino illatis & in



& in fructibus a colono perceptis, legatarii, uxores, &c. de quibus late Brunnem. *Proc. Conc. Cred. cap. 5. §. 51.* ast *conventionale* omnes creditores habere possunt,

Qui ad pignus *legale* provocat, certum iuris textum proferre tenetur, in quo hoc ipsi conceditur, & tunc nulla conventionem opus est: ast qui *conventiunt* pignonas prætendit, jus suum ex speciali contractu pignoratitio adstruere tenetur, non enim pro se hac parte præsumptionem habet. Ex quo simul patet, omni fundamento destitui eorum opinionem, qui jus tacitæ, vel legalis hypothecæ etiam aliis nonnullis concedunt, quorum tamen leges nullam mentionem iniiciunt, v. g. quod dominus in bonis furis reliquis, iuxta Carpzov. *P. 4. Const. 39. D. ult.* nec non quod deceptus in bonis eius, qui animo novandi transactionem dolose suscepit, tacitum pignus habeat, quod vult Berlich. *P. 1. Concl. 67. num. 91.* quamvis enim forte allegarent, æquitatem tamen postulare, ut hisce personis succurratur; ego tamen responderem, æquitatem etiam postulare, ut omnibus & singulis creditoribus satisfiat, & ergo omnibus creditoribus etiam jus tacitæ hypothecæ adscribendum fore, quod tamen absonum esse quilibet facile perspicit, conf. Brunnem. *loc. prox. cit.*

## DISTINCTIO II.

Inter pignus legale *purum & mix-  
tum.*

**P***urum* vocant, ubi nullum factum eius præcedit, in cuius bonis pignus competit : *mixtum* e contrario ubi aliquod factum præcedit, non autem tale, quod ad constitutionem pignoris liquido tendit, & huc referunt pignus locatori in rebus inquilini competens, non omnibus, sed illis, *quas in ades conductas intulit*, *illatio* enim est illud factum, ex quo dicta mixtura profluit, vid. DD. passim. Sed si dicendum quod res hæc est, distinctio mere theoretica esse nullamque in foro utilitatem producere videtur. Utrumque enim, & purum & mixtum pignus, eundem ubique effectum post se trahit.

## DISTINCTIO III.

Inter pignus *judiciale & prætorium.*

**P***rior* propter præcedentem rem iudicatam per pignorum captionem, vel per missionem in possessionem bonorum in illius bonis constituitur, qui sententiæ sponte parere recusat, *l. 2. § 3. C. si in caus. judic. posterius* autem ante sententiam per missionem ex secundo decreto, enim in finem, ut reus in iudicio se sistere per indirectum cogatur, *l. 1. ff. quib. ex*

*ex caus. in poss. eat.* Hæc distinctio ex diverso prætoris & judicis pedanei officio profluxit, atque adeo hodie apud nos in sensu juris Romani nullam utilitatem habere potest.

## DISTINCTIO IV.

*Inter pignus & hypothecam.*

**V**ulgus, auditis *pignoris* & *hypothecæ* vocabulis, differentiam in eo quærere solet, quod *pignus* in rebus mobilibus, *hypotheca* autem in immobilibus constituatur, quam opinionem etiam veteri juri non adeo adversam esse existimat Dn. Beyer. *Pos. ff. h. t. ab init.* sed hodie quidem illa explicatio locum amplius non invenit, ubi unica ad id respiciendum est, utrum res obligata creditori simul tradita fuerit, an non; quod si enim traditio non accessit, *hypotheca*, si vero res tradita, *pignus* vocari consuevit, vid. §. 7. *J. de act. l. 1. ff. de pign. act.* ibique Dion. Gothofr. *in not.* qui simul *l. 238. §. 2. ff. de V. S.* explicat, quamvis & hæc lex de jure veteri intelligi possit. Interim libenter fatemur, regulas prudentiæ exigere, ut intuitu rerum mobilium obligatarum non in nuda conventiono acquiescamus, sed præterea traditionem quoque urgeamus, quia alias in loca dissita facile transferrentur, & sic jus persequendi nobis difficillimum reddi posset, unde etiam hoc forte per vocem: *proprie*, (id est, quod communiter fit) respexit Jctus in *cit. l. 238. §. 2. de V. S.*

Ufus in eo se exerit, quod propter hypothecam detur actio hypothecaria, non autem propter pignus. Ceterum vero eodem effectus in securitatem creditoris utrumque producit, & huc pertinet *l. 5. §. 1. ff. h. t.*

#### DISTINCTIO V.

Inter hypothecam *generalem* & *specialem*.

**H**Æc distinctio maximam sine dubio in foro præbet utilitatem. Exprimamus rem verbis. B. Strykii *de Caut. contr. sect. 2. cap. 4. §. 16.* Ultraque, dicit, [sua habet commoda & incommoda. Qui enim 'generali' hypotheca gaudet, ex universis debitoris bonis eam eligere potest, ex qua commodissime debitum suum se consequi posse existimat, quamvis illa res alteri cuidam specialiter obligata fuerit, *l. 2. pr. ff. qui pot. in pign.* ast, qui specialem solummodo habet, illi in reliquis debitoris bonis nihil juris competit, & hinc sæpe in classem chirographariorum rejicitur, quando scilicet res specialiter obligata vel periit, vel ab aliis creditoribus consumpta est, vid. Brunneman. *Proc. concurs. cred. cap. 5. §. 66.* E contrario autem specialis hypotheca magis afficit rem obligatam, & ad hoc prodest, ut si debitor postea hanc rem distraxerit, creditor statim tertium ejusdem possessorem convenire possit, ita ut hic exceptione excussionis se tueri nequeat,

queat, quod aliter in hypotheca generali propter *Nov. 4. c. 2.* quamvis hic dissentiant *Frantz. lib. 1. resol. 12. & Struv. S. J. C. Ex. 26. th. 38.* qui juxta hanc opinionem judicatum fuisse dicit. Habes ergo hic opinionem communem contra communem, unde quæ in quocunque foro recepta sit, dispiciendum erit illi, qui manum praxi admoveere intendit.

## DISTINCTIO VI.

Inter actionem *servianam* & *quasi servianam*.

**P**Rior est specialis, competens eo saltem casu, quando locator prædii rustici hypothecam in rebus coloni sibi expresse constitutam, vel in fructibus etiam tacite competentem adversus quemcunque possessorem persequitur, §. 7. *J. de act. l. 7. ff. in quib. caus. pign. vel hypoth.* Posterior autem reliquis creditoribus omnibus datur, d. §. 7. l. 16. §. 3. *ff. h. t.* Cum ergo hæ duæ actiones *nudo saltem objecto* differant, in effectu autem prorsus convenient; hinc patet, adlatæ distinctionis nullum omnino in praxi usum esse; unde etiam apud practicos *servianæ* & *quasi servianæ* actionis nulla plane fit mentio, sed hi vocabulo generali *actionis hypothecariæ* contenti esse solent.

Qui potiores in pignore, vel hypotheca habentur.

DISTINCTIO. I.

Inter hypothecam *publicam* & *privatam*.

**P**ER *publicam* non solum ea indigitatur, quæ in iudicio, sed etiam, quæ extra iudicium, in præsentia tamen trium testium (masculorum, integræ fidei & manum suam in iudicio recognoscentium juxta Gutierrez l. 3. qu. 102. num. 2. seqq.) constituitur, l. II. C. qui pot. in pign. Et hæc hypotheca omnibus privatis, licet priores sint, in concursu creditorum præfertur. Idem in Saxonia quoad iudicalem, at vero ea, quæ coram tribus testibus constituitur, ejusmodi prælationem in immobilibus ibi non tribuit, quia hæc non aliter, nisi in iudicio, valide obligari possunt, vid. Brunnem. Proc. Conc. Cred. cap. 5. §. 45. ibique in not. Quod si de cetero duæ hypothecæ publicæ concurrant, ex prioritate temporis eadem dijudicantur.

## LIB. XXI. TIT. I.

## De ædilitio edicto &amp; redhibitione &amp; quanti minoris.

## DISTINCTIO I.

Inter actionem *redhibitoriam* & *astimatoriam* s. *quanti minoris*.

**D**ifferunt hæ duæ actiones triplici modo:

I. Actio *redhibitoria* ob tale vitium competit, quod *omnem* proffus rei emtæ, vel ex alio contractu oneroso acceptæ usum impedit, unde si hoc vitium statim ab initio sciuissemus, rem *plane non* comparassemus: *Æstimatoria* autem propter vitium, quod usum speratum *quoad antenus* intercipit, unde quamvis ab initio de eo constitisset, rem nihilominus quidem emissemus, *minori* tamen pretio. Utriusque exempla passim adducuntur in legibus sub hoc titulo extantibus. conf. l. 1. §. 8. ff. h. t. Wesenbec. Parat. ff. h. t. num. 9.

II. In actione *redhibitoria* simpliciter ad contractus *rescisionem* agitur, vid. l. 60. ff. h. t. *astimatoria* autem id saltem urget, ut venditor, *salvo manente contractu*, illud restituat, quod ultra verum rei pretium *pluris* accepit, vid. l. 61. ff. h. t. Quod vero DD. dicunt, in electione actoris positum esse, an velit actione red-

hibitoria, an vero quanti minoris agere, vid. Struv. *Exerc. 27. th. 10.* id de eo solum casu intelligo, si vitium adest, quod *omnem* rei emtae usum impedit; at si ob levius vitium emtor ad rescissionem contractus, sive ad redhibitionem agere velit, hoc ipsi non concedetur.

III. Actio *redhibitoria* praescribitur spatio *sex mensium* a die contractus vel promissionis, *l. 19. §. f. ff. h. t. estimatoria* autem intra *annum* demum a die scientiae, *d. l. 19. l. 2. C. h. t.* Struv. *l. c. thes. 11.*

---

## LIB. XXII. TIT. I.

## De usuris &amp; fructibus &amp; causis &amp; omnibus accessionibus &amp; mora.

## DISTINCTIO I.

Inter usuras *punitorias, compensatorias & lucratorias.*

**P***unitoria* vocantur, quando ab initio nihil quidem promissum, sed usus pecuniae alteri ad certum tempus gratis concessus fuit, at vero debitor terminum solutionis, ipsi praefixum, non observavit, sed pecuniam ultra tempus a contrahentibus determinatum retinuit, inque usus suos convertit, vid. *l. 17. §. 3. h. t.* huc pertinet etiam, si quis, v. g. socius, pecuniam communem sine alterius, socii voluntate



luntate invaserit, de quo casu in *l. 1. §. 1. h. t.* Unde generaliter dici potest, punitorias usuras propterea persolvi, quod, alter alterius pecunia absque ejus voluntate usus sit.

*Compensatoria* sunt, quando quidem creditoris voluntas adest, ipsi tamen simul aliquid decedit, quod e contrario debitori, qui re credita utitur, accrescit. Hæ ergo eadem ratione solvuntur, prout alias conductor mercedem pro usu rei nostræ mercedem persolvere consuevit, conf. Struv. *Exerc. 27. th. 43.*

*Lucratorias* denique describunt, quæ ultra normam, in legibus præscriptam, debitumque compensationis modum percipiuntur, vel etiam ab egeno, qui non ad lucrum, sed necessitatem adhibet pecuniam creditam, exiguntur, cum tamen nos absque dispendio nostro eum, credendo pecuniam absque usuris, juvare potuissemus.

*Punitorias & compensatorias* omni jure permissas esse, fatentur DD. communiter, *lucratorias* vero in classem prohibitorum referunt, vide quos allegat. Struv. *cit. th. 43.* Verum hoc ultimum non ita simpliciter concedi posse videtur. Quamvis enim illud per se pateat, lucratorias, si modum compensationis a magistratu præscriptum excedant, ad res illicitas pertinere: quamvis etiam absque dubio ille in conscientia, id est, in foro interno peccet, qui ab egeno homine pecuniam creditam ad meram necessitatem & non ad lucrum captan-

dum applicante, usuras percipit? interim tamen in foro externo non suppetit remedium, per quod aliquis hac parte ad exercendum officium charitatis compelli, & si contra illud peccavit, poena condigna affici possit. Confirmat sententiam nostram B. Brunneman. *de jur. eccles. l. 2. c. 18. §. 44.*

### DISTINCTIO II.

Inter usuras *mordentes* & *non mordentes*.

**M***ordentes* nihil aliud sunt, quam quas modo lucratorias nominavimus, dilectionem proximi offendentes: *non-mordentes* autem, qui modo licito exiguntur. Hic ergo eadem repetenda erunt, quæ ad *prac. dist.* attulimus.

### DISTINCTIO III.

Inter usuras ex *pacto* & ex *mora* debitas.

**V**tilitas in eo consistit, quod usurz, ex pacto debitæ, adhuc peti possint, quamvis fors jam soluta fuerit, Carpzov. *P. 2. C. 30. Def. 13.* aliud obtinet, si ex mora solummodo debeantur; vid. Illustr. Stryk. *de caut. contr. sect. 2. cap. 1. §. 15.* Carpzov. *loc. cit. Def. 12.* olim in b. f. judiciis quidem solvendæ erant usurz propter moram, non autem in actionibus stricti juris; sed ea differentia hodie cessat post *Rec. imp. de*

## DE VSVR. ET FRVCTIB. &c. 89

de A. 1600. §. Eo die nunc in quo DD. facile  
consentiunt,

### DISTINCTIO IV.

Inter fructus *naturales* & *industri-*  
*ales*.

**U**Sus in eo se exserit, quod usufructuarius *natur-*  
*alibus* saltem frui possit, non autem in-  
dustrialibus, unde in §. 1. *J. de usu & hab.* dici-  
tur, cum nihil ulterius habere, quam ut *oleri-*  
*bus, pomis, floribus, feno, stramentis &*  
*lignis* ad usum quotidianum utatur, add. l. 12. §. 1.  
& 2. ff. eod. Verum postquam in ead. l. 12. §. 2.  
usufructuarius conceditur, quod industrialibus etiam  
uti possit, modo hoc modice fiat, & præterea ser-  
vitus usus, apud nos admodum rara est; hinc  
adlatæ distinctionis rarus etiam usus apud nos  
extra Saxoniam esse videtur.

### DISTINCTIO V.

Inter fructus *naturales* & *civiles*.

**N***aturales* (qui hic *industriales* etiam sub se  
comprehendunt) singulis tantum annis  
regulariter percipiuntur, v. g. pyra, poma,  
frumentum, vinum, &c. *Civiles* autem quo-  
tidie, nam ædes, stabula, pecuniam; non ad  
integros annos, sed ad brevius etiam spatium,  
v. g. ad semestre, ad unum mensem, imo in-  
terdum & ad unam septimanam unumque di-

em alteri concedimus. Sunt autem *naturales*, qui ex ipso rei corpore proveniunt: *civiles*, qui *propter* rem percipiuntur. Hinc thesaurus, qui saltem *occasione* rei percipitur, ad fructus plane non pertinet.

Ostendamus jam nonnulla consuetudina practica:

Scilicet usufructuarius, si ante finitum annum & sic ante perceptionem fructuum *naturalium* moritur, ad heredes suos nihil transmittit, *l. 13. ff. quib. mod. ususfr.* Civiles vero pro dimidia, vel tertia anni parte, ubi usufructuarius decessit, inter heredes ipsius & proprietarium pro rata dividuntur, vid. *l. 26. ff. eod.* Ita jure Romano. Apud Saxones paulo aliter, vid. *Doctrin. ff. tit. de usufr. §. IX.*

Si quis vendit fundum, ex quo naturales fructus percipiuntur, tunc si venditio ante messem celebratur, ad emptorem; si post messem, ad venditorem integri fructus pertinent, *l. 13. §. 10. ff. de act. empt. & vend.* civiles autem, qui quotidie percipiuntur, pro rata temporis dividuntur inter emptorem & venditorem, usque ad tempus venditionis, vid. Lauterbach, *ad tit. ff. de act. empt. & vend.*

#### DISTINCTIO VI.

Inter fructus *pendentes* & *perceptos*.

**R**epetenda hic eadem, quæ modo ad *prædist.* dicta fuerunt. Scilicet fructus naturales

rales pendentes ad proprietarium, percepti ad usufructuarii heredes pertinent. Aliud jure Saxonico, ubi eo respicitur, an semen rastro subactum fuerit, vid. Finckelth. *Obs.* 54.

Fructus pendentes ad emtorem, percepti autem ad venditorem spectant.

Colono ob damnum in fructibus pendentibus perpeffum aliquid de pensione remittitur, non vero, si fructus jam percepti fuerunt, Gail. 2. *Obs.* 23. num. 12. Sed quando hic dicuntur percepti? Nonnulli allegati a Lauterbachio ad tit. *Locat. Cond.* requirunt præter separationem a fundo etiam collationem in horreis, v. Carpzov. P. 2. C. 37. *Def.* 20. n. 8. 9. quos sequitur Dn. Beyer. *Pos. ff. Locat. pos.* 53. *legq.* sed in eorum castra transire non possumus ob §. 36. *J. de R. D.* ibi: *eadem fere & de colono dicuntur*, ubi antecedentia aperte monstrant, quod colonus & usufructuarius in hoc tertio comparentur, quod scilicet uterque fructuum dominus eodem modo fiat, reliqua enim, quæ de heredibus usufructuarii ibi habentur, ad colonum non quadrant, & propterea Imperator voculam: *fere*, adjecit.

Alia, ex iisdem principiis profluentia, facile suppleri possunt. Speciale quid est, quod fructus in fundo dotali pendentes soluto matrimonio inter maritum & uxoris heredes pro rata temporis dividantur, l. 5. §. 1. 7. §. 1. *ff. solut. matrim.* Finckelth. *Obs.* 54. n. 1. Gothofred. ad l. 22. C. de R. V.

## DISTINCTIO VII.

Inter fructus perceptos *extantes & consumptos.*

**U**Sus hujus distinctionis tunc maxime deprehenditur, si quis rem aliquam cum fructibus vindicat. Eo casu enim quæritur: *an extantes solum, an vero consumpti, etiam fructus domino vindicanti restitui debeant?* Respondetur distinguendo inter *bonæ & malæ fidei* possessorem. Prior extantes saltem restituit, non consumptos; §. 2. *J. de Off. J. l. 22. C. de R. V.* sed nec extantes, si sunt usucapti, *l. 4. §. 19. ff. de Usucap.* quamvis hodie communiter velint, etiam consumptos restituendos esse, in quantum b. f. possessor exinde locupletior factus est, Illustr. Stryk. *de invest. act. sect. 1. membr. 2. §. 49.* Malæ fidei possessor indistincte omnes fructus restituit, siue adhuc extent, siue consumpti sint, cum ex consumptione non potuerit firmitus jus consequi, quam antea quidem habebat. Ceterum hic non solum consumptio naturalis, sed etiam civilis intelligitur, quæ fit per translationem dominii in emtione, donatione, permutatione, &c. conf. Gothofred. *ad l. 22. C. de R. V.*

## DISTINCTIO IIX.

Inter fructus *perceptos & percipiendos.*

**Q**uando in *Dist. VI.* fructus percepti penditibus opponerantur, tunc ad solum *actum*

*actum perceptionis*, hic vero, ubi percipiendis opponuntur, ad *debitum modum* respicitur. Vocant enim percipiendos, qui revera quidem non sunt percepti, sed tamen debita diligentia adhibita facile percipi potuissent, & ab aliis patribus familias etiam percipiuntur. Quoad usum iterum inter b. & m. f. possessorem distinguere oportet. Ille de percipiendis non tenetur, sed de perceptis solummodo, hic vero de percipiendis etiam, cum sibi imputare debeat, quod negligenter in ea re, quam tamen alienam esse sciebat, versatus sit, vid. §. 2. *J. de Off. J. l. 22. C. de R. V.*

Ad materiam de usuris & fructibus *anatocismus* etiam pertinet, unde distinctiones ibi obvenientes hic simul perlustrabimus.

## DISTINCTIO IX.

Inter anatocismum *menstruum* & *anniversarium*.

**M***enstruus* vocatur, quando usuræ quolibet mense exeunte in sortem computantur, *anniversarius* autem, quando hoc a fine cujusque anni fit. Uterque est prohibitus, & sic distinctio theoretica est.

## DISTINCTIO. X.

Inter anatocismum *separatum* & *coniunctum*.

**C***oniunctum*, quando scilicet usuræ sorti principali immiscentur, per leges prohibitum esse,

esse, fatentur communiter DD. propter *l. 28. C. de usur.* Separatum autem, quando super usuris debitis specialis obligatio conficitur, tanquam super nova sorte, in praxi communiter permissum esse testantur, vid. Cothmann. *Vol. 1. Conf. 18. num. 218.* Berlich. *P. 2. Dec. 268. num. 8.* Mev. *P. 4. Dec. 213.* quamvis, si theoretice disputemus, hæc opinio dubio non careat, de quo vid. Brunnem. *ad d. l. 28. C. de usur.* Struv. *Exerc. 27. th. 50.* nisi supponas, debit orem esse divitem, cumque usuras promte solvere posse, eas tamen ad promovendum commodum suum tanquam sortem retinere malle, vid. *doctr. ff. h. t. §. VI.*

## DISTINCTIO. XI.

Inter moram ex re & ex persona.

**Q**uotiescunque ex re inducitur mora, toties nulla interpellatione opus est, quæ tamen præcisè requiritur, si ex persona eadem oriri debet. Multum ergo interest, ut utraque mora ab invicem accurate separetur. Ex re autem moram induci dicunt, si dies certus solutioni adjectus: si pupillo vel minori aliquid debetur: si quid fisco debeatur: in fideicommissariis libertatibus: in prædonibus & furibus, vid. Arumæus *de mora c. 4.* Struv. *d. Exerc. 27. th. 68.*

Quæ de adjectione certi diei diximus, quod scilicet ea moram sine interpellatione inducat, non-



nonnulli ex DD. restringunt ad eum casum, si creditor & debitor sint sejusdem fori, quod si vero sub diverso foro deprehenduntur, interpellationem nihilominus requirunt, vid. Mynsing. *Cent. 3. Obs. 95.* Brunneman. *Cent. 3. decis. 64.* Beyer. *Poj. ff. h. t. pos. 62. 63.* Verum, quod salva autoritate dissentientium dictum sit, nobis illa sententia principiis juris aperte contrariari videtur. Quid enim diversitas fori ad hoc contribuere valet, ut dies non interpellat pro homine? aut, an homines, qui sub diverso foro vivunt, propterea etiam diverso statim jure utuntur? Ridiculum sane. Hinc de ea jam dubitare coepit Saporta *de mora cap. 2. num. 63.*

Ceterum interpellationem unicam sufficere, neque opus esse, ut præcise in judicio fiat, sed extrajudicialem huic æquipollere, satis notum est.

## LIB. XXII. TIT. II.

## De nautico foenore.

## DISTINCTIO. I.

Inter usuras *vulgares* & *nauticas*.

**U**Sus partim in foro Romano, partim etiam in nostro. deprehenditur. Apud Romanos in contractu mutui usurae non

non debebantur, nisi per stipulationem promissæ erant; at usuræ nauticæ etiam nudo pacto valide promittebantur, *l. 5. §. 1. l. 7. ff. h. t.* Verum ea differentia hodie non amplius attenditur, postquam nudis pactis ubique eadem vis tribuitur, quæ olim stipulationibus compete-  
bat. Mansit adhuc hodie usus intuitu *quantitatis usurarum*. Vulgares enim usuræ per leges ita sunt restrictæ, ut majores, quam quincunces, promitti non possint, nisi quis pœnas, usurariæ pravitati dictitatas, sustinere velit; at nauticæ eum modum longe excedunt. Non solum enim jure Romano, *l. 26. §. pen. C. h. t. centesimæ*; sed & hodie adhuc majores valide committuntur, vid. *Illustr. Stryk. Caut. Contr. sect. 3. c. 5. §. 29. add. Hahn. ad Wesenbec. h. t. num. 1.* Posses etiam hoc addere; quod propter usuras nauticas periculum fortis ad creditorem pertineat, propter vulgares autem ad debitorem, vid. *Hagen de usur. cap. 1. num. 14. seqq.*

## LIB. XXII. TIT. III.

## De probationibus &amp; præsumptionibus.

## DISTINCTIO I.

Inter probationem *artificialem* &  
*inartificialem.*

Hæc

**H**Æc mere theoretica est. *Artificialis* dicitur, quæ per indicia & conjecturas: *Inartificialis*, quæ per testes & instrumenta perficitur. Perinde autem est, five artificiali, five inartificiali utaris.

## DISTINCTIO II.

Inter probationem (Beweis) & demonstrationem (Bescheinigung) five inter probationem solennem & minus solennem.

**P**Rior, quæ in causis ordinariis obtinet, requirit articulorum oblationem in judicio, citationem adversæ partis ad videndum jurare testes, danda interrogatoria, & recognoscendum, & quod pro principali merito habetur, ad terminum probatorium præcise est adstricta; aliud in *posteriori*, quæ ad causas summarias pertinet. Sic in causa *summariis sine possessorii* testes, absente etiam adversario coram notario examinati, sufficientem probationem faciunt, neque hic super habilitate testimonii disputatio admittitur, quod in probatione solenni fieri debet, Sic, si quis ex *instrumento guarentigato* agat, non opus est, ut articulos offerat, & iisdem instrumentum adjungat, sed mox ad recognitionem devenitur, exceptiones quoque altioris indaginis rejiciuntur, quas tamen in causis ordinariis admitti

P. II. G oport.

oportet. Sic, si quis in termino præfixo emanferit, & contumaciã per allegationem *legalis impedimenti* purgare velit, tunc v. g. etiam injuratum medici, de morbo attestantis, testimonium sufficit. Huc pertinet etiam probatio per *ocularem inspectionem*, quæ ipsa, non minus ac præcedentes, ad terminum probatorium neutiquam est adstricta. Unde si in causa summaria iudex per sententiam a-ctori injungat, daß Er den Grund seiner Klage beweisen solle / actori iusta appellandi causa suppetit, sicut e contrario reus etiam appellare poterit, si iudex ab actore in causa ordinaria solummodo desideret, daß Er es beschetnigen solle / processus enim ordinarius invito reo in summarium mutari nequit, conf. Suenden-dörff. in not. ad Process. Fibigii. Catpov. Proc. Tit. 3. Art. 2. n. 52.

## DISTINCTIO III.

Inter probationem *plenam* & *minus plenam*.

**D**E hac solummodo notandum, quod *plena* tantum operetur, quantum ad totius causæ decisionem necessarium est, & quod vocabulo *probationis* absolute posito ea semper intelligatur, non solum in criminalibus, sed in civilibus etiam: *Minus plena* e contrario per se non facit plenam fidem, sed alio adhuc indiget

diget adminiculo, de quo ad subsequentem distinctionem dispiciendum.

## DISTINCTIO IV.

Inter probationem *semiplenam majorem*,  
*semiplenam simpliciter dictam*, &  
*semiplenam minorem*.

**S**emiplena *simpliciter dicta* oritur ex depositione unius testis, qui omni exceptione major est: quod si ejusmodi testi adhuc alius accedat, qui non omni exceptione est major, vel alia quædam præsumtio, tunc exinde probatio *semiplena major* exsurgit; e contrario, si unum saltem testem non omni exceptione majorem, vel aliam coniecturam habeam, v. g. in causa imputati adulterii literas amatorias: in causa homicidii præcedentes minas, &c. probatio *semiplena minor* vocari consuevit, vid. Carpzov. *P. 2. Const. 23. def. 4.*

Ufus in eo consistit: Si actor *semiplenam simplicem*, vel *maiorem* etiam pro se habet, tunc ad juramentum suppletorium admittitur, scilicet in causis civilibus, non vero in criminalibus, vid. *supra tit. de jurejur. dist. XI.* aut si *semiplena minor* saltem munitus sit, tunc reo juramentum purgatorium deferri consuevit. Posses & hoc addere: *Semiplena major* in causis summariis, antiquis & in defensione rei pro perfecta habetur, non autem reliquæ, Cravetta *Conf. 158. num. 11.* Menoch, *lib. 1. præsumt.*

*sumt. 41. Brunnem. Proc. civil. c. 18. num. 10.*  
*Coler. de Proc. execut. P. 3. c. 1. num. 62.*

## DISTINCTIO V.

Inter præsumptionem *hominis, juris, juris*  
*& de jure.*

**P**Ræsumptio *hominis & juris* in eo conveniunt, quod utraque admittat probationem in contrarium: præsumptio autem, quæ *juris & de jure* dicitur, eam neutiquam admittit.

Nevero putes, præsumptionem *hominis & juris* propterea plane idem esse. Persuasisse hoc sibi videtur Dn. Beyer. *in posit. ff. h. t. in subjunct. post posit. 46.* de cuius obiectionibus breviter videbimus. *Utraque*, inquit, *nititur sanaratione & consequentia certa, vel probabili, ex conditione humani generis, qualitatis personarum, aut rerum, natura contractus & negotii, &c. desumpta.* Recte. Sed in eo tamen manet differentia, quod præsumptio *juris* desumatur *ex natura rerum & generis humani in universum considerati*, præsumptio *hominis* autem *ex specialibus circumstantiis in hoc illo negotio occurrentibus.* Pergit Dn. Beyer: *Ad posteriorem (præsumptionem juris scilicet) prater ea requirunt, ut in LL. sit expressa. Verum cui usui? cum & hominis præsumptio, si frivola non sit, eodem juris effectû gaudeat, neque regula alicujus qualiscunque in legibus expressio majorem ei validitatem conciliet, sed requiratur, tum ut exprimat*  
*dispo-*

*dispositive & per modum theſeos, tum ut conſtet, eam nullius, vel minoris momenti fuiſſe, niſi in lege eſſet expreſſa.* Hic ante omnia ſupponendum eſt, Ictos per vocem *hominis* non quemcunque hominem, ſed *judicem* ſolum intelligere, cujus ſcilicet præſumptio effectum deciſivum in foro poſt ſe trahere poteſt, conf. *diſp. noſtr. inaugural. de præſumpt. bonitat.* Quamvis vero utraque præſumptio eodem juris effectū gaudeat; hæc tamen iterum adest differentia, quod præſumptio *juris immediate* ex lege deſcendat, *nullamque præcedentem probationem requirat*, v. g. quando leges præſumunt, *quemlibet* bonum eſſe: *quemlibet* fundum libertate gaudere: *neminem* ſuum jaſtare, &c. verum præſumptio *hominis præcedentem probationem aliquam omnino deſiderat.* Eſt quippe illa vel in bonam, vel in malam partem. Priori caſu oritur ex ſemiplena probatione, & propterea judex mihi juramentum ſuppletorium deſert, quia præſumit, juſtitiam cauſæ a mea parte ſtare, cum unum teſtem omni exceptione maiorem pro me habeam. Poſteriori caſu ex deſiſitione unius teſtis omni exceptione non majoris deſumitur, & proinde juramentum purgationis deſertur. Hæc ſine dubio adhuc alicuius uſus eſſe videntur.

Addit Dn. Beyer: *pleraque præſumptionis juris exempla in legibus ſaltem per modum hypotheſeos & tanquam rationes æquitatis naturalis, vel regulas bonæ interpretationis*

*gari, neque minus valere presumptiones: neminem suum jactare; contractum intelligi rebus sic stantibus &c. licet in LL. expressa non forent.* Verum hic non putamus, quod aliquem dissentientem habeat, qui genuinis jurisprudentiæ civilis fundamentis est imbutus. Quando enim DD. præsumptionem *juris* nominant, tunc non præcise talem intelligunt, quæ *ex jure civili* solo descendat, sed eam quoque, quam *jus nature* indigitat, quamvis in legibus civilibus non fuerit repetita. Hic ergo sine necessitate dissentire videtur Dn. Beyer.

Denique, quando ad præsumptionem *juris & de jure* argumenta apodictica, v. g. mulierem prægnantem non esse virginem, &c. refert; tunc itidem a recepta hætenus vocabuli significatione recessisse videtur. DD. enim hoc saltem eodem denotant, (quod paulo post addit) *quando leges non adeo ex facto inferunt, quam disponunt & constituunt, quod aliter se habere conclusio non debeat.* Hinc quando in LL. dicitur, quod moriens non præsumatur jocusus esse, tunc idem est, ac moriens non debet jocari. Sic quando tutor dicit, se res proprias per errorem in inventario inter res pupilli retulisse, tunc leges ejus probationem non admittunt, in pœnam, quia tutor in confectioe illius inventarii majorem circumspectionem adhibere debuisset, v. l. 13. *C. arbitr. Tutel.* Fateor quidem, præsumptionis vocabulum hic admodum improprie acci-



accipi, cum aliud sit præsumtio, aliud juris dispositio; sed vocabulis ita utimur, prout receptum est, quia nobis illorum significationes mutare neutiquam convenit.

## LIB. XXII, TIT. IV.

## De fide instrumentorum &amp; amissione eorum.

## DISTINCTIO I.

Inter instrumentum *publicum* & *quasi publicum*.

**Q**uasi *publicum* vocant, quod trium testium subscriptione est confirmatum, juxta *l. 11. C. qui pot. in pign.* & illi eundem effectum tribuit Lauterbach. *h. t.* quem instrumentum publicum coram judice confectum, five actis insinuatum habet, unde nullus usus practicus hujus distinctionis esse videtur. Sed salva nihilominus res est, manet adhuc usus non contemnendus. Quando enim in multis locis requiritur, ut v. g. contractus super venditis prædiis rusticis & urbanis in publicum instrumentum redigantur, tunc neutiquam, puto, sufficeret, si quis loco confirmationis judicialis, quæ eo ipso indigitatur, subscriptionem trium testium, tanquam æquipollens aliquod, substituere vellet.

Quando E.

Lauterbach, utrique instrumento eundem effectum tribuit, hoc saltem in casu constitutæ hypothecæ procedit, juxta *cit. l. II. C. qui pot. in pign.* quamvis nec hætenus quidem in Saxonia applicari possit, quia ibi non solum in plenaria alienatione, sed in oppignoratione immobilium etiam præcise requiritur, ut judicialiter fiat.

## DISTINCTIO II.

Inter instrumentum *publicum* &  
*privatum.*

**P***ublicum* plenam meretur fidem, unde qui ex publico agit, recognitionem petere necesse non habet: secus in *privato*, quod quidem contra producentem, non tamen pro eodem ante factam recognitionem probat. Speciale quid est de jure Saxonico, ubi publica quoque instrumenta ad recognitionem offerenda sunt, Carpzov. *de Process. Tit. 14. Art. 2. n. 18.* quamvis, cum hic juratæ diffessioni locus non concedatur juxta eundem *cit. Tit. 14. art. 3. num. 48.* eandem superfluum & abundantem non immerito dixeris, vid. B. Stryk. *Introd. ad prax. for. cap. 19. §. 7. in f.*

*Publicum* in concursu creditorum hypothecæ jus prælationis tribuit præ omnibus hypothecis *privatis*, quamvis hæ tempore priores sint.

*Publicum* in materia testamentorum nullas

## DE FIDE INSTRVM. ET AMISS. & c. 105

las requirit solennitates, bene tamen *privatum*.

*Publicum* interdum præcise requiritur, & *privatum* non sufficit, v. g. si mulier intercedit pro alio: hoc enim, si in privato instrumento fiat, mulier exceptione Sc. Vellejani opus non haberet, sed ipso jure tuta esset, l. 23. §. f. C. ad Sc. Vellejan. Item in Saxonia in alienatione & oppignoratione immobilium, & alibi etiam in alienatione prædiorum rusticorum.

### DISTINCTIO III.

Inter instrumentum a *notario* & a *privatis* confectum.

**H**ic maximus usus intuitu adhibitionis certarum solennitatum deprehenditur. In instrumentis notariorum invocatio nominis divini præcedere, & tunc porro annus Christi, indictio Romana, nomen imperatoris regnantis, mensis, dies, hora & locus specialis, ubi negotium gestum est, exprimi debent: adhibendi etiam sunt testes, & subscriptio non solum, sed subsignatio etiam sigillo notarius facta adjicenda est, de quibus omnibus fufius disponit *Ordin. Notar. de A. 1512. §. Und demnach*/ conf. Hahn, *ad Wesenb. h. t. num. 5. verb. sunt & solennes clausula*, ubi alia adhuc occurrunt; sed neutrum horum in instrumentis privatis exigitur, ne quidem subscriptio, si quis integrum instrumentum propria

manu conscripsit. Excipiunt communiter *rationes*, quæ & subscriptionem & diem requirunt, l. 8. §. 15. ff. *quib. mod. pign. solv. l. 1. §. 2. ff. de Edend.* idque posterius ex ipsius rei indole, cum *rationes* non uno eodemque tempore, sed de die in diem conficiantur.

## DISTINCTIO IV.

Inter *chirographum*, *syngrapham*, *antapocham* & *apocham*.

**C***hirographum* vocant, quod in contractibus *unilateralibus*, præcipue mutui, a debitore creditori in securitatem crediti offertur, melioris probationis ergo; *Syngrapha* e contrario in contractibus *bilateralibus* conficitur, & ab utroque contrahentium subscribitur, atque cuilibet exemplar ejusdem traditur, quo pertinent instrumenta super emtione, locatione, societate, &c. confecta. Per *apocham* creditor testatur, pecuniam debitam a debitore sibi solutam esse, atque adeo hæc *chirographo* directo opponitur. *Antapocha* denique est instrumentum, quo fatetur debitor, se præstationes annuas solvisse, easque ex prædio suo debere, juxta l. 19. C. *h. t.* Ceterum præter diversum huncce conceptum in effectu non differunt, omnia enim eandem vim probandi habent, conf. Hahn. *loc. cit. num. 2. verb. scripturarum autem privatarum*. Ita hoc respectu. Differunt tamen ratione *modi procedendi*:

ex

ex chirographo enim executive agere possum, non vero ex syngrapha, vid. Einleit. ium Civil-Proc. Cap. III. §. III. seqq.

## DISTINCTIO V.

Inter *protocollum* & *transsumtum*.

**P***rotocollo* sunt scripturæ a notariis super negotio aliquo memoriæ causa confectæ, ex quibus postea *transsumta* (quæ proprie instrumentorum nomine veniunt) conficiuntur. *Protocollum* ergo non desiderat solennitatem aliquam, sed distinctam saltem adnotationem omnium eorum, quæ de tempore in tempus notario expediendâ commissa fuerunt. At vero in *transsumto* omnia illa adesse debent, quorum paulo ante sub *dist. III.* mentionem injecimus. Non tamen requirimus, ut testes & notario adhibiti instrumentum illud simul subscribant, quod quidem putat Bachov. in *not. ab Wesenb. h. t.* sufficere enim posse putamus, quæ hic adduxit Hahn. *loc. cit. num. 5. verb. tamen communis distinctio*, quod scil. novæ solennitates præter leges non sint introducendæ, & quod ex *Nov. 73. c. 5.* firmum pro Bachovii opinione argumentum desumi nequeat. Deinde, si dissonantia quædam inter *protocollum* & *transsumtum* deprehendatur, hoc ex illo est dijudicandum, illiusque fides huic prævalet, Carpzov. *P. I. C. 17. Def. 44.* hoc enim est referens, illud vero relatum. At re-

refe-

serens, si a relato recedit, fidem non meretur.

## DISTINCTIO VI.

### Inter *originalia* & *copias*.

**I**lla semper probant, modo vitio aliquo non laborent, juxta ea, quæ ad *dist. II.* diximus. *Hæ* vero regulariter non probant, cum nesciamus, an fides adhibenda sit ejusmodi copiis, annon, vid. *l. 2. ff. de l. 7. C. h. t.* quia error in describendo admodum facilis & frequens.

Probant tamen *copia* interdum. Huc pertinet, si exemplificatio facta citatis iis, quorum interest: si exemplum ex archivo producat: & si in causis antiquis versetur, vid. Brunneman. *Proc. Civ. c. 19. n. 9. 10. 11.* add. Hahn, *ad Wesenb. h. t. num. 2. verb. Exemplar.*

*Copia vidimata* (aut *fidemata*, utrumque enim recte scribitur) ab *auscultata* in effectu non differt, sed solum quoad modum exemplificationis, quia in auscultatione alter prælegit, alter vero auscultat, in vidimatione autem unus utrumque, & copiam factam & originale perlegit. Sed tamen neque ejusmodi copiarum probant, nisi semiplene.

## LIB. XXII. TIT. V.

## De testibus.

## DISTINCTIO I.

Inter testes *omni exceptione majores*  
& *idoneos*.

**T**Estis *omni exceptione major* (qui etiam *testis* vocari consuevit) semiplenam facit probationem & propterea juramento suppletorio locus est: secus in teste, qui *idoneus* saltem, aut *omni exceptione major* non est, vid. quæ diximus *ad tit. de probat. dist. IV.*

---

## LIB. XXII. TIT. VI.

## De juris &amp; facti ignorantia.

## DISTINCTIO I.

Inter *ignorantiam* & *errorem*.

**I**gnorantiam vocamus, quando quis ad propositam ipsi quæstionem *plane tacet*: errorem vero, si *minus recte respondet*. Unde metaphysici priorem ignorantiam *pura negationis*, posteriorem vero *prava dispositionis* vocaræ consueuerunt. Ceterum in praxi usum non habet distinctio, quia quicquid de ignorantia in  
jure

iure affirmatur, vel negatur, id quoque affirmatur, vel negatur de errore eodem ubivis modo.

## DISTINCTIO II.

Inter ignorantiam *juris* & *facti*.

**I**N hac distinctione maxima latet utilitas. Regula enim quoad *ignorantiam juris est, quod ea excusationem neutiquam praebeat*, cum jus certum sit & definitum, quod omnes subditi scire possunt & debent, atque adeo eorum ignorantia hac parte plane supina & fere affectata sit.

Exceptio est in *minoribus, faminis, militibus & rusticis*, de quibus Struv. *S. J. C. Ex. 28. thes. 56.* modo obserues, hanc exceptionem solummodo in iis procedere, quæ meri juris civilis, non autem, quæ juris naturalis & diuini positiui sunt, unde poena non mitigatur, quamuis interdum inquisiti in actis inquisitionalibus respondisse deprehendantur, Sie hätten den Catechisum und die zehn Gebote niemahln gelernet/ wüßten auch nicht / ob sieh- len/huren / u. d. gl. unrecht sey/ oder nicht/ quis enim in causa est, quod hæc nesciant, nisi illi ipsi? Præcepta siquidem juris civilis sæpe multis subtilitatibus scatent, & sic a quolibet comprehendi nequeunt, non autem leges diuinæ, quæ simplices sunt & intellectu facil-  
lima,

DI-



## DE JVR. ET FACT. IGNORANT. III

Distinguunt vero DD. *utrum is*, qui ignorantiam juris allegat, *de damno vitando*, an vero *de lucro captando* certet. *Posteriori* casu eam nocere dicunt, non autem *priori*. Sed tamen etiam *prior* casus subdistinguendus. Aut scilicet, *damnum revera jam passi sumus*, rem nostram in alium transferendo, & tunc ignorantia juris iterum nocet, id est, propter errorem, vel ignorantiam juris non conceditur actio, l. 10. C. de jur. & fact. ignor. aut *damnum nobis saltem imminet*, ubi rem adhuc possidemus, & tunc talis ignorantia non nocet, sed nobis exceptio competit, l. 7. § 8. ff. h. t. quæ conciliatio harum legum optima esse videtur, & sic melior, quam eorum, qui eo casu, ubi damni reparationem intendimus, nos de captando aliquo lucro sollicitos esse asserunt, quod fundamentis juris ipsique loquendi formæ directo contrariatur. Unde etiam illi, qui ex errore juris aliquid solvit, conditio indebiti recte denegatur, prout contra dissentientes (quibus se etiam jungere voluit Dn. Beyer. Pos. ff. de Condict. indeb. pos. 29. seqq.) recte adstruit Lauterbach, eo tit. Et licet ille excipiat, *debere in accipiente causam subesse, ob quam iura ipsi retentionem indulgent*; facili tamen negotio respondetur, eo ipso justam causam adesse, quod leges alteri hanc rem in pœnam supinæ & crassæ negligentiae adimant, modo scilicet accipiens etiam in errore fuerit, quod ubique supponitur. His suppositis facile intelligi potest, cur

cūr Ulpianus in l. 25. §. 6. ff. de hered. petit. dixerit, quod is quoque fructus retineat, & pro b. f. possessore habendus sit, qui in jure erravit, v. g. qui putavit recte factum testamentum, cum inutile erat, &c. certat siquidem hic *de damno imminente avertendo, non de damno jam perperessore sarciendo*, & ergo leges ipsi ignoscunt. Vides ergo, in hac quoque materia verum esse, quod alias dicunt Jcti: *Leges facilius exceptionem concedere, quam actionem*, quam legum analogiam qui non observant, mirifice se torquere coguntur.

Jam ad *ignorantiam facti* progrediamur. Hic regula priori e diametro opposita deprehenditur. *Ignorantia enim facti excusationem omnino præbet*. Facta scilicet publice non promulgantur, ut leges, sed secreto & nobis inscis, qui omniscientia destituti sumus, expediuntur, ergo & a nobis exigere nequit, ut omnium factorum notitiam habeamus.

Subdistingue autem inter facta *propria & aliena*. Regula nostra de alienis loquitur, non de propriis. Hæc enim ignorare velle iterum supini & affectati notam involvit. Quid ergo, si quis e. g. ex contractu emtionis ad pretium solvenum obligatus esset, sed tamen, ubi solutionem differebat, se ex hoc capite a mora excusare vellet, quod hujus obligationis oblitus plane fuerit? Non credo ipsi hoc profuturum esse, quamvis enim oblitus fuisset, oblivisci tamen non debebat. Exceptio admitti

pos-

posset, si de facto antiquo ageretur, ubi executio contractus in multos annos dilata erat, hic enim excusationem forsan præberet vulgatum illud: *Memoriam hominum esse labilem*. Et hæc vera huius materiæ fundamenta esse credimus; qui plures limitationes & sublimitationes, rem non explicantes, desiderat, is adire potest Hahn. in *not. ad Wesenb. h. t.* Nostrum non est, eiusmodi confusiones ulterius propagare.

---

## LIB. XXIII. TIT. I.

## De sponsalibus.

## DISTINCTIO I.

Inter sponsalia *de presenti* & *de futuro*.

**H**Æc distinctio ex jure canonico desumpta est, & apud eos quoque, qui lingua latina utuntur, non parum utilitatis habet. Scilicet sponsalia *de presenti* dicuntur, quæ verbis præsentis temporis celebrantur, v. g. *Duco te in uxorem*, & hæc firmam obligationem producunt. Sponsalia *de futuro* autem appellant, ubi promissio per verba futuri temporis expeditur, v. g. *Ducam te in uxorem*, & hæc præparatoria potius sponsaliorum, quam ipsa sponsalia dici merentur, quia nullum plane effectum post se trahunt, v.

P. II.

H

Illustr.

Illustr. Thomafius in *Disp. Lips. de validit. Coniug. invit. parent. contr.* §. 5. Dessel. *Erotem. iur. Canon. lib. 4. Tit. 1. qu. 3.* sed hæc quidem in verbis differentia apud Germanos locum non invenit, postquam iam ipse Lutherus in *libello von Ehe-Sachen* agnovit, es sene einerley/ob Haß zu Grieten spreche/ ich nehme dich/ oder ich will dich nehmen/ quemadmodum etiam in aliis casibus eodem recidit, sive v. g. quis dicat, ich schencke dir dieses/ oder ich will dir schencken/ nisi forsan sponsus verba ita formaverit: Er wolle künfftig einmal mit der Caja Verlöbniß machen. Hodie ergo *sponsalia impuberum* solum ad sponsalia de futuro pertinent. Communis quidem DD. confusio huc quoque sponsalia conditionalia refert, cui sententiæ ipsum Schilterum in *Instit. iur. canon. lib. 2. Tit. 10. §. 3.* necnon Huberum *Digress. P. 1. l. 2. c. 7. circ. fin.* accessisse valde miror; sed cæcus etiam hic, ni fallor, videre posset, utramque sponsaliorum speciem toto cælo a se invicem distare, cum *sponsalia de futuro nullam plane*; ea autem, quæ *sub conditione* celebrantur, obligationem *ad expectandum conditionis eventum* inferant, & sic pendente conditione neutri ex contrahentibus facultas pœnitendi competat, vid. Dn. Thomafius *loc. prox. cit. §. 8.*

Existimant quidem nonnulli eruditi viri, hodie quoque illum actum, ubi prima promissio fit de incundo matrimonio, nostri vocant

DAS

das Ja. Wort/ cum sponſalibus canonistarum de futuro convenire; verum cum & hic jam adſit purus conſenſus, & ſolennitates poſtea adhiberi ſolitz; v. g. annuli traditio, convivium, publicæ gratulationes, &c. non pertineant ad eſſentiam ſponſaliorum, hinc illi opinioni ſubſcribere nullo modo poſſumus.

## DISTINCTIO II.

Inter ſponſalia *publica* & *claudeflina*.

**P**ublica ſunt, quæ coram teſtibus, accedente parentum conſenſu, celebrantur. *Claudeſtina* autem iterum duplicis ſunt generis: aut enim *teſtium præſentia*, aut teſtibus præſentibus *parentum conſenſus* deficit. Hæc ne utriusquam confundi debent, quod quidem sæpe a DD. fieri conſuevit.

Uſus in eo conſiſtit: *Publica* firmam producant obligationem ad matrimonium ineundum, quia juxta formam in legibus præſcriptam celebrata fuerunt.

*Claudeſtina*, ubi ſaltem teſtes deſunt, pariter contrahentes obligant (jure communi, ſecus enim apud Saxones,) niſi quod probatio difficilior reddatur, vid. Heigius p. 1. qn. 22. ubi tamen multos ſcrupulos ſine neceſſitate movet. Melius procedit Illuſtr. Stryk. in not. ad Brunnem. juſ Eccleſiaſt. l. 2. c. 16. §. 12. verb. de his conſter.

Verum *claudeflina*, quæ parentum conſenſu

destituuntur, nulla sunt, quia forma, in legibus & divinis & naturalibus requisita, deficit. Parentibus enim & hac parte liberi reverentiam exhibere tenentur. Apposite Catullus:

*Virginitas non tota tua est, ex parte parentum est,*

*Tertia pars matri data, pars data tertia patri,*

*Tertia sola tua est, noli pugnare duobus.*

v. Heigius d. qn. 22. num. 59. Obtinet hoc, si sponsalia ante consummationem impugnantur, si tamen consummatio accessit, aliud sæpe obtinet, vid. tit. sequ. Dist. VI. an bene, an male, non disputo.

### DISTINCTIO III.

*Inter sponsalia pura & conditionalia.*

**P**ura statim obligationem producant, & in illis facultas pœnitendi utrique parti simpliciter est præscissa. Ast in *conditionalibus* effectus usque ad eventum futurum in suspenso manet, ac quamvis nec pendente conditione pœnitere liceat, e contrario tamen, ea pendente, etiam ad consummationem agi non potest, quod in omnibus conventionibus conditionalibus ita observatur, vid. Carpzov. *Jurispr. Eccl. lib. 2. Def. 21. § 70*. Ceterum omnis conditio possibilis licite adjicitur, quamvis spem lucris contineat, v. g. si sponsus officium aliquod consecutus fuerit, aut sponsa aliquot mille

mille thalerorum attulerit dotis nomine, Carpzov. *l. c. Def. 22. Schilter. Instit. Jur. Canon. lib. 2. Tit. 10. §. 4.*

Sed quid de conditione *impossibili* vel *turpi* statuendum, si ea forsan sponsalibus adjecta deprehendatur? Sedes hujus materiæ est in *c. fin. X. de condit. appos.* ubi Papa Gregorius IX. distinguit, (1.) utrum conditio adjecta sit *facto impossibilis*, an *turpis*, & (2.) an hæc turpitudine impingat *contra leges quascunque*, utrû vero *contra leges matrimoniales in specie*.

Si conditio *contra leges matrimoniales* impingit, v. g. si generationem prolis evites: donec inveniam aliam honore vel facultatibus ditiozem: aut si pro quæstu adulterandam te tradas; tunc ipso Papa fatetur, matrimonii contractum, quantumcunque sit favorabilis, effectum carere, & hæcenus bene decidit. Sed videbimus ulterius;

Scilicet, si conditio *contra leges quascunque impingat*, v. g. si furtum, homicidium, vim & similia commiseris: item, *si factum est impossibile*, v. g. si cælum digito tetigeris, &c. tunc Papa has conditiones in favorem matrimonii pro non adjectis habendas esse pronunciat, quod Dessel. *Erotem jur. Canon. l. 4. tit. 3. qu. 3.* exinde deducere nititur, quia etiam in ultimis voluntatibus ejusmodi conditiones pro non adjectis haberi solent.

Ergo de jure canonico maximus usus distinctionis inter diversas hæc conditionum

impossibilium species deprehenditur. Sed quid apud Evangelicos? Certe si Carpzovium aliosque nonnullos inspicimus, jurisprudentia Evangelicorum ab hypothesebus Pontificiorum nihil peculiare habebit, nam & ille in *cit. Jurispr. Eccl. lib. 2. Def. 24.* eadem repetit, quæ Papa dixit, & non minus, quam hic, favorem matrimonii crepat, add. Schilter *d. l. 2. tit. 10. §. 4.* Verum enim vero cum hæc dispositio jûris canonici plane irrationabilis sit, cum scilicet consensum inducat, ubi talis non est, & homines invitos etiam ad nuptias cogat, quod ipsum detestatur jus divinum, naturale & positivum; DD. autem nostri in ea sint opinione, & recte quidem, jus canonicum Evangelicos non obligare, neque inter eos pro recepto haberi posse, nisi quatenus cum jure divino congruit; hinc juri canonico in hac materia autoritas aliqua apud Evangelicos tribui nulla ratione potest, quod ipsum non solum rationibus concludentibus, sed autoritatibus etiam & Theologorum & JCtorum Protestantium fuscè ostendimus in *pecul. Dissertat. de Conditionibus sponsaliorum impossibilibus, hic Hale ante duos annos habita*, quo nos brevitatis causa remittimus.

#### DISTINCTIO IV.

Inter *arrham sponsalitiam, sponsalitiam largitatem & morgengabam.*

**A**rrha sponsalitia vocatur, quæ in ipso actu despon-



*desponsationis* plerumque offertur a sponso sponsæ & vice versa, quo pertinent annuli, &c.

*Sponsalitiâ largitatem* autem sponsus sponsæ tempore intermedio *post celebrata scilicet sponsalia usque ad nuptias* offerre solet ad eliciendum scilicet, ut creditur vulgo, sponsæ amorem.

*Morgengaba* denique a sponso sponsæ *altero nuptiarum die* in pretium delibata virginittatis dari consuevit.

Uusus in eo consistit: *Arrham* retinent quidem desponsati, si matrimonium subsequitur: alit si non sequitur, tunc distinguendum, cuius culpa hoc fiat. Si *culpa sponsi* subest, tunc sponsa itidem arrhas, quas accepit, retinet; *sin sponse*, tunc hæc acceptas duplicatas restituit; *sin neutrius*, tunc simpliciter restituantur, *v. l. 3. §. C. de sponsalib.* Hodie usus practicus longe diversus obtinet. Consistoriales enim sibi communiter arrhas vindicare solent, si inter desponsatos litigia oriantur, & sponsalia celebrata iterum rescindantur.

Circa *sponsalitiâ largitatem* distinguitur in *l. 16. C. de donat. propt. nupt.* an matrimonio non subsequente *osculum intervenerit, annon.* Priori casu dimidiam retinebat sponsa, *posteriori* nihil. Et hic perinde esse dicunt, siue oscula præcedant donationem, siue sequantur, modo post jam inita sponsalia dentur, *Barbosa in rubr. ff. solut. matrim. p. 2. num. 112.* Quid hodie obtineat, de eo fere silent DD.

quantum ego memini, nunquam audivi, sponsalitiâ largitatem unquam redditam fuisse, nec tale quid apud scriptores reperi. Ad minimum rarissime evenire puto, quod osculum non intercesserit, & quod hac parte sponsa probatione non sit oneranda, sed illa pro se præsumptionem militantem habeat.

*Morgengabam* quod concernit, ea sine dubio pleno iure statim ad novellam uxorem pertinet, atque inter nobiles germanos etiamnum in usu diversis in locis, quæcum ex moribus Germanorum profluat, ad prohibitionem iuris Romani de donationibus inter virum & uxorem plane non pertinet, quamvis forsitan & ex eiusdem iuris principiis facile defendi queat. Cum hac non est confundenda *alia Morgengaba species*, quam uxor jure peculiari ex mariti bonis capit: nec non *alia Longobardorum moribus* recepta, cui apud nos dotalitium respondere videtur, de quibus confer. Ziegler. in not. ad Grot. de J. B. & P. l. 2. c. 7. §. 8. verb. *Tale est matrimonium ad Morgengabicam.*

## LIB. XXIII. TIT. II.

## De ritu nuptiarum.

## DISTINCTIO I.

Inter nuptias *publicas* & *clandestinas*.

**H**ic alia plane est denominandi ratio, quam in divisione sponsaliorum in publica & clandestina. Ibi enim ad *con-*  
*sen-*

*consensum parentum* primario respiciebatur, hic vero ad modum consummationis, nempe *ad benedictionem sacerdotalem*. Publica ergo dicuntur, quæ accedente sacerdotali benedictione consummata, *clandestina* e contrario, ubi eadem deficit, & personæ ante legitime desponsatæ privato ausu corpora communicant. Ubi tamen quilibet deprehendit, eo ipso non committi concubinatum, cum revera consensus matrimonialis adsit, sed solummodo leges ecclesiasticas, quæ benedictionem sacerdotalem præcise requirunt, violari.

Si de usu huius distinctionis disputamus, tunc partim *ad ipsas personas contrahentes*, partim etiam *ad liberos, ab ipsis procreatos*, oculus dirigendus est. *Personæ contrahentes*, quoniam in leges ecclesiasticas impingunt, censura etiam ecclesiastica coercentur. Successio tamen, quæ ex mero jure civili deferitur, salva ipsis manet, quia jus civile benedictionem sacerdotalem ignorat. Ast ad successionem ex statutis non admittuntur. Requirit enim hæc tales personas coniugatas, quæ legibus ecclesiasticis, in provinciis receptis, sese conformarunt. Idem *ratione successionis liberorum* obtinet, atque eiusmodi liberi pro legitimis omnino habentur, conf. de his B. Stryk. *de success. ab intest. Diss. 1. c. 2. §. 49. & 50.*

## DISTINCTIO II.

Inter matrimonium *ratum sed non legitimum*; *legitimum sed non ratum*: *legitimum & ratum simul*.

**O** Riginem suam hæc distinctio juri canonico debet. Concurrent enim in causis matrimonialibus, quas canones pro spiritualibus habent, duplices leges, ecclesiasticæ & civiles, id est, quædam ex dispositione legum generali requiruntur, quædam autem specialiter ex canonum ordinatione. *Legitima* ergo dicuntur matrimonia in relatione ad ius commune, *rata* autem relatione ad leges ecclesiasticas facta. Sic e. g. si quis cum infideli matrimonium contrahit, illud quidem legitimum esse potest, si consensus contrahentium eorumque parentum accesserit, sed ratum non est, quia canones tale matrimonium non rati habent. E contrario, si duo fideles, sed absque parentum consensu nuptias contrahunt, ratum quidem est, id est, canonibus conforme, verum iuri communi repugnat, ob neglectum parentum consensum. Quod si ergo illa duo coniunguntur, ratum est, & simul quoque legitimum.

Sed quid de usu dicendum? Sane si legitimum non sit matrimonium, id est, si consensus deficiat, sine dubio nullum illud erit, ac  
pro-

propterea rescindendum: verum, si ratum non sit, rescissio non statim locum invenit, quamvis non pauci ex canonistis contrarium propugnent, vid. Brunnem. *de jur. Eccles. l. 2. cap. 17. §. 8. in not. verb. cum infideli contractum*, quorum tamen opinio Evangelicis sese non adprobat, propter textum *1. Corinth. 7. conf. Schilter. Instit. jur. canon. l. 2. Tit. 10. §. 13.*

## DISTINCTIO. III.

Inter matrimonium *justum & injustum.*

**H**Æc distinctio theoretice etiam falsa est: Matrimonium enim injustum plane non est matrimonium, cum hoc juxta leges celebrari debeat, illud vero injustum legibus e diametro contrariatur. Hæc cum ita sese habeant, non opus est, ut de usu practico dispi-  
ciamus.

## DISTINCTIO IV.

Inter matrimonium *verum & presumptum.*

**V**erum dicunt, quod modo legitimo probari potest, e. g. per testes & per instrumenta; *presumptum*, ad quod probandum conjecturæ in medium vocantur, v. g. diutina cohabitatio, quod tamen admittit probationem in contrarium. Hæ duæ species ergo non aliter, quam *solo modo probandi* differunt.

DI-

## DISTINCTIO V.

Inter matrimonium *inchoatum, perfectum*  
& *consummatum.*

**P**rima species plane incongrue huc refertur, quia per illam sponsalia denotantur, at vero sponsalia non sunt species matrimonii juxta receptum loquendi usum, sed matrimonio opponuntur.

Restant ergo duæ posteriores, *perfectum* scilicet & *consummatum*. Matrimonium prius describit Lauterbach. *ad h. t. quod absolutum est ratione essentia*, id est, prout puto, ubi non solum declaratio consensus, sed ipsa etiam sacerdotalis benedictio adest, (quia alias non esset matrimonium, sed sponsalia:) benedictio sacerdotalis enim quin moribus nostris ad essentiam matrimonii spectet, nullum dubium est. Ad *consummatum* vero præter copulam illam sacerdotalem carnalis quoque, id est, corporum conjunctio requiritur, quia tunc demum conjugati scopum suum plane assecuti sunt. Ergo ex sola consensione thalami, wenn das Ehebett beschritten/ regulariter plena consummatio nondum provenit.

Verum enim vero, si dicendum, quod res est, usum hujus distinctionis non invenio. Nec enim perfectum matrimonium; ex aliis causis iterum resolvi potest, quam quidem consummatum, & vice versa. Jura quoque uxori

uxori ratione dotis utroque casu eodem modo competunt. Illud unicum solummodo excipitur, quod jure Saxonico, si *de successione in partione statutaria* agitur, perfectio matrimonii non sufficiat, sed consummatio ejusdem necessario requiratur, ita tamen, ut sola thalami consensio hîc jam pro consummatione habeatur, vid. Carpzov. *P. 3. C. 19. Def. 4.* Idem in Marchia. In aliis locis sufficit, modo sacerdotalis benedictio accesserit, B. Stryk, *in not. ad Brunn. Jus Eccles. l. 2. c. 17. §. 40. verb. post consensum thalami.*

## DISTINCTIO VI.

Inter consensum paternum, qui in liberorum nuptiis ex *honestate*, & qui ex *necessitate* requiritur.

**M**ultum interest, hæc duo a se invicem accurate distinxisse. Quod si enim *honestatis* saltem causa liberi ad impetrandum consensum paternum obstringuntur, exinde sequitur, liberos quidem peccare in conscientia sua, si neglecto eo ad matrimonia provolant, & propterea etiam a magistratu politico poena aliqua arbitraria coërceri posse, sed ita tamen, ut ipsum matrimonium perfectum maneat & salvum. E contrario autem si dictum consensum *necessitatis* esse statuimus, matrimonium eo omisso irritum omnino erit & nullum.

Ast, quæstio principalis in eo nunc consistit,

stit; quale prædicatum ex hisce duobus consensus paternus apud nos in praxi mereatur? Non inutile erit fortassis, si antequam ad hanc quæstionem respondemus, singulas legum divinarum & humanarum species percurramus, & quid illæ de consensu hocce disponant, breviter recenseamus, idque ductu eorum, quæ Illustr. Thomafius in *Diff. Lips. de matrim. invit. parent. contr. §. 16. seqq.* de hac materia fufe & accurate differit.

Scilicet quoad *jus natura* distinguendum est, utrum liberi adhuc in familia paterna manent, an vero ex eadem jam discesserint, & propriam sibi constituerint. Priori casu necessitatis erit consensus, & propterea parentes nuptias, ipsis invitis contractas, rescindere poterunt, quia conjugium liberorum est actus maximi momenti in familia, & multis modis in præjudicium parentum cedere potest. Posteriori casu consensus honestatis saltem erit, cum ex lumine naturæ nulla ratio adferri possit, quæ matrimonium dissolvendum esse directo suadeat,

*Jus divinum positivum* sæpius liberis inculcat, ut obedientiam parentibus suis ubique præstent, atque actuum suarum directionem iisdem relinquunt, poenam quoque illis minatur, qui jussus paternos spernunt, eorumque monita fusque deque habent; sed nullibi invenitur in S. Scriptura, matrimonia liberorum propterea rescindenda esse, quæ absque pa-  
ren-



rentum consensu inita fuerunt. Ad dubia, quæ hic movet Havemann *in Gamolog. Synopt. lib. 1. tit. 3. posit. 2.* jam responsum est in *cit. disp. §. 17.*

*Leges Justinianæ* consensum parentum in liberorum (in potestate patria existentium) nuptiis sine dubio de necessitate exigunt, & sic matrimonia eo destituta pro nullis declarant, *pr. I. de nupt.* in nuptiis emancipatorum itidem honestatis solummodo fuit.

*Jure canonico* consensus parentum indistincte de honestate saltem exigitur, sive liberi existant in patria potestate, sive emancipati sint. Ad textus obstantes ex iure canonico responsum est in *dict. disp. §. 19.*

Quod *praxin* attinet, cum ius canonicum in causis matrimonialibus ex unanimi DD. confessione legibus Romanis præferatur, hinc sine dubio etiam, nisi aliud dispositum inveniat, consensus paternus hodie de necessitate non erit, sed ex honestate solum adhibendus. Testantur id plurima exempla, ubi liberi, insciis parentibus, sese coniunxerunt, & a clerico quodam pontificio, vel evangelico etiam, extra provinciam se copulari curaverunt, & nihilominus tamen eiusmodi nuptiæ non fuerunt dissolutæ, aut pro nullis declaratæ. Dixi autem, *nisi aliud dispositum inveniat.* In nonnullis enim provinciis, v. g. sceptro Borussiae subiectis, & ni fallor, in Ducatu Brunsvicensi, & Luneburgensi, contrarium obtinet,

tinet, ita, ut quamvis ipsa corporum conjunctio jam accessisset, declaratio nullitatis adhuc tamen fieri queat. Interim, qui ejusmodi constitutionem in provincia aliqua adesse dicit, hoc assertum suum in dubio probare tenetur, quia pro observantia iuris canonici præsumtio militat. In Saxonia defectus consensus paterni matrimonia liberorum non reddit irrita, parentibus tamen liberos propterea exheredes scribere permittitur, Carpzov. *Jurispr. Eccles. lib. 2. Tit. 3. Def. 54.*

## DISTINCTIO VII.

Inter cognitionem *spiritualem* &  
*secularem.*

**C**Ognatio *spiritualis* jure decretalium inter baptizatum & compatrem eiusque filios & uxorem, imo inter eum & baptizati patrem atque matrem, nec non inter hos & baptizantem contrahitur. Sic quoque talis cognatio ex sacramento confirmationis apud pontificios oritur. Concilium Tridentinum tamen hoc catenus restrinxit, ut non amplius ad suscipientis compatris filios & uxorem transeat cognatio, sed saltem inter baptizantem & baptizatum eiusque parentes, item inter susceptorem & baptizatum eiusque patrem & matrem contrahatur. Verum, quia evangelici hanc cognitionis speciem plane non agnoscunt, vid. Gerhard *Loc. Theol. loc. de coniug. num.*

num. 367. *seqq.* inde adlata distinctio nullius quoque momenti erit, & matrimonia inter jam enumeratas personas contracta non rescidentur, quod fiebat jure canonico, vid. fuse de hac materia Desselius *Erotem. jur. canon. lib. 4. Tit. 10. qu. 3. seqq.* Sanchetz *de matrimo. l. 7. Disp. 54. seqq.* Quamvis vero & in *l. 26. circ. fin. C. de nupt.* matrimonium inter susceptorem & susceptam jam prohibitum fuerit: hoc tamen ex eadem erronea ratione factum, quam jus canonicum habet, *quia scilicet per baptismum renascitur homo, & sic cognatio aliqua exinde oritur*, vid. Dessel. *loc. cit. qu. 2.* Et ergo dum eam pontificiorum rationem generaliter rejecimus, nec jus civile, nec canonicum hac parte nos obligabit, neque video, qua ratione illi, qui contrariam juri civili hic allegat consuetudinem, probatio imponi, & quomodo adhuc ad petendam dispensationem adstringi queat, qui cum susceptore suo nuptias celebrare intendit? quod putat Runnem. *ad l. 26. C. de nupt.* conf. Berlich. *P. 4. Concl. 32. num. 24.* jus civile enim hac parte nunquam potuit esse receptum apud evangelicos.

## DISTINCTIO. IIX.

Inter cognationem secularem *naturalem* s. sanguinis, & *civilem* s. legalem.

**P**Rior ex propagatione sanguinis oritur inter personas, quæ vel generarunt alias, vel quæ ab eodem communi stipite generatæ sunt, &

P. II.

I

hac

*hac perpetuum effectum habet. Posterior ex adoptione provenit, & hæc quidem quoad ascendentes & descendentes adoptati effectum perpetuum habet, sed inter eos, qui a latere per adoptionem conjuncti sunt, scilicet adoptatum & filios naturales adoptantis, durante saltem adoptione, impedimentum matrimonii parit, v. c. un. X. de cogn. legal. §. 1. & 2. J. de nupt. Dessel. l. 4. Tit. 12. qu. 2. Hodie cognationem legalem plane non amplius attendi communiter statuunt, vid. Havemann. Gamolog. Synopt. l. 2. tit. 6. problem. 10. num. 2. B. Stryk. in not. ad Brunnem. j. Eccles. l. 2. c. 16. §. 19. verb. prohibitio legalis, qui tamen adhuc dispensatione opus esse putat.*

## DISTINCTIO IX.

*Inter computationem civilem & canonicam.*

**I**uxta *jus civile* una est generatio unius personæ, unde tot dicuntur generationes, quot sunt personæ genitæ; sed *jure canonico* una generatio dicitur omnium filiorum ab eodem patre procreatorum, altera eorum, qui ab his filiis geniti sunt, & ita deinceps tertia, quarta & ultiores generationes accipiuntur, germanice exprimitur accurate per vocem: *Glief/ das erste/ andere Glief/ &c.* vid. Julius Racijs in *anal. Inst. ad pr. tit. 6. lib. 3.*

Quoad lineam rectam nulla diversitas inter  
utram-

utramque computationem deprehenditur, sed solummodo quoad collateralem, sive obliquam. Fluit enim ex ante adducta descriptione, quod secundum ius civile tot esse debeant gradus, quot personæ in utroque latere deprehenduntur, quia tot sunt generationes, & quod propterea frater fratri in gradu secundo coniunctus sit: e contrario autem, quod iuxta ius canonicum utrumque latus pro uno habeatur, unde duo fratres, sibi e regione oppositi, primam constituunt generationem, & sic primum quoque gradum. Quod si latera sunt inæqualia, tunc longius numerandum est, quia hoc novam constituit generationem, & sic novum gradum.

Sed quæritur nunc, quænam ex hisce duabus computationibus alteri præferenda sit in praxi? Resp. utramque suum usum habere, sed in diversis casibus. *Computatio canonica* toties observatur in praxi, quoties de *prohibitione vel permissione matrimoniorum* quæritur, & propterea ordinationes ecclesiasticæ, de gradibus consanguinitatis loquentes, hanc computationem indigitasse intelliguntur. Verum enim vero in *materia successionis computatio civilis* communiter observatur. Idem obtinet in aliis causis civilibus, v. g. in *immunitate a testimonio dicendo*, quando nempe in l. 4. ff. de test. dicitur, neminem usque ad sextum gradum inclusive compelli posse, ut invitus testimonium dicat. Item: in *mandato præsumto*, quando

scilicet quæritur, ad quem usque gradum inter cognatos tale mandatum præsumatur? ubi in *l. 35. pr. ff. de Procur.* fratrum saltem fit mentio, & sic illa præsumtio in secundo saltem gradu lineæ collateralis locum invenit. Plura adducere superfluum foret, sufficere enim potest regula generalis: *In omnibus causis, præter matrimoniales, computationem juris civilis locum habere.*

---

## LIB. XXIII. TIT. III.

## De jure dotium.

## DISTINCTIO I.

Inter dotem *veram & putativam.*

**V**Eræ & putativæ dotis appellationes à principali, cui accedit dos, matrimonio scilicet, desunt. Quod si enim matrimonium verum est, dos quoque idem prædicatum meretur; sin illud putativum, hæc quoque putativæ nomen habet. Per matrimonium putativum autem communiter illud intelligunt, quod quidem contra legum dispositionem, ex ignorantia facti tamen celebratum est, v. g. si frater & soror in tenella ætate ab hostibus in diversa loca abducantur, & postmodum vinculi consanguinitatis ignari sese conjungant. Hæc quoad explicationem ipsorum

rum terminorum. Quantum vero ad usum fori attinet, inter dotem veram & putativam exigua, vel potius nulla, intercedere videtur differentia. Quamdiu enim dos putativa manet, id est, quamdiu partes contrahentes in ignorantia sua persistunt, iisdem privilegiis & juri- bus gaudet, quæ de dote vera unquam prædi- cari possunt. Quod si vero ignorantiam il- lam exuunt coniuges, tunc quidem omnia eius jura cessant, *l. 3. ff. h. t.* sed tunc quoque non amplius est dos putativa. Non melius vide- tur hæc res illustrari posse, quam per distinctio- nem alias inter verum dominium & b. f. pos- sessorem usitatam. Nam tunc dicitur, bonam fidem tantundem præstare possidenti, quan- tum veritas præstat, *l. 136. ff. de R. J.* sed hoc statim cessat, quamdiu illa bona fides definit. Eodem modo comparatum est, si partes bona fide, id est, per ignorantiam facti, matrimoni- um in gradu prohibito contrahunt.

## DISTINCTIO II.

Inter dotem *constitutam* & *pre-*  
*missam.*

**D**Otem promissam non proprie dotem esse, adstruit Lauterb. *Comp. jur. h. t.* & in eam rem allegat *l. 5. in fin. ff. solut. matrim. l. 13. §. 2. ff. de fund. dot.* addita ratione, quod dos per rei traditionem constituatur. Sed si evolvuntur i- stæ leges, ne minimum quidem in illis deprehen- ditur,

ditur, quo Lauterbachii sententia stabiliri possit. Ipse quoque fatetur, in pactis & statutis dotem promissam etiam sub nomine dotis venire, & sic v. g. maritum in Saxonia æque lucrari dotem promissam, quam constitutam, &c. Si dicendum, quod res est, dos constituta & promissa non aliter differre videntur, quam quod supra *ad tit. de emt. vend.* de distinctione *inter emtionem perfectam & consummatam* diximus, scilicet, quod dos promissa jus personale saltem marito tribuat, & sic ille rem, penes tertium existentem, iure proprio vindicare nondum possit, quod tamen ipsi conceditur, si dos est constituta, id est, per traditionem dotis consummata,

### DISTINCTIO III.

Inter dotem *profecitiam* & *adventitiam*.

**P***rofecitia* vocatur, quæ a mulieris patre, ac alio in linea paterna adscendente constituta, sine distinctione, an constituens mulierem in sua potestate habeat, annon, *l. 5. §. 11. ff. h. t.* *Adventitia* autem est, quæ a matre mulieris, vel avo materno, aut a quovis alio data, v. Struv. *S. I. C. Ex. 30. th. 4.* & huc etiam pertinet, si pater, cum deberet filiz (emancipatz, e. g. ex contractu,) eius voluntate dedit, non enim ut parens dedit, *v. d. l. 5. §. 11. ff. h. t.* Interim usum in hac distinctione in praxi non deprehendo,



hendo, cum marito idem jus competat, & uxori etiam eadem ubique privilegia, siue dos profectitia fuerit, siue adventitia.

## DISTINCTIO IV.

Inter bona *dotalia*, *paraphernalia*  
& *receptitia*.

**H**Æc distinctio, si unquam alia, maximum usum in praxi habet, qui partim *intuitu uxoris*, partim etiam *intuitu mariti* se exerit.

*Uxor* quoad *dotalia* non solum gaudet jure tacitæ hypothecæ, sed jure prælationis etiam, vi cujus omnibus creditoribus, expressam hypothecam eamque antiquiorem habentibus, in concursu super mariti bonis moto præponitur, *l. assiduis. C. Qui pot. in pign.* (in Saxonia hoc saltem in hypotheca priori tacita procedit, Brunnem. *de Proc. Conc. Credit. c. 3. §. 27.*) In *paraphernalibus* tacita saltem hypotheca gaudet a tempore commissionis & illationis æstima-  
manda, Carpzov. *P. I. Const. 28. Def. 87. seqq.* (Jure Magdeburgico *dotalia* & *paraphernalia* iisdem gaudent privilegiis, Martini *ad Process. Saxon. tit. 43. §. 2. n. 7.*) Verum quoad *receptitia* plus juris uxori non competit, quam aliis creditoribus, unde si uxor ex pecunia sua *receptitia* certam quantitatem marito mutuo dedit, ad classem chirographariorum refertur, si de hypotheca sibi non prospexit, prout contra Richterum *de privil. Cred. c. 3. sect. 1. n. III.*

adstruit Illustr. Stryk *in not. ad B. Brunneman. Proc. Conc. cred. cap. 5. §. 33. verb. obliget.*

Sed quid, si maritus administrationem bonorum receptitiorum de facto sibi arroget, atque hoc nomine deinde uxoris suæ debitor evadat, *quæritur, annon tunc quoque tacitam hypothecam in bonis mariti habeat?* Affirmat quæstionem Brunnem. *d. c. 5. §. 33.* ex ea causa, *quod nulla appareat ratio, cur non etiam receptitiorum bonorum administratio, si ea uxor non commiserit, obliget;* Verum ex illis, quæ ipse beatus vir *d. c. 5. §. 52.* habet, *ibi: videntur tamen, id sine textu facere,* & quæ nos supra ad distinctionem inter hypothecam tacitam & expressam diximus, quod nempe in hac materia ab identitate rationis & æquitatis argumentari non liceat; sententia contraria sine dubio majus pondus habebit, cui etiam adstipulari videtur Carpzov. *P. 2. C. 24. def. 4.* ab ipso Brunnemanno allegatus.

Hæc, quæ adduximus, de eo casu intelligenda sunt, si res uxoris *jam sunt consumptæ;* quod si vero *eadem adhuc extant,* tunc uxor indistincte illas vindicat, siue sint dotales, siue paraphernales, siue receptitiæ, Brunnemann. *d. c. 5. §. 6. §. 33.*

Observandum quoque est, quod in eo bona dotalia paraphernalibus prævaleant, quia dotalitium & donatio propter nuptias tanquam correlatum *bonorum dotalium* considerantur; at licet uxoris *paraphernalia* quam maxi-

ma

na sint, propterea tamen commodo aliquo reciproco non gaudent.

Quantum *ad maritum* attinet, is *bona dotalia*, si constante matrimonio eorum possessio penes tertium deprehendatur, *vindicare* potest, tanquam dominus: at *paraphernalia & receptitia* non potest. Ceterum tamen, quoad perceptionem emolumentorum, inter bona dotalia & paraphernalia nihil omnino interest. Nam maritus ex dotalibus etiam *ordinaria* saltem emolumenta percipit, quippe quæ fructuum nomine proprie veniunt, non autem extraordinaria v. g. thesaurum, lapidicinam, &c. *v. l. 7. §. 12. 13. ff. solut. matrim.* unde mariti dominium in rebus dotalibus revera ab usufructu non differt, nisi *quoad facultatem vindicandi*, qua usufructuarius destituitur, quod ipsum in causa fuisse puto, quare DD. illud dominium ab omnibus aliis separaverint, & *civilis* nomine insigniverint.

Porro si uxor intuitu bonorum dotalium convenitur, maritus solus *proprio nomine* actionem suscipit, & absurdum adeo esset, si ille, quod nonnulli imperiti faciunt, curatorio nomine sese subscribere vellet. At in paraphernalibus & receptitiis non aliter, nisi *curatorio nomine* admittitur, sed tamen cum hac iterum differentia, quod in paraphernalibus ad mandatum, vel potius curatorium producendum non sit obstrictus, quia hic auctoritatem suam immediate ex legis dispositione habet, quod

in receptitiis secus est, quamvis & hic propter præsumptionem, pro ipso militantem, cum cautione de rato admittatur, l. 21. C. de Procur.

Bona *dotalia immobilia* maritus ne quidem consentiente uxore alienare potest, *pr. J. quib. alien. lic. vel non.* at *paraphernalia* potest, mandante scilicet & consentiente uxore, non nomine proprio, quia non est dominus. Moribus Saxonice etiam *dotalia* recte alienantur, accedente mulieris ejusque curatoris consensu, interveniente etiam causæ cognitione & decreto magistratus, Richter. *de success. sect. 4. membr. 2. n. 10. seqq.* Struv. *Exerc. 30. th. 22.* Extra Saxoniam in plerisque Germaniæ locis *dotalia* itidem hodie alienari posse, asserit ad Schilterum provocans Hoppius in *Comm. ad pr. J. quib. alien. licet in usu mod.* sed nescio, an huic asserto in dubio fides tuto adhiberi possit, cum dotium idem adhuc sit favor, qui olim erat. Illud interim expeditum esse dicunt, alienationem validam esse, si uxor in eam jurato consenserit, v. Struv. *d. Ex. 30. th. 21.* sed non adeo recte.

Restat, ut dispiciamus, *quid in dubio præsumendum sit, utrum scilicet bona uxoris pro dotalibus, paraphernalibus, an vero pro receptitiis haberi debeant?* Communis & in foro recepta regula est: *Bona marito allata in dubio haberi pro paraphernalibus, non dotalibus, neque etiam pro receptitiis.* Ergo, si maritus asserit, quædam ex illis esse *dotalia*; uxor contra, quædam esse *receptitia*, assertionis hujus probatio & ma-

& marito & uxori incumbit pro diversitate casuum. Scrupulos, quos hic movet Dn. Beyer. *pos. ff. h. t. p. 544.* facile removeri posse puto. Auctoritatem siquidem Hartmanni Pistoris, Antonii Fabri & Carpzovii *quoad ea, qua tempore nuptiarum ab uxore adferuntur*: Schilteri etiam eorum intuitu, *qua post matrimonium contractum uxori cedunt*, jam sequestrare possumus, salva alias eorum auctoritate. Interim postquam ius Romanum in materia dotium semel receptum fuit, (utrum bene, an male, ad nos in presenti non pertinet,) dotis constitutio autem peculiarem contractum requirit, qui nunquam praesumitur, sed in mero facto consistens ab allegante probari debet; hinc sine dubio etiam maritus dotem sibi constitutam esse asserens, hoc probare obstrictus erit, Wissenbach. *ad ff. h. t. l. b. 14.* Qualitas bonorum paraphernalium e contrario ut probetur, necessitas non requirit. Eo ipso enim, dum uxor bona quaedam marito adfert, & lex immediate sine aliqua conventionione eidem administrationem concedit, maritus jam fundatam intentionem habet. Qualitas receptitiorum *der Epille* (non *Spiele*) *Gelder* / (a voce *Spill* sive *Spin Del*) itidem ex peculiari conventionione dependet, & sic probanda.

Ceterum quando jure Saxonico dicitur, maritum esse heredem mobiliarem uxoris, nulla est differentia, sive bona sint dotalia, sive paraphernalia, sive receptitia,

## DISTINCTIO V.

*Inter donationem propter nuptias & dotalitium.*

**N**on reperi quidem, quantitatem alterutrius ullibi in legibus determinatam, sed hoc potius beneplacito contrahentium relictum fuisse; interim tamen moribus communiter ferre introductum est, *quod dotalitium donationem propter nuptias altero tanto superet.* Hinc donatio propter nuptias communiter *duplicatas* dotis usuras continet, sed in dotalitio tot redditus uxori adsignantur, quæ *quadruplicatas* dotis usuras exæquant, unde si uxor 4000. thal. infert, dotalitii loco ipsi tantæ usuræ adiudicantur, quæ alias ex sorte 16000. thal. percipiuntur, *eine Frau die 4000. Rthl. einbringer/ wird auff 16000. verleibdinget/* & per consequens 20. pro 100. solvuntur. Hartm. Pistor. p. 1. qu. 4. num. 1. Carpzov. p. 2. c. 42. def. 7. Henel. de dotalit. c. 6. §. 10. Illustr. Dn. Stryk. caut. contr. sect. 3. c. 18. §. 34. & in tr. de success. ab intest. diff. 4. c. 2. §. 14.

In *donatione propter nuptias* uxor sæpius proprietatem consequitur mortuo marito; sed in *dotalitio* usumfructum solummodo, unde de hoc disponere ipsi non est permissum, bene tamen de illa.

*Donatio propter nuptias* fit in remunerationem: *dotalitium* autem in compensationem dotis;

dotis, unde hoc absorbet dotem, non autem illa.

Intuitu *donationis propter nuptias* uxor tacita gaudet hypotheca, l. 12. §. 2. C. *qui dot. in pign.* (ubi ratio diuersitatis inter dotem & donationem p. n. adducitur) ast *dotalitium*, quia dotem absorbet, & sic in locum dotis surrogatur, eodem gaudet privilegio, quod doti competit, v. *Mev. p. 1. decis. 173.*

Posses denique & hoc addere, quod *donatio p. n.* communiter ab hominibus civici ordinis, *dotalitium* autem a nobilibus & illustribus constituatur: verum hoc universale non est.

## LIB. XXIII. TIT. IV.

### De pactis dotalibus.

#### DISTINCTIO I.

Inter pacta dotalia *per modum contractus* (*simplicia*) & *per modum ultimæ voluntatis* facta (*mixta*.)

**P***riora* non requirunt testes, nisi ad meliorem probationem, instar aliarum conventionum, in *posterioribus* autem quinque testes necessario presentes esse debent, ita, ut iis deficientibus actus ipso iure nullus habeatur, v. l. f. ff. *de iur. dot.* l. f. C. *de mort. caus. donat.*

*Prior-*

*Priora* sunt irrevocabilia, *posteriora* autem pro lubitu tam a marito, quam ab uxore mutari possunt. Unde caute agit maritus, cui uxor magnam bonorum suorum partem adsignat, si pacta dotalia per modum contractus celebrari curat, v. Kohl. *de Pact. dot. p. 1. n. 1. seqq.*

Ne tamen putes, statim esse pacta dotalia per modum ultimæ voluntatis confecta, ubi quinque testes præsentés fuerunt, sed respiciendum præterea quam maxime ad formalia, quibus paciscentes usi fuerunt. Quod si enim dixerint, v. g. *es soll der überlebende Ehegatte alle Güter behalten/ haben/ bekommen/ hinnehmen/ &c.* tunc erunt pacta *simplicia*; quod si dixerint: *erben/ succediren/* sunt *mixta* pacta, Illustr. Dn. Stryk. *Caut. contr. sect. 3. c. 8. §. 21.* Vocabula scilicet nonnulla naturam actuum inter vivos, nonnulla ultimarum voluntatum indolem magis exprimunt, quæ propterea sollicitè seligenda.

## LIB. XXIV. TIT. II.

### De divortiis & repudiis.

#### DISTINCTIO I.

#### Inter *divortium* & *repudium*.

Quam-



**Q**uamvis vocabulum *repudii* non absurde etiam in personam uxoris cadat juxta *l. 101. §. 1. ff. de V. S.* proprietatem de eo casu accipitur, quando *futurum matrimonium* repudiatur: id est, quando desponsati a contractu sponsalicio iterum recedunt: *divortium* vero ad conjuges pertinet; exinde dictum, quia in diversas partes eunt conjuges, qui discedunt, *v. d. l. 101. §. 1. & l. 191. ff. de V. S.*

Ufus in eo consistit, ne determinis litigemus. *Repudium* ex diversis causis conceditur, quoties scilicet iudex ex circumstantiis apprehendit, fundamentum matrimonii, amorem scilicet infucatum, non adesse in desponsatis, neque eundem omnibus suasionibus adhibitis iterum restaurari posse, quo pertinent inimicitie capitales, deformitas insignis superveniens, item si sponsa resciscat, sponsum antea lue gallica infectum fuisse, vel adhuc infectum esse, &c. conf. Mevius *P. 6. Dec. 125. & 126.* Non ita vero, postquam consummatio matrimonii, ipsa unitas carnis, accessit. Tunc enim *divortium* non nisi ex duabus causis permittitur, propter adulterium scilicet atque malitiosam desertionem, *v. Matth. 5. v. 32. & c. 19. v. 9. 1. Corinth. 7. v. 11.* Scio quidem adhuc disceptare DD. utrum sub voce: *πορνεία*, qua utitur Christus, solum delictum concubitus illi-  
eiti intelligatur, & annon per illam vocem  
etiam

etiam alia delicta majora indigentur, quæ alias in s. scriptura sub voce fornicationis venire solent, v. Selden. *Uxor Hebraic. l. 3. c. 28. & 31.* Weseñbec. *Parat. ff. h. t. num. 11.* Scio etiam nonnullos ex nostratibus, & in specie Strauchium *instit. jur. publ. lib. 1. tit. 35.* statuisse, quod adhuc hodie Principes plures, quam duas illas divortiorum causas permittere possint, neque eam sententiam infringere conabor; sed scio tamen, illud hætenus factum non esse, me autem in præsentī illud solum adferre debere, quod iam actu in praxi obtinet.

## DISTINCTIO II.

*Inter divortium & declarationem nullitatis.*

**D***ivortium* supponit, matrimonium *ab initio validum* fuisse, & illud ex causa *superveniente* solum rescindi, & hoc non obtinet, nisi in duobus casibus modo adlatis: Ast *in declaratione nullitatis* ne quidem ab initio validitas adfuit, sed vitium, consensum matrimonialē *statim* impediens, v. g. metus, dolus, (quo etiam errorem in virginitate refero,) impotentia, &c. Et quoad hanc declarationem matrimonium nihil peculiare præ reliquis contractibus habet, sed quæ his obstant, ea quoque illud annullare solent, v. Weseñb. *Parat. ff. h. t. in fin.*

Ufus

Ufus præcipue in hoc consistit: Si divor-  
tium adest, & quidem propter adulterium, ma-  
ritus dotem lucratur: si nullum declaratur, v.  
g. propter errorem in virginitate, tunc nihil  
lucratur, v. Carpzov. *3pr. Consist. l. 2. Def. 199.*

## LIB. XXV. TIT. 1.

De impensis in res dotales  
factis.

## DISTINCTIO I.

Inter impensas *necessarias, utiles, volu-  
ptuarias & delicatas.*

**I**mpensæ *necessaria* (ita dictæ, quod ad con-  
servationem rei necessario requirantur, &  
quod sine iis res periisset, v. l. 1. *seqq. ff. de  
impens. in res dot. fact.*) cuilibet possessori re-  
stituuntur, sive in b. sive m. f. sit constitutus,  
l. 38. *ff. de hered. petit.* Ne quidem *prædonem*  
in d. l. excipit Paulus. Interim cum non pauca  
loca sint, quæ contrarium asserere videntur, ut  
§. 30. *J. de R. D. l. 7. §. pen. ff. de A. R. D.* In-  
terpretes eo confugiunt, ut ea de jure stricto, ci-  
tatam l. 38. autem de æquitate intelligant, moti  
verbis ipsius Pauli: *Prædo autem de se queri  
debeat, qui sciens in rem alienam impendit.  
Sed benignius est, in hujus quoque persona ha-  
berirationem impensarum,* v. quæ fusc hic ad-  
P. II. K ducit

ducit Dion. Gothofred. *in not. ad d. l. 38.* (confer jam *Doctrin. ff. tit. de hered. petit. §. VII.*) Distinctionem Costæ *de jur. & fact. ignor. distinct. 34. num. 22. utrum m. f. possessor in opus jam existens aliquid impenderit, an vero opus plane novum adgressus fuerit*, apud Brunnem. *Comm. ad d. l. 38. num. 1.* nulli fundamento superstructam esse censemus, mala enim fides utroque casu idem odium meretur sine dubio.

Hoc tamen addendum erit, quod b. f. possessor impensas hæc repetat, licet res meliorata deinceps absque ejus culpa iterum perierit, e contrario autem m. f. possessori jus repetendi tunc demum competat, si melioratio adhuc revera existit, *d. l. 38. ff. de hered. petit.*

De impensis *utilibus* ita tene: Bonæ fidei possessor easdem repetit, cum distinctione tamen & juxta diversam *personarum* atque *causarum* considerationem in *l. 38. ff. de R. V.* indigitatam, Quod si enim dominus *easdem impensas facturum fuisse*, ad restitutionem obligatur eoque, quo pretiosior factus est fundus. Quod si vero dominus *pauper sit*, qui, si reddere id cogatur, laribus, sepulchris avitis carendum habeat, b. f. possessor meliorationes factas tollit, modo ita fieri queat, ne deterior sit fundus, quam si initio non fuisset ædificatum. Sed etsi tollere vult b. f. possessor, quod si tamen paratus est dominus tantum dare, quantum habiturus est possessor his rebus ablatiis, hoc ipsi conceditur, &c. Singulare

lare quid in dote occurrit, quod maritus scilicet ob impensas utiles non habeat ius retentionis, *l. un. §. 5. C. de R. U. A.* Sed actionem mandati, vel negotiorum gestorum. Malæ fidei possessor has meliorationes nunquam repetit, sed semper tollit, vid. Struv. *Ex. II. th. 33.* supposito iterum, modo ita tollere possit, ne fiat deterior fundus, quam antea quidem fuit.

*Voluptarias* denique impensas tam *ib.* quam *m. f.* possessor solummodo tollit, cum modo adlata tamen limitatione. Et hanc assertionem quoad *m. f.* possessorem ex ipsa *l. 30. §. 1. ff. de hered. petit.* stabiliri posse putamus, quam tamen alias nonnulli tanquam obstantem obiciunt. Nobis hæc pro modo instituti nostri adduxisse sufficiat. Plura videri possunt apud Struv. *cit. Exerc. II. th. 34. seqq.* & apud autores ab eodem allegatos.

*Delicata* impensæ vocantur, quæ ex parte sunt utiles, ex parte autem voluptuariæ. Quod si ergo utilitas prævaleat, idem prædicatum illis tribuendum erit, quod utilibus impensis tribuimus, *v. l. 10. ff. h. t.* sin vero voluptas prævalet, in voluptuariarum quoque classẽ referendæ erunt,

## DISTINCTIO II.

Inter impensas *modicas* & *magnas*.

**M**agna vocantur, quæ *perpetuam*, *modica* autem, quæ *presentaneam* solum rei conservatio-

vationem respiciunt, quod germani efferunt, was zum Dach und Fach gehöret.

Ufus distinctionis tunc deprehenditur, si quis utilitatem ex rebus alienis gratis percipit. Ita usufructuarius, sarta tecta habere & modicam refectioem suscipere debet, ea autem, quæ vetustate plane corruerunt, reficere non cogitur, l. 7. §. 2. ff. de usufr. Ita commodatarius cibariorum, valetudinis aliasque modicas in rem commodatam factas a commo-  
dante non recuperat, l. 18. §. 2. ff. commodati. Sic, si maritus impensas in res dotales factas repetit, modicæ in ædificandis ædibus & in reponendis propagandisque vineis & in valetudine mancipiorum erogatæ non curantur, l. 12. ff. h. t. Idem in Saxonia quoad ministros ecclesia obtinet, qui ædes parochiales sarta tecta conservare tenentur, Carpz. Jpr. Eccles. l. 2. def. 352. Speciale quid est, quod pater, qui usumfructum peculii adventitii habet, non solum ad modicas, sed ad magnas etiam teneatur, Garfias de Expens. c. 11. n. 5. seqq.

Dixi autem, eum ad modicas impensas obstrictum esse, qui utilitatem ex rebus alienis gratis percipit. Aliud ergo, si fructus quis titulo oneroso consequitur, v. g. conductor. Hic enim omnes expensas, siue sint modicæ, siue magnæ, a locatore recipit, v. g. quod pro soleis ferreis, vel pro curatione equi dedit, Garfias d. tr. c. 14. num. 10. Caroc. de Locat. p. 4. qu. 40. Lauterbach. ad tit. Locat. cond. quo etiam il-

lud

lud refero, quod pro pabulo expenditur, vid. Illustr. Stryk. *not. ad Lauterb. tit. Locat. verb. Curationem*. Quia enim locator percipiendo mercedem emolumentum ex re habet, hinc quoque incommoda ferat necessum est.

---

## LIB. XXVI. TIT. I.

## De tutelis.

## DISTINCTIO I.

Inter tutelam *testamentariam, legitimam & dativam*.

**Q**uod causa efficiente differant hæ tres species, illud exigui momenti est, & nec jure Romano usum practicum constituebat. At vero apud Romanos in eo usus sese exercebat, (1.) *quod tutores testamentarii & legitimi confirmatione judiciali non indigebant*, sed testamentarii, autoritate solius testamenti, legitimi autem vi agnationis tutelæ administrationem in se suscipiebant, *arg. pr. J. de Attil. Tut.* (2.) *quod a testamentariis nulla satisdatio exigebatur, pr. J. de satisdat. Tut.* sed ista quidem apud nos hodie cessant, postquam enim per *ordin. Polit. de A. 1577. tit. 32.* omnes satisdare tenentur, omnes quoque confirmatione judicis opus habent, cuiuscunque generis sint.

Hodie ergo nullum usum habet adlata distinctio, nisi, quod magistratus eum, quem pater in testamento nominavit, nec non hoc deficiente legitimum, ante omnes alios extraneos confirmare obstrictus sit. Nec non, quod nominatio tutoris in testamento adhuc sub conditione, vel in diem & sic confirmatio magistratus eodem modo, fieri possit, quod secus est, si magistratus ex proprio arbitrio tutelam alicui demandat, §. 8. *J. qui test. tut. dar. poss. l. 6. §. 1. ff. de tutel.* & de tutoribus a magistratu ita constitutis intelligenda est *l. 77. ff. de R. J.*

## DISTINCTIO II.

Inter tutelam testamentariam *simplicem*  
& *confirmatam*.

**T**utela *simplex* dicebatur, quam pater intuitu liberorum *in potestate patria existentium* constituerat, §. 3. *J. de tutel.* & quidem in testamento perfecto, aut codicillis testamento confirmatis: *Confirmata* autem, quando vel in testatore patria potestas deficiebat, v. g. si pater filio emancipato, vel mater liberis tutorem dederat: vel, si testamentum non erat solenne, v. g. codicilli per testamentum non confirmati, v. Struv. *S. I. C. Exerc. 31. th. 17.*

Uusus in foro Romano erat, quod prior confirmatione magistratus haud indigebat, bene tamen posterior, *l. 1. pr. & §. 1. in f. ff. de*



*de confirm. Tut. vel Cur. l. 7. §. 1. eod.* Struv. *loc cit.* Verum enim vero cum ad *dist. præc.* jam monuerimus, hodie omnes tutores confirmandos esse; exinde patet, adlatæ distinctionis nullum apud nos hodie in praxi usum superesse.

## DISTINCTIO III.

Inter tutorem *administrantem, honorarium & notitiæ causa datum.*

**I**Lle, qui *administrationis gratia* constituitur, simpliciter tutor vocari consuevit, & ergo voce *tutoris* absolute posita, in dubio intelligitur.

*Honorarius* tutor est inspector reliquorum, seu, ut *in l. 3. §. 2. ff. de admin. Tut.* dicitur, observator actuum tutoris administrantis & custos.

Tutori *notitiæ causa* dato nihil amplius incumbit, quam ut reliquos tutores de administratione prudenter suscipienda informet, *l. 14. §. 6. ff. de solut. add. eand. §. 1.*

Ufus distinctionis in eo consistit: si pupillus a tutoribus læsus sit, *primo* quidem conveniuntur tutores administrantes: quod si tamen hi eorumque heredes & fidejussores non sint solvendo, honorarii *deinde* ad reparandum damnum tenentur, imputatur enim iisdem, cur, si male tutorem administrantem conversari videbant, suspectum eum non fe-

cerunt, prout loquitur Ulpianus in *l. 3. §. 2. ff. de administr. Tut.* & ibi omnino Brunnem. in *Commentar.* Ast ille, qui notitiæ causa datus, conveniri nequit, nisi forsan in consilio dando dolum malum adhibuerit, quod ex principiis de obligatione consilii facile deducitur.

Porro *tutor administrans* indistincte auctoritatem suam in negotiis pupillorum interponere valet; circa *honorarium* autem distinguendum est. Aut agitur principaliter *de patrimonio pupilli diminuendo* & *re pupilli in alium transferenda*, v. g. si res pupilli venditur, permutatur, &c. & tunc tutoris honorarii auctoritas non sufficit, de quo casu loquitur *l. 4. ff. de autor. & cons. Tut.* Vele converso *principaliter de acquirendo agitur*, & *per consequentiam solum de pupillo obligando*, v. g. si pupillus hereditatem adit, & tunc etiam tutor honorarius auctoritatem suam valide interponit, quo pertinet *l. 49. ff. de acqu. vel omitt. hered.* Hæc conciliatio alleg. LL. Brunnemanni ad *d. l. 49.* præferenda esse videtur illi, quam habet Gothofred. ad *cit. l. 4. ff. de autor. & consens.* vid. Hilliger ad *Donell. l. 7. c. 9. lit. C.* Wisfenbach. ad *ff. Disp. 51. th. 12.*

Eandem distinctionem intuitu tutoris, *notitia causa dati*, adhibendam esse puto, ob verba generalia *l. 49. ff. de acqu. vel omitt. hered.* *Pupillum etiam eo tutore autore, qui tutelam non gerat, hereditatem adeundo obligari.* In qua sententia eo magis confirmor, dum in *l. 14.*

*§. 6. ff. de solut. dicitur, liberationem etiam contingere, quamvis quis tutori notitia causa dato solverit, modo ei solvi prohibitum non fuerit.*

## DISTINCTIO IV.

*Inter infantes & impuberes in specie dictos.*

**I***nfantes*, (qui tales dicuntur usque ad completionem anni septimi, *l. 18. pr. C. de jurs deliber.* tam masculi, quam foeminae) nihil omnino contribuunt in negotiis civilibus, unde etiam tutor, durante infantia, *non auctoritatem interponit*, sed *solus* nomine pupilli *administrat*; post infantiam autem demum auctoritatem interponere dicitur, quamvis & tunc solus administrare possit, si velit, v. *Lauterbach, ad tit. de administ. Tut.*

Hæc theoretica saltem sunt, cum unus idemque sit effectus eademque obligatio, siue administraverit tutor, siue auctoritatem interposuerit. Interim hoc quoad usum practicum notari meretur, quod infantes nunquam puniri possint propter admissa delicta, v. quos maximo cumulo allegat *Carpz. Pr. Crim. qu. 143. n. 10.* nisi, quod si judex aliqualem malitiam & doli capacitatem in iis deprehendat, virgis castigari queant ab hominibus, nulla macula laborantibus, quo pertinet responsum Scabinorum Lipsiensium apud d. *Carpzov. l. c. num. 20. ibi: So wird C. S. solcher seiner*

Verbrechung wegen mit Ruthen ziemlicher massen gezüchtiget/und wann solches geschehen mag ferner wieder ihn nichts fürgenommen werden; at vero illi, qui infantiam jam egressi sunt, interdum poenæ omnino subjici possunt, prout ad *seq. Dist.* mox dicetur. Posses hoc quoque addere, quod *infans* ne quidem in mere favorabilibus promissionem acceptare queat, Illustr. Stryk. *Caut Contr. sect. 1. c. 2. §. 6.* quod tamen possunt impuberes.

Sic quoque stuprum *infanti* illatum pro violento reputatur, & capitaliter punitur, licet ille consenserit, Carpzov. *Pr. Crim. qu. 69. n. 41.* secus in *impubere*.

#### DISTINCTIO V.

Inter *infantia proximos* & *pubertati proximos*.

**H**As ætates ita discernendas esse existimant nonnulli ut *pubertati proximi* dicantur, qui decimum annum & dimidium impleverunt, gloss. in §. *sed quod diximus*, 10. verb. *Infantia. 7. de inutil. stipul.* Bartol. in l. 1. n. 6. ff. *de novat.* Alii, si intra annum & semestre pubertatem assequuntur, Cujac. l. 17. *Obs. 4. in f.* Aut, si ad puberem ætatem sex menses tantummodo desunt, Bald. *ad l. 14. ff. ad Sc. lan.* Veroiorem tamen eorum sententiam esse existimat Carpzov. *l. cit num. 33.* qui iudicis arbitrio committunt, quæ ætate proprie dicatur *pubertati* pro-

proximus, ut scilicet iudex inspecta impuberis discretionem aliisque circumstantiis probe perpensis hac de re iudicium ferat, quamvis subiungat, interpretes communiter utrumque, pluralitatem scilicet annorum & malitiam, conjunctim requirere, quam quoque sententiam nos præferendam esse ducimus, ex illo fundamento, quod *ut plurimum* malitia tunc demum adesse soleat, si pluralitas annorum adest. Ergo dividendos esse censemus eos septem annos, ab octavo scilicet usque ad decimum quartum ut una dimidia ad proximitatem infantia, altera autem ad pubertatis proximitatem referatur.

Ufus in eo consistit: *Infantia proximi* non aliter considerantur, quam ipsi infantes, de quibus ad *dist. præc.* diximus, & sic per consequens non puniuntur. Aliud in *pubertati proximis*. Hi enim, si malitia ætatem supplet, pœna omnino affici possunt, & si delictum valde est atrox, & maxima in delinquente impubere deprehenditur malitia, pœnæ quoque ordinariæ locus erit, v. Carpz. *d. qu. 143. num. 35. seqq.*

## DISTINCTIO VI.

Inter *impuberes & minores*.

**V**ocabulum *minorennum* dupliciter sumitur, (1.) *late* ut etiam impuberes sub se comprehendat, prout accipitur in *tit. ff. de minor. 25. ann.*

25. ann. (2.) *strictè*, ut impuberibus opponatur, & hic posterior significatus in præsentì ad nos pertinet.

Longe diversa autem est ratio *impuberum* & *minorennum* quoad effectum iuris.

*Impuberes* inviti etiam tutores recipere tenentur, ob maximam iudicii imbecillitatem, non autem *minores* de jure Romano regulariter, nisi ad litem, §. 2. *J. de Curat.* quamvis hodie aliud per *Reform. Polit. de A. 1577. tit. 32.*

*Impuberes*, absque tutorum autoritate promittentes, plane non obligantur, & sic restitutione in integrum non indigent, sed ipso jure tuti sunt: aliud in *minoribus*, v. l. 101. ff. de V. O. quæ tamen ex l. 3. C. de in integr. rest. min. 25. ann. ad eum casum restringenda videtur, si minor curatorem non habet.

*Impuberes* testamentum condere non possunt, §. 1. *J. quib. non est permiss. fac. test.* bene tamen *minores*. l. 4. C. eod.

*Impuberes* regulariter doli non sunt capaces, & propterea etiam non puniuntur, prout ad *dist. præced.* monitum fuit; aliud in *minorenibus*, quippe qui regulariter a dolo & pœna non excusantur, v. *Constit. Crimin. art. 164.* Carpzov. qu. 147. n. 59. seqq. Struv. S. I. C. Exerc. 48. th. II.

*Impuberes*, sponsalia contrahentes, firmiter non obligantur, sed adepta pubertate ab iisdem licite iterum recedere possunt, etiam si alter pubertatem nondum sit assecutus, c. 8.

X. de

*X. de despons. impub.* Guttierrez. *de matrim. c.*  
*29. num. 2.* Brunnemann. *de jur. eccles. l. 2. c. 16.*  
 §. II. Aliud in *minoribus*, qui etiam absque  
 curatorum & agnatorum consensu valide se de-  
 spondent. Carpzov. *Jurispr. Consist. lib. 2. def.*  
*46.* Struv. *Ex. 29. th. 23.*

*Minores* ad iuramenta admittuntur, & præ-  
 stito iuramento super contractu aliquo benefi-  
 cio restitutionis non gaudent, per *Auth. Sacra-*  
*menta puberum. C. si advers. vendit.* Aliud  
 in *impueribus. v. l. 34. §. 2. ff. de jurejur.*

*Impubes* iudicis personam neutiquam susti-  
 nere potest, bene tamen interdum *minorenis*,  
 si principi hoc ita placuerit. Ubi notandum  
 est, leges Romanas, quæ de ætate iudicis *peda-*  
*nei* loquuntur, admodum impertinenter alle-  
 gari in compendiis nostris ad determinandam  
 hodiernorum iudicum, a principe constituto-  
 rum, legitimam ætatem. Partes enim, quæ  
 tunc eligeabant tales iudices, ad numerum anno-  
 rum in legibus præscriptum adstricti utique e-  
 rant; sed princeps summus non item, conf.  
*hic doctr. ff. tit. de judic. §. IX.*

## LIB. XXVI. TIT. II. &amp; III.

## De testamentaria tutela,

&amp;

## De confirmando tutore vel curatore.

**S**ub hisce titulis occurrit distinctio inter *tutela testamentariam simplicem* & *confirmatam*, de qua nos jam *ad tit. prac. dist. II.* nostram mentem aperuimus.

Altera quoque distinctio inter confirmationem *cum inquisitione* & *cum satisfactione* hodie applicari amplius non potest. Profluebat nempe illa ex diversitate magistratuum apud Romanos, dum magistratus superior cum inquisitione, inferior autem cum satisfactione tutores confirmabat, *v. l. 2. § l. 5. ff. de confirm. Tut. vel Curat.* Sed quis ignorat, argumentum a magistratibus Romanis ad nostros hodiernos plane non procedere. Imo potius *Ord. Polit. de A. 1577. tit. 32. von den Pupillen und Minderjährigen*/ ab omnibus tutoribus satisfactionem exigit, sine distinctione inter confirmationem a superiore, vel inferiore magistratu factam.

Idem iudicio esto de distinctione, utrum tutor *cum* vel *sine inquisitione* confirmatus fuerit. Confirmabatur scilicet sine inquisitione, quoties pater eum dederat, si autem alius aliquis,



quis, cum inquisitione, *v. l. 1. §. 2. ff. de confirm. Tutor.* Hodie confirmatio non valet, siue cum, siue sine inquisitione facta fuerit, sed adhuc majus aliquid, satisfactio scilicet, requiritur.

LIB. XXVI. TIT. IV.  
De legitimis tutoribus.

DISTINCTIO I.

Inter tutelam legitimam *ordinariam*  
(sive *regularem*) & *extraordinariam*  
(sive *irregularem*.)

**O***rdinaria* sive *regularis* vocatur, quæ defertur a lege proximis pupilli cognatis, juxta successionis ordinem. Quicumque enim spem proximam & certam habet emolumentum consequendi ex hereditate pupilli, si is intra pubertatem decesserit, ille quoque onus tutelæ in se suscipere adstringitur. Unde simul patet, cur non detur cura legitima, quia scilicet cognati, postquam pupillus pubertatem adeptus est, & sic facultate gestandi gaudet, spem *certam* succedendi non amplius habent, exceptis furiosorum & prodigorum cognatis, nec non in causis feudalibus.

*Extraordinaria* sive *irregularis* est, quæ matri,

tri, vel aviæ defertur ex *Nov. 118. c. 5.* ubi nonnullæ quæstiones moveri solent, *an & quibus præferatur mater vel avia?* Ad distinctum conceptum formandum sequentes casus separandi erunt. *Aut mater cum avia concurrat,* & tunc res dubio caret, matrem præferendam esse, quia mater in successione proxima est. *Aut mater concurrat cum avo, sive paterno, sive materno,* & tunc, quamvis Struvius & Carpzovius dissentiant, idem tamen ex eadem ratione asserendum esse putamus propter verba *Novellæ 118. c. 5. secundum hereditatis ordinem, v. Compend. nostr. Novell. cit. nov.* Carpzovius *P. 2. c. 11. def. 13.* excipit quidem, eo casu, ubi mater cum avo paterno concurrat, nulla plane tutela opus esse, quia nepos est in potestate illius avi: sed cum hockodie rarius fiat, ratio etiam Carpzovii parum stringere videtur. Porro: *aut avia concurrat cum avo,* & tunc puto, avum aviæ præferri debere ob præstantiam sexus, quam toties respicere videntur leges, quoties personæ concurrentes ratione successionis eodem jure gaudent. *Aut denique avia paterna cum avia materna concurrat,* & tunc utraque admittenda erit, quia & ratione iuris succedendi & ratione sexus sunt æquales.

Quoad usum distinctionis hæc breviter nota: In tutela legitima *ordinaria* cognati *inviti* etiam coguntur, nisi excusatione aliqua, in legibus adprobata, instructi sint; ast in *extraordinaria* matris & aviæ *arbitrio* reliquerunt leges,

ges, an in se recipere velint onus tutelæ, an-  
non, vid. Carpzov. d. P. 2. C. II. Def. II. num.  
13. 14.

Deinde hoc etiam speciale quid est, quod  
mater & avia ad tutelam *extraordinariam* ad-  
mittantur, quamvis sint pupillorum debitori-  
ces, aut creditrices, Nov. 94. c. 2. quod secus  
in *ordinaria*, propter Nov. 72.

Mater, vel avia, si post susceptam tutelam  
matrimonium init, tutelam deponere tenetur,  
per Nov. 94. c. 2. aliud si cognatus aliquis uxorem  
superinducit.

## LIB. XXVI. TIT. VII.

De administratione & periculo  
tutorum & curatorum, qui gesserint, vel  
non, & de agentibus, vel conve-  
niendis, uno vel pluribus.

### DISTINCTIO. I.

Inter *administrationem* & *autoritatem*  
tutorum.

**D**E hac distinctione jam supra diximus  
ad *tit. de tutelis Dist. IV.* Hoc sal-  
tem in præsentî addimus, quod quan-  
do quis cum tutore *administraante* contrahit,  
P. II, L verba

verba ita concipi debeant: Es verkauft des Vormund Titius im Nahmen seines Pfleg-Befohlenen / & in judicialibus: Es erscheint Tutor im Nahmen seines Pfleg-Befohlenen: Si autem cum tutore *autoritatem interponente*, in hunc modum: Es verkauft Mevius mit Beystand und Vollwort seines Vormundes Titii, & in judicialibus: Es erscheint Kläger in assistentz seines Vormundes / vel: Es erscheint Tutor in Vormundschafft des Mevii. Exinde enim tunc apparet, an pupillus aliquo modo concurrat in contractu, utrum vero tutor omnia solus expediat, vid. Illustr. Dn. Stryk, *de Caut. contr. sect. 1. Cap. 2. §. 3.*

## DISTINCTIO II.

Inter divisionem administrationis a testatore, iudice & ipsis tutoribus factam.

**U**Sus in decidenda questione conspicitur: *utrum ex contutoribus alter propter alterius malam administrationem pupillo ad interesse obligetur?* Hic nempe respondetur: Si divisio tutelæ facta a testatore, tunc alter pro altero plane non obligatur, nisi forsan viderit, alterum in rebus pupilli male versari, & tamen eundem iusto tempore non postulaverit suspectum, *l. 2. C. de dividend. tutel.* Eadem est decisio in *d. l.* si divisio a iudice facta fuit.

Sed si *ipsi tutores* inter se dividunt tutelam, hæc diuisio pupillo non præiudicat. Potest enim adolescens unum ex his in solidum convenire, ita ut actiones, quas adversus alios habet, ad electum transferat, *d. l. 2.* Concedunt tamen DD. communiter beneficium excussionis, siue ordinis, quod intelligo, nisi ceteri quoque negligentiam & culpam in omissione postulationis suspecti tutoris admiserint, & tutor gerens pupillum similiter per culpam solum læserit, tunc enim in pari gradu obligationis constituti essent.

---

## LIB. XXVI. TIT. VIII.

### DE AVTORITATE & CONSENSU TUTORUM & CURATORUM.

#### DISTINCTIO I.

#### Inter *autoritatem* & *consensum*.

**D**ifferentia apud Romanos in eo consistebat, quod *autoritas* (quam tutores præstant) statim *ab initio* contractus, siue in continenti, id est, antequam ad alia negotia digrediuntur partes contrahentes, interponi debebat, post tempus enim, vel per epistolam, aut per nuntium interposita autoritas nihil agebat, prout habet §. 2. *J. de auctor.*

*Tut. Consensus*, autem (qui a curatore requiritur) etiam *ex intervallo* accedere poterat. Rationem diversitatis suppeditant, quia autoritas tutoris *ad integrandam personam pupilli*, consensus curatoris autem *ad supplendam disponendi facultatem* requiritur. Seu clarius, quia in impubere admodum imbecille est iudicium, ut parum, vel nihil, ad perficiendum negotium contribuere queat, minorennis vero majori iudicio discretivo jamdum gaudet. Hæc ita apud Romanos. Verum enim vero postquam DD. nostri communiter asserunt, quod hodie autoritas ex intervallo etiam a tutore interponi possit, modo exactam notitiam eorum habeat, quæ a pupillo peracta fuerunt. vid. Struv. *S. l. C. Exerc.* 31. *th. 42. inf.* & quem allegat Perez. *ad tit. C. de autor. & consens. tut. num. 9.* Hoppius *Exam. J. de autor. Tut. qu. 12.* Brunnem. *Exercit. J. d. tit.* hinc adducta differentia hodie apud nos exigua, vel nullius potius utilitatis erit.

## De excusationibus.

## DISTINCTIO I.

Inter excusationem *necessariam* &  
*voluntariam*.

**N**ecessariam vocant, quando quis ne volens quidem admittitur ad tutelam, vel quod pupillo exinde damnum imminet, v. g. si minorennis, inimicus, prodigus &c. tutor esse vellet, vel ipsi etiam reipublicæ, v. g. si miles tutelam adfectaret, & hæc proinde melius *prohibitio*, quam *excusatio* dici meretur.

*Voluntaria* e contrario dicitur, quando quis, si vellet, omnino ad tutelam admitteretur, & hæc proprie est excusatio.

*Necessaria* non solum a suscipienda, sed a suscepta etiam tutela excusat; sed *voluntaria* a suscipienda saltem. Eo ipso enim dum aliquis excusationem propter privatum suum favorem, sibi competentem, allegare scienter omisit, juri suo renunciasse censetur, ad renunciata autem regressus non datur.

## LIB. XXVII. TIT. III.

De tutelæ & rationibus distrahen-  
dis & utili curationis causa  
actione.

## DISTINCTIO I.

Inter actionem tutelæ (seu de rationibus  
reddendis) & de rationibus distra-  
bendis.

**P***rior* oritur ex quasi contractu, *posterior*  
ex delicto. *Ill*a datur ad damni illati re-  
parationem & sic ad simplex saltem;  
*hæc* autem ad duplum, quod rei persecutio-  
nem continet, l. 2. §. 2. ff. h. t. Hæc diffe-  
rentia hodie sine dubio cessat, cum actiones  
pœnales ad duplum, triplum, quadruplum,  
in foris Germaniæ non fuerint receptæ. Ma-  
net tamen alia, quod scilicet *prior* etiam  
contra heredes competat, *posterior* non item  
l. 1. §. 23. ff. eod. quamvis, cum per actionem  
tutelæ aduersus heredes institutam *ratione*  
*persecutionis rei* idem obtineamus, quod per  
actionem de rationibus distrahendis, & præ-  
terea utraque actio hoc respectu elective  
concurrat, vid. Lauterbach, h. t. circ. f. hæc  
quoque observatio parum utilitatis habere vi-  
dea-



deatur, præcipue cum nomen actionis in libellis nostris exprimere non teneamur.

---

## LIB. XXVII. TIT. V &amp; VI.

De eo, qui pro tutore, procuratore negotia gessit, nec non quod falso tutore autore gestum esse dicatur.

**V***Eri tutoris* descriptio omnibus nota est, dicitur scilicet talis, qui *prævia magistratus confirmatione* (nam ea hodie indistincte requiritur, ut supra vidimus) administrationem tutelæ in se recepit. *Protutor* e contrario dicitur, qui tutelam tanquam tutor administrat bona fide, v. g. si quis erronee crederet, se esse proximum agnatum pupilli, vel etiam qui sciens, se tutorem non esse, tamen absque maligno animo res pupillares administrat, l. 1. §. 1. ff. de eo, qui pro tutor.

Tutoris & protutoris hætenus eadem est ratio, quod uterque res pupilli instar boni patrisfamilias administrare, & damna illata rescarcire teneatur, l. 4. ff. d. t. In eo tamen adhuc est differentia, quod tutor statim a tempore *suscipiendæ*, protutor autem a tem-

pore *suscepta* tutelæ demum obligetur: tutor pro lubitu *tutelam deponere* non potest, bene tamen protutor, si modo necessarios pupilli certiores facit, ut ipsi tutorem petant; tutor de omnibus negotiis tenetur, *sive sint connexa, sive non*: protutor saltem de *connexis*, nisi alius reliqua etiam gesturus fuisset, *l. 1. §. 9. ff. h. t.*

De jure Romano usus in eo quoque conspiciebatur, quod cum protutore etiam ante pubertatem agi poterat, non autem cum tutore, *l. 1. §. 3. ff. eod.* Verum postquam tutores hodie propter *Ordin. Polit. de An. 1577. tit. 32.* singulis annis rationes reddere tenentur, & sic quoque singulis annis ante pubertatem cum ipsis agi potest, differentia illa sine dubio corrui.

Protutores hodie adhuc dari certum est. Quamvis enim leges publicæ velint, ne quis tutelæ munus, nisi ex decreto magistratus suscipiat, quod objicit Dn. Beyer. *Pof. ff. h. t.* Leges tamen eadem non prohibent, quominus quis b. f. ad tempus aliquod, præcipue si tutor nondum constitutus est, commodum pupillorum gerendo protutelam promoveat.

Falsus tutor a protutore ex diversa intentione distinguitur. *Protutor*, prout hactenus

tenus dictum, foyet intentionem, omnia ex bono & æquo expediendi; at *falsus tutor* eo animo ad negotia pupilli accedit, ut vel pupillum ipsum, vel alios, qui cum pupillo ejus autoritatem secuti contraxerunt, decipiat, *v. l. 11. §. 2. & l. 12. ff. quod fals. tutor.* Ergo ex facto *protutoris* heredes, etiam conveniri possunt, non autem ex facto *falsi tutoris*, quia ille ex conventionem, hic autem ex delicto obligatur, *v. l. 9. §. 1. ff. quod fals. tutor. autor:*

## LIB. XXVII. Tit. VII.

## De fideiussoribus &amp; nominatoribus &amp; heredibus tutorum &amp; curatorum.

## DISTINCTIO I.

Inter fidejussores *tutorum & aliorum contrabentium.*

**O**mnino cavendum est, ne quis ea, quæ de fidejussoribus in genere disponuntur, ad illos, qui pro tutoribus prove curatoribus fidem suam interponunt, vel interposuisse censentur, promiscue applicet. Scilicet fidejussio in dubio nunquam

quam præsumitur, quia est obligatio alterius favorem respiciens, & proinde, licet quis dicat, quod me fidejussorem suum constituere velit, & ego taceam, taciturnitas tamen mea mihi neutiquam præjudicat, quia tacui salvo jure meo. Brocardicum enim: *qui tacet, consentire videtur*, non est universale, ut Deo volente aliquando ex fontibus legum civilium ostendetur. Enim vero in materia tutelæ ita disponit *l. 4. §. f. ff. h. t.* fidejussores, inquit, a tutoribus nominati, si præsentés fuerunt, & non contradixerunt, & nomina sua referri in acta publica passi sunt: æquum est, perinde teneri, atque si jure legitimo stipulatio interposita fuisset.

Fidejussores, alias beneficio divisionis gaudent, prout notum est; sed fidejussores tutorum, si pupillus eos convenit, hoc beneficio destituuntur, *l. f. ff. rem pupill. vel adolescent. salv. for.*

Fidejussoribus alias exceptio ordinis, sive excussionis competit, si creditor eos primo loco, non excusso ante debitore principali, convenire velit; ast fidejussoribus tutorum hæc quoque exceptio denegatur in *l. 1. C. h. t.* Video quidem, D D. asserere, quod hodie etiam hisce illud beneficium non sit denegandum ob *Nov. 4. c. 1.* sed audirem libenter, quid responsuri essent, si iisdem op-  
pone-

poneretur principium ab omnibus adprobatum: *Jura singularia non tolli per leges subsequentes generales.* Quod enim d. Nov. 4. de fideiussoribus tutorum in specie mentionem non iniiciat, sed generaliter saltem de fideiussoribus loquatur, verba eiusdem ita clare innuunt, ut probatione aliqua non indigeant.

---

## LIB. XXVII. TIT. X.

## de curatoribus &amp; cura.

## DISTINCTIO I.

Inter *tutores & curatores.*

**Q**UAMVIS vocabulo germanico *der Vormünder* & tutores & curatores denotentur, ac præterea, qui tutor fuit durante pupillari ætate, plerumque etiam eam gerere soleat in adolescentia, vel minorennitate; item, quamvis minorennis non minus consensum curatoris, quam pupillus auctoritatem tutoris in administrandis rebus suis adhibere debeat, adeo, ut altero deficiente negotium sit nullum, & sic videri posset, tutores & curatores non nisi inapi vocabulorum sono differre: nihilomi-

hilominus tamen his omnibus non obstantibus adhuc ostendi potest, præsentem distinctionem nostram utilitate sua non esse destitutam.

Scilicet quando dicunt, tutorem principaliter dari personæ, minus principaliter bonis : e contrario autem curatorem primario circa bona minoris & secundario saltem circa personam minoris versari, tunc exinde quæstio practica decisionem capit: *quis iudex in constituendo tutore, vel curatore, pro competente reputetur?* A potiori faciendam esse denominationem, & dignius ad se trahere minus dignum, regula est ab omnibus DD. probata. Ergo si contingat, ut alius sit iudex intuitu domicilii pupilli, alius intuitu bonorum ipsius, iudex domicilii, sub quo persona pupilli deprehenditur, sine dubio potius ius in constituendo tutore habebit, vid. Alexand. l. 5. Conf. 44. num. 17. & ex multis aliis præcipue Paulus Montanus in rr. *de jure tutelarum* cap. 44. num. 22. & cap. 20. inf. quæ datio ad bona etiam sub alio iudice sita se extendit. Exceptio est, nisi bona in alio plane territorio sita sint, quo casu iudex illius territorii providere debet pupillo, Montan. cap. 4. num. 24. vid. hic *doctr. ff. tit. de tut. & Curat. dat. ab his* §. II. Observat autem Guttieretz apud Brunnemann. in *Comm. ad l. un. C. ubi petant. tut.* Judicem non de-

debere exprimere, quod tutorem etiam ratione bonorum alibi sitorum dare velit, tunc enim dationem fore irritam, sed illam ratione dictorum bonorum per consequentiam fieri & sic tacite. Hæc de constitutione tutorum. De constitutione curatorum dicitur in §. 1. *l. de Curat.* quod ab eodem iudice constituentur, a quo tutores; sed quoniam alias iudex domicilii cum iudice rei sitæ concurrentem iurisdictionem habet, inde & hoc casu idem obtinere puto, si maxima bonorum pars alibi sita.

*Tutores* apud Romanos statim ab initio intervenire debebant, in negotiis pupillorum; *curatoribus* hoc etiam ex postfacto licebat. Verum hoc hodie cessat, prout diximus *ad tit. de autor. & consens. tut. vel curat.*

*Tutores* olim in testamento quidem constituebantur, non autem *curatores*; sed hoc iterum cessat, quia hodie post *sape cit. Ordin. Polit. de A. 1577.* minorum arbitrio non amplius relictum est, an curatores accipere velint, annon, sed hoc facere inviti etiam compelluntur.

Hoc tamen adhuc hodie mansit, quod proximi cognati ad *tutelam* quidem compellantur, quia certam succedendi spem habent,

bent, non autem ad *curam*, quia post adeptam a pupillis pubertatem illa spes deficit, exceptis curatoribus prodigorum & furiosorum, & in feudalibus, v. quæ diximus ad *tit. de legitim. tut. dist. I.*

In reliquis plerisque puto, nulla inter tutores & curatores erit differentia,

## DISTINCTIO II.

Inter impedimentum *animi* & *corporis*,  
ob quod curator constitui-  
tur.

**V**ideri poterat ab initio, parum interesse, utrum propter impedimentum animi, an vero corporis constituatur curator, cum utrobique idem sit ejusdem officium eademque ubivis obligatio. Et sane *intuitu ipsius etiam curatoris* nihil revera intererit. Ast interest tamen *intuitu ipsius, cui curator constituitur*. Quæritur scilicet, *an aliquis invitatus curatorem accipere teneatur?* Hic, quia in administratione negotiorum civilium utrumque requiritur, animus sc. & corpus, animus autem instar directoris est, cujus jussum & placita exequitur corpus, exinde statim consequitur, quod *quotiescunque adest defectus animi, v. g. in furiosis, mente capis,*